

বাংলায় মৌলানা

শ্রীঅর্জুনচন্দ্র ঘোষ এম. এ.



A-207/208



বাংলার মনীষী



‘বীরভূমি বাঙালী’, ‘বায়ামে বাঙালী’, ‘বাংলার মনীষী’, ‘বাংলার ঋষি’,
‘আচার্য জগদীশ—জীবনী ও আবিষ্কার’ প্রভৃতি গ্রন্থ-প্রণেতা

শ্রীঅনিলচন্দ্র ঘোষ এম্. এ-প্রণীত



প্রেসিডেন্সী লাইব্রেরী

১৫ কলেজ স্কোয়ার, কলিকাতা-১২



920.05414
GHO

চতুর্থ সংস্করণ

১৩০

LIBRARY, V. S. LIBRARY
15.3.2005
11027

Published by A. C. Ghosh, M. A. Presidency
Library, 15 College Square, Calcutta-12
Printed by D. K. Bose from Sree Jagadish
Press, 41 Gariahat Road, Calcutta-19

ভূমিকা

বাংলার যে সকল মনস্বী জ্ঞানের দীপ্তোজ্বল বর্তিকা হস্তে জগৎ-সভায় অক্ষয় কীর্তি প্রতিষ্ঠা করিয়াছেন, তাঁহাদেরই জীবনকথা ‘বাংলার মনীষী’তে প্রকাশিত হইল।

ওই গ্রন্থখানি বঙ্গ-গৌরব-গ্রন্থমালায় অন্তর্গত। এই গ্রন্থমালায় বাংলার প্রতিভাবান্ কর্মী ও কৃতী পুরুষগণের কর্মক্ষেত্রেতে বীর, ব্যায়ামবীর, বৈজ্ঞানিক, কবি, সাহিত্যিক, ধর্মগুরু, রাষ্ট্রনায়ক ইত্যাদি বিভিন্ন শ্রেণীবিভাগ-ক্রমে তাঁহাদের সংক্ষিপ্ত চরিতাখ্যান অবলম্বনে ভিন্ন ভিন্ন গ্রন্থ প্রকাশিত হইতেছে। যে সকল মনস্বী প্রধানতঃ শিক্ষাবিস্তার ও জ্ঞানানুশীলনে জীবন উৎসর্গ করিয়াছেন অথচ ঠিক পূর্বোক্ত অল্প কোন গোষ্ঠীর অন্তর্গত নহেন, তাঁহাদিগকে এই ‘মনীষী’ গ্রন্থের অন্তর্ভুক্ত করিয়াছি। বলা বাহুল্য, এ কয়েকটি নামেই এই গোষ্ঠীও পরিসমাপ্ত হয় না। প্রয়োজনীয় উপকরণ সংগৃহীত হইলে গ্রন্থখানি আরো সমৃদ্ধ করিবার প্রয়াস পাইব।

এই গ্রন্থ-প্রণয়নে নিম্নলিখিত ভদ্রমহোদয়গণের নিকট কৃতজ্ঞতা স্বীকার করিতেছি। অধ্যাপক শ্রীযুক্ত হীরালাল হালদার, শ্রীযুক্ত রমাপ্রসাদ চন্দ ও শ্রীযুক্ত প্রভাত সান্যাল। ইহাদের প্রবন্ধাদি হইতে বিশেষ সাহায্য পাইয়াছি। ‘অধ্যাপক যত্ননাথ সরকার’ শ্রীযুক্ত প্রভাত সান্যাল মহাশয়ের লিখিত ; স্বল্পায়তন বলিয়া উহা সমগ্রই গ্রহণ করিয়াছি। এজন্য তাঁহার নিকট চিরঞ্চা রহিলাম।

বইখানি বাঙালী ছেলেমেয়েদের জ্ঞানার্জন-স্পৃহার উন্মেষে ও পরিবর্ধনে কথঞ্চিৎ সহায়তা করিলে আমার সকল শ্রম সার্থক হইবে।

আশ্বিন

১৩৩৮

শ্রীঅনিলচন্দ্র ঘোষ

সূচী

আচার্য ব্রজেন্দ্রনাথ শীল	৩
আচার্য হরিনাথ দে	১৫
শ্রী আশুতোষ মুখোপাধ্যায়	২৫
ডাঃ রাজা রাজেন্দ্রলাল মিত্র	৪৫
শ্রী গুরুদাস বন্দ্যোপাধ্যায়	৫৩
মনস্বী ভূদেব মুখোপাধ্যায়	৬৯
ডাঃ রাসবিহারী ঘোষ	৭৯
রাখালদাস বন্দ্যোপাধ্যায়	৮৭
আচার্য যতুনাত্ত সরকার	৯৭





আচার্য ব্রজেননাথ মীল

আচার্য ব্রজেন্দ্রনাথ শীল

এ যুগে আচার্য ব্রজেন্দ্রনাথ শীলের মত চিন্তাশীল পণ্ডিত পৃথিবীতে খুবই কম। প্রাচীনেরা এককালে জ্ঞানকে সাগরের সঙ্গে তুলনা দিয়া গিয়াছেন, বোধ হয় সে সময়ে জ্ঞান ও পাণ্ডিত্যের মাহোচ্চতা তাঁহাদের চোখের সামনে আচার্য ব্রজেন্দ্রনাথের মত জ্ঞানী-পণ্ডিত দেখা দিয়াছিলেন। পৃথিবীর প্রায় সকল বিদ্যায় পারদর্শিতা কোন একজনে বড়-একটা দেখা যায় না। ব্রজেন্দ্রনাথে তাহাই সম্ভব হইয়াছিল। ব্রজেন্দ্রনাথের জ্ঞানের পরিমাপ করিতে হইলে আমাদেরও অনেকটা উঁচুতে উঠিতে হইবে। আমরা তাহা পারি নাই, কাজেই তাঁহার মহামনস্বিতা হৃদয়ঙ্গম করাও আমাদের পক্ষে সহজ নয়। এই জন্য ব্রজেন্দ্রনাথের ন্যায় গুণগ্রাহী লোক আমাদের দেশে বিরল। তাঁহার মাহোচ্চতা যথার্থ হৃদয়ঙ্গম করিতে জাতিকে আরো দীর্ঘ দিন অপেক্ষা করিতে হইবে।

স্বর্গীয় মহেন্দ্রলাল শীল কলিকাতা হাইকোর্টের একজন খ্যাত-নামা উকীল ছিলেন। সেকালের প্রধান বিচারপতি পিককু সাহেব মহেন্দ্রলালকে যথেষ্ট সম্মান ও সমাদর করিতেন।

ব্যবহার-শাস্ত্র, গণিত ও দর্শনে তাঁহার যথেষ্ট পাণ্ডিত্য ছিল।

পিতার পাণ্ডিত্য
ও ন্যায়-নিষ্ঠা

এতদ্ব্যতীত যুরোপীয় ভাষার মধ্যে ইংরাজী ছাড়া
তিনি ফরাসী, জার্মান, ইতালীয় ও স্পেনীয় ভাষা
আয়ত্ত করিয়াছিলেন। মহেন্দ্রলাল, দার্শনিক

অগস্ত কোঁতের ভক্ত ছিলেন। কোঁতের দর্শন-শাস্ত্র তিনি মূল ফরাসী
হইতে সমস্তে অধ্যয়ন করিয়াছিলেন। আইন-ব্যবসায়ী হইলেও
মহেন্দ্রলাল অত্যন্ত ন্যায়নিষ্ঠ ছিলেন। কোন মোকদ্দমা গ্রহণ
করিবার পূর্বে সাত বার বিচার করিয়া দেখিতেন, উহা যথার্থ
সম্মানের সহিত পরিচালিত করিতে পারিবেন কিনা। এমনতর
লোকের কি পশার হয়, না পয়সা জুটে? মহেন্দ্রলালের তাহাই
হইয়াছিল। অর্থ-সম্পদের লালসা তাঁহার মনকে কখনও পীড়িত
করে নাই। পার্থিব সুখ-সম্পদ তাঁহার জীবনের লক্ষ্যও ছিল না।
তাই যখন অপরিণত যৌবনে তিনি ইহলোক ত্যাগ করিলেন, তখন
তাহার স্ত্রী-পুত্রদিগকে একান্ত নিঃশ্ব ও অসহায় অবস্থায় ফেলিয়া
যাইতে হইয়াছিল। মৃত্যুকালে তাঁহার বয়স ছিল মাত্র বত্রিশ
বৎসর।

ব্রজেন্দ্রনাথ, মহেন্দ্রলালের দ্বিতীয় পুত্র। পিতার মৃত্যুকালে
ব্রজেন্দ্রনাথ সাত বছরের বালক। পিতৃ-বিয়োগের পরেই বড়
ভাইটির সঙ্গে তিনি মাতুলালয়ে চলিয়া আসিলেন। তাঁহার মামার
অবস্থাও নিতান্ত অশুচল ছিল। বড় কষ্টে দুই ভাই মানুষ হইতে
লাগিলেন। বাল্যকালের সে দুঃখের কাহিনী করণ ও মর্মস্পর্শী।
মোটা ভাত, মোটা কাপড় ইহাই তাঁহাদের ভাগ্যে কোন রকমে

জুটিত। ছেলে-বেলার সখ মিটাইবার উপকরণ তাঁহাদের ছিলনা,
 পাইতেনও না। ছুঃখ-কষ্টের মধ্য দিয়াই ব্রজেন্দ্র-
 বাল্য জীবন দুঃখময় কাটিয়াছিল। ছুঃখ মানুষকে
 সত্যিকার মানুষ করিয়া গড়িয়া তোলে। ছুঃখের
 অভিজ্ঞতাই জীবনে পরম সম্পদ আনয়ন করে—ছুঃখই পরম মিত্র-
 রূপে মানুষকে শ্রেয়ের পথে লইয়া চলে। ব্রজেন্দ্রনাথ বাল্য জীবনে
 এ শিক্ষা পাইয়াছিলেন।

বাল্যকাল হইতেই ব্রজেন্দ্রনাথ প্রতিভার পরিচয় দিয়া
 আসিয়াছেন। যখন তিনি ইংরেজী বিদ্যালয়ের চতুর্থ শ্রেণীতে
 পড়িতেন, সেই সময়ে তাঁহাদিগকে বীজগণিত ও জ্যামিতি পড়ানো
 হইত। তখনকার দিনে গ্রীষ্মকালের বন্ধ ছিল মাত্র একমাস।
 ব্রজেন্দ্রনাথ বন্ধের পূর্বে বীজগণিত মাত্র পড়া
 বালাজীবনের প্রতিভার পরিচয় আরম্ভ করিয়াছিলেন। চতুর্থ শ্রেণীতে উত্তীর্ণ
 হইয়া অগ্ৰাণু ছেলেদের বীজগণিতে যে সামান্য
 জ্ঞান জন্মে, ব্রজেন্দ্রনাথের তাহাই ছিল। তিনি স্থির করিলেন,
 এবার বন্ধটা ভাল করিয়া কাজে লাগাইবেন। তিনি বীজগণিত
 পড়িতে আরম্ভ করিলেন। একমাস পড়িয়া তিনি বীজগণিতখানি
 আগাগোড়া আয়ত্ত করিয়া ফেলিলেন। একা নিজে তিনি এই
 বইখানি পড়িয়া ফেলিয়াছিলেন—তাঁহাকে কেহ কোনরূপ সাহায্য
 করে নাই।

ইহার পর হইতেই ব্রজেন্দ্রনাথ গণিতশাস্ত্রে অত্যন্ত অনুরক্ত
 হইয়া পড়িলেন এবং উচ্চতর গণিত অধ্যয়ন করিতে লাগিলেন।

এই বছর শেষ না হইতেই তিনি গণিতে এতদূর পারদর্শী হইয়া উঠিয়াছিলেন যে তিনি তাঁহার স্কুলের শিক্ষককেও গণিতে অসাধারণ গণিতের অনাধারণ পারদর্শিতা অনেক ছুঝে প্রশ্নে অনেক সময়ে সাহায্য করিতেন। শিক্ষক মহাশয় সেই বছরই কলিকাতা বিশ্ববিদ্যালয়ে গণিত শাস্ত্রে এম্-এ পরীক্ষা দিবার জন্য প্রস্তুত হইতেছিলেন। চতুর্থ শ্রেণীর একজন ছাত্রের পক্ষে ইহা অসাধারণ বই কি ?

এণ্ট্রান্স পরীক্ষা পর্যন্ত গণিত শাস্ত্রই ব্রজেন্দ্রনাথের অতি প্রিয় ছিল। এণ্ট্রান্স পরীক্ষায় তিনি জুনিয়র স্কলারশিপ পাইয়া উত্তীর্ণ হইলেন এবং জেনেরল এসেম্ব্লিজ ইন্সটিটিউশনে ভর্তি হইলেন। এই সময়ে এই কলেজের প্রিন্সিপাল ছিলেন ডাঃ হেষ্টি। হেষ্টি সাহেবের নিকট অধ্যয়ন করিয়া ব্রজেন্দ্রনাথ সাহিত্য ও দর্শন শাস্ত্রে

কলেজে অধ্যয়ন

অত্যন্ত অনুরক্ত হইলেন। ব্রজেন্দ্রনাথ যাহা একবার পড়িতে আরম্ভ করিতেন, তাহা শেষ পর্যন্ত পড়িয়া তবে ছাড়িতেন। এক সময়ে গণিতশাস্ত্র যেমন তন্ন তন্ন করিয়া পড়িয়াছিলেন, এক্ষণে সেইরূপ সাহিত্য ও দর্শনশাস্ত্র পড়িয়া ফেলিলেন। পাঁচ বছর তিনি কলেজে পড়িয়াছিলেন। এই পাঁচ বছরে তিনি পড়েন নাই এমন বিষয় ছিল না। ইংরাজী সাহিত্য বল, ইতিহাস বল, ব্যবহার-শাস্ত্র বল, দর্শন বল—সমস্ত কিছুই তাঁহার পড়া হইয়াছিল। তিনি কোন দিন ভাষা-ভাষা জ্ঞান পছন্দ করিতেন না—যাহা পড়িতেন খুব ভাল করিয়া পড়িতেন। পল্লবগ্রাহিতা তাঁহার জীবনে কোন দিনই আশ্রয় পায় নাই। তাঁহার

পড়ার গভীরতা ও ব্যাপকতা কতদূর ছিল, তাহার একটি মাত্র
 দৃষ্টান্ত দিতেছি। ব্রজেন্দ্রনাথ যখন ইংরেজী
 অধ্যয়নের বিশালতা
 ও
 গভীরতা
 সাহিত্য অধ্যয়ন করেন সেই সময়ে ইংলণ্ডের
 প্রাচীনতম সাহিত্য (চসারের পূর্বেকার) এমন
 কি স্কটলণ্ডের ও ইংলণ্ডের সীমান্ত প্রদেশের ছুর্বোধ্য পল্লী-গাথাগুলি
 পর্যন্ত তন্ন তন্ন করিয়া আয়ত্ত করিয়াছিলেন। দর্শনশাস্ত্রগুলি
 যখন পড়িয়াছেন, তখন প্রাচীন, আধুনিক ও মধ্য যুগের
 যুরোপী সমস্ত দর্শন এবং ধর্মতত্ত্ব পড়িয়া ফেলিয়াছেন। এত
 যে পড়িয়াছেন, কোন কিছু ভুলেন নাই—অসাধারণ তাঁহার
 স্মৃতি-শক্তি। প্রত্যেক বিষয়ের খুঁটিনাটি কথাগুলি পর্যন্ত তাঁহার
 নখদর্পণে রহিয়াছে। এম্-এ পরীক্ষায় উত্তীর্ণ হইয়া ব্রজেন্দ্রনাথ
 অর্থশাস্ত্র, সংস্কৃত সাহিত্য ও হিন্দু-দর্শন অধ্যয়ন করিলেন। বস্তুতঃ
 পৃথিবীতে এমন বিদ্যা নাই যাহা ব্রজেন্দ্রনাথের অধিগত নয়।
 ব্রজেন্দ্রনাথ অনেক সময় বলিয়া থাকেন, প্রাকৃত বিজ্ঞানে ও পদার্থ
 শাস্ত্রে তাঁহার জ্ঞান কম। কিন্তু বলিতে কি অনেক বৈজ্ঞানিক
 বিশেষজ্ঞকেও ব্রজেন্দ্রনাথের বিদ্যাবত্তায় অবাক
 হইতে হইয়াছে। কোন্ বিষয়ে যে তাঁহার রুচি
 নাই, তাহা বলা মুশ্কিল। তিনি বস্তুতঃই সর্ববিদ্যা-বিশারদ। এক
 ভদ্রলোক একদিন ব্রজেন্দ্রনাথের সঙ্গে দেখা করিতে গিয়াছেন।
 তিনি দেখিলেন, ব্রজেন্দ্রনাথ যত রাজ্যের যত ম্যাপ আর চার্ট
 চারিদিকে ছড়াইয়া লইয়া বসিয়াছেন। শুনিলেন, ব্রজেন্দ্রনাথ দক্ষিণ
 আমেরিকার ভূ-প্রকৃতির পুঞ্জানুপুঞ্জ বৃত্তান্ত অধ্যয়ন করিতেছেন।

এ সকল কথা অবিশ্বাস্ত হয়, অসম্ভবও নয়। এরূপ প্রতিভা পৃথিবীতে খুব কমই দেখা যায়। ব্রজেন্দ্রনাথের মনীষা বাস্তবিকই সাধারণের অনেক উপরে ছিল। কঠিন বিষয়ে ব্রজেন্দ্রনাথের মাথা খেলিত বেশী। যাহা-কিছু জটিল ও কঠিন, ব্রজেন্দ্রনাথ তাহাতে অসীম আনন্দ পাইতেন। একটি গল্প বলিতেছি। তখন ব্রজেন্দ্রনাথ কলেজের প্রথম বার্ষিক শ্রেণীতে পড়েন।

একটি গল্প

একদিন ডাঃ হেষ্টির নিকট লজিকের একখানি বই চাহিলেন। এইখানি অত্যন্ত কঠিন। একজন প্রথম বার্ষিক শ্রেণীর ছাত্রের এই স্পর্ধায় হেষ্টি সাহেব খুব বিরক্ত হইলেন এবং তাঁহাকে বেশ একটো বকিয়া দিলেন। ব্রজেন্দ্রনাথ কিন্তু নাছোড়-বান্দা, তিনিও বইখানি না লইয়া যাইবেন না, অবশেষে হেষ্টি সাহেব বইখানা দিয়া দিলেন।

তিন চারিদিন পরে ব্রজেন্দ্রনাথ বইখানা হেষ্টি সাহেবকে ফেরত দিতে গেলেন। হেষ্টি সাহেব বলিয়া উঠিলেন, “কেমন আমি বলি নাই, তুমি ইহার কিছুই বুঝিবে না?”

“না স্যার, আমি ইহা বেশ ভাল করিয়াই পড়িয়াছি।”

বালক ব্রজেন্দ্রনাথের এই কথায় হেষ্টি সাহেব অবাক হইয়া গেলেন। তিনি উহা সহজে বিশ্বাস করিতে পারিলেন না। ব্রজেন্দ্রনাথের উপর প্রশ্নের পর প্রশ্ন করিতে লাগিলেন। ব্রজেন্দ্রনাথ সকল প্রশ্নের সুন্দর উত্তর তো দিলেনই, তার উপর বইখানির ভালমন্দের সমালোচনা করিতেও কসুর করিলেন না।

যাহারা ব্রজেন্দ্রনাথের জীবনের সঙ্গে পরিচিত আছেন, তাহারা জানেন কি গভীর অভিনিবেশ ও নিষ্ঠার সহিত তিনি অধ্যয়ন করিয়া

থাকেন! যোগীর মত তিনি অধ্যয়নশীল। যখন
অধ্যয়নে
অভিনিবেশ ও নিষ্ঠা
তিনি এই তপস্রায় রত থাকেন, পৃথিবীর শত

কোলাহল তাঁহার ধ্যান ভাঙিতে পারে না, চিত্ত
বিক্ষেপ করিতে পারে না। সত্যই তিনি জ্ঞানের ধ্যান-গন্তীর বিরাট
হিমগিরি। যখন তিনি কোন বিষয় অধ্যয়ন করেন তখন তাঁহার
মনশ্চক্ষে উহার সমস্ত দোষ-গুণ, ক্রটি-বিচ্যুতি সব কিছু ভাসিয়া
উঠে—এই জ্ঞান মূল গ্রন্থ পড়িলেই তাঁহার জ্ঞান পরিপূর্ণ হয়, উহার
টীকাভাষ্যাদির কোন আবশ্যক করে না। এমন তন্ময়তা, তদগত-
চিত্ততা বড় দেখা যায় না। পড়িবার সময় তাঁহার কোন বাহ্য জ্ঞান
থাকে না—আহার নিদ্রা তিনি ভুলিয়া যান। এমন কত দিন
গিয়াছে, সন্ধ্যাকালে পড়িতে বসিয়াছেন, যখন পড়া শেষ করিয়া

উঠিয়াছেন তখন পরদিন বেলা দুপুর—আকাশের
জ্ঞানী ও ধ্যানী
মাথায় সূর্য তপ্ত রোদ ছড়াইতেছে। আজিকার
দিনে একরূপ তপস্বী মিলে কৈ ?

ব্রজেন্দ্রনাথ উপযুক্ত পিতার যোগ্যতম পুত্র। পিতার আয়
তিনিও বহু ভাষাবিদ। মাতৃভাষা বাংলা ছাড়া তিনি
ফ্রেঞ্চ, জার্মান, ইতালীয়, লাতিন, গ্রীক, ফারসি, আরবী, ইংরেজী,
ও সংস্কৃত ভাষায় সুপণ্ডিত ছিলেন। ইহা ছাড়া
বহু ভাষা-জ্ঞান
ভারতের অনেক প্রাদেশিক ভাষাও অবগত

ছিলেন।

দার্শনিক হইলেও ব্রজেন্দ্রনাথের পরিচালনা-শক্তির প্রাচুর্য ছিল। কুচবিহার ভিক্টোরিয়া কলেজের প্রিন্সিপালরূপে এবং অবশেষে মহীশূর বিশ্ববিদ্যালয়ের ভাইস-চ্যান্সেলাররূপে তিনি প্রিন্সিপাল ও ষথেষ্ট দক্ষতার পরিচয় দিয়াছেন। তাঁহার নিকট ভাইস-চ্যান্সেলার কেহ কোন প্রকার শৈথিল্য প্রদর্শন করিতে পারিত না। নিজেও যেমন নিয়মনিষ্ঠ ছিলেন, অপরকেও উহার ব্যতিক্রম করিতে দেখিলে তেমনি বিরক্ত হইতেন। কলেজের ছোট খাটো কাজও তিনি নিজ হাতে না করিলে উহা তাঁহার মনঃপূত হইত না। ছেলেদের পরীক্ষার আবেদন-পত্রে কতকগুলি বিষয় কলেজের প্রিন্সিপালকে নিজে লিখিয়া দিবার নিয়ম আছে। অনেক কলেজেই উহা কেরাণীরা লিখিয়া দেন, প্রিন্সিপাল স্বাক্ষর করেন মাত্র। কিন্তু ব্রজেন্দ্রনাথ সহস্রে শত শত আবেদন-পত্রে সমস্ত লিখিয়া স্বাক্ষর করিয়া দিতেন। তারপর মহীশূর বিশ্ববিদ্যালয়ের ভাইস-চ্যান্সেলার হইয়া উহার উন্নতিকল্পে যে অক্লান্ত পরিশ্রম করিয়াছেন, তাহাও তাঁহার অসাধারণ কর্মদক্ষতার পরিচায়ক। মৃত্যুর কয়েক বছর পূর্বে তিনি মহীশূরের কার্য পরিত্যাগ করিয়া অবসর গ্রহণ করিয়াছিলেন।

আচার্য ব্রজেন্দ্রনাথ দীর্ঘকাল যাবৎ বিপত্নীক ছিলেন—যৌবনেই তাঁহার পত্নী-বিয়োগ ঘটে। তারপর তাঁহার একমাত্র কণ্ঠা অতি অল্প বয়সেই বিধবা হন। স্বর্গীয় দেশবন্ধুর কনিষ্ঠ পারিবারিক জীবন ভ্রাতা স্বর্গীয় বসন্ত কুমার দাশের সঙ্গে ইহার বিবাহ হইয়াছিল। এই উভয় শোকই ব্রজেন্দ্রনাথের চিত্তে

গভীর ক্ষত আঁকিয়া দিয়াছিল। তিনি ধীরভাবে এই শোক সহ করিয়াছিলেন। তাঁহার পুত্রগণও পিতার পদাঙ্ক অনুসরণে কৃতী।

১৯২১ সালে লণ্ডনে বিশ্বজাতি-সম্মেলনের যে অধিবেশন হয়, তাহাতে আচার্য শীল আলত হইয়াছিলেন। তিনি সেই সভায় যোগদান করিয়া যে অসামান্য পাণ্ডিত্যের পরিচয় দিয়াছিলেন, তাহাতে পাশ্চাত্য জগৎ মুগ্ধ হইয়াছিল। ব্রজেন্দ্রনাথই এই

বিশ্বজাতি-সম্মেলনের
পুরোধা সম্মেলনের উদ্বোধন করেন এবং তিনিই ইহার প্রথম বক্তা ছিলেন। শতবর্ষ পূর্বে যে বঙ্গ-স্বাধির

কণ্ঠে প্রাচী ও প্রতীচীর মিলনগাঁথা উদগীত হইয়াছিল, সেই রাজা রামমোহনের যথার্থ ভাবানুজ আচার্য ব্রজেন্দ্রনাথ বিশ্বজাতির মিলন-মহোৎসবের উদ্বোধন-গীতি উচ্চারণ করিবেন, তাহা আর বিচিত্র কি? বস্তুতঃ রামমোহনের এমন মন্ত্রশিষ্য ব্রজেন্দ্রনাথের মত আর কাউকে এ যুগে দেখা যায় নি। পাশ্চাত্য পণ্ডিত-মণ্ডলী যাঁহার সম্মাননা এমন ভাবে করিয়াছিলেন, তাঁহার প্রতিভার পরিচয় আমরা কয় জনে জানি? বিদেশে যাঁহার গলে বরমাল্য অর্পিত হইয়াছে, তাঁহারই স্বদেশবাসীর নিকটে তিনি আজও যথাযোগ্য মর্যাদা লাভ করেন নাই। ইহার

অনাড়ম্বর
ও
নিরভিমান

কারণ, ব্রজেন্দ্রনাথ যথার্থই অনাসক্ত জ্ঞানযোগী। নিন্দা-স্তুতির তিনি অতীত, তাই তিনি সত্যিকার পণ্ডিত। বাহ্য আড়ম্বর, নামঘশের আকাঙ্ক্ষা, সম্মান-প্রতিপত্তি, পাণ্ডিত্যাভিমান—কিছুই তাঁহাকে কলুষিত ও

বিচলিত করিতে পারে নাই। অত বড় পণ্ডিত, অথচ একেবারে শিশুর মত সরল। এমন ভোলানাথ আর দ্বিতীয়টি নাই।

বহু সহস্র বর্ষ পূর্বে পুণ্যভূমি ভারতবর্ষে জ্ঞানের সার্থক পরিসমাপ্তি হইত সেই পরমপুরুষের পূতচরণে যাঁহাতে সকল জ্ঞান আসিয়া মিলিত হইয়াছে—‘জ্ঞানমদ্বয়ম্’ বলিয়া মুক্ত কণ্ঠে যাঁহার

বন্দনা গীত হইত, মনে হয়, ব্রজেন্দ্রনাথে সেই
জ্ঞানী ও ঋষি

প্রাচীন কালের ঋষিদের জ্ঞান-শিখা প্রোজ্জ্বল হইয়া উঠিয়াছে। তাই তাঁহার সকল জ্ঞান ছুটিয়া চলিয়াছে তাঁহারই পানে যিনি সত্যং শিবং সুন্দরম্। এই পরম জ্ঞানী ও ধ্যানীর অসাধারণ মহোচ্চতাকে স্বীকার করিয়া তাঁহারই স্বদেশবাসী তাঁহাকে নতি জানাইতেছে।



আচার্য হরিনাথ দে

আচার্য হরিনাথ দে

বাংলা দেশে প্রতিভাশালী পুরুষের অভাব কোন দিনই হয় নাই। কিন্তু আচার্য হরিনাথের মত অসাধারণ পণ্ডিত ও মনীষা-সম্পন্ন ব্যক্তি এদেশে কমই দেখা গিয়াছে।

চৌত্রিশ বৎসর তাঁহার বয়স হইয়াছিল। যৌবন-সূর্য তখন মধ্যগগনে দীপ্যমান। এই অকালে আচার্য হরিনাথ সংসারের সকল বাঁধন ছিন্ন করিয়া জীবনের পরপারে চলিয়া গেলেন। বাংলার মহামনীষী বঙ্গ-ভুবন আঁধার করিয়া ১৩১৮ সালের ১৩ই ভাদ্র বুধবার মহাপ্রয়াণ করিলেন।

১৮৭৬ সালে হরিনাথ জন্মগ্রহণ করেন। তাঁহার পিতা রায় ভূতনাথ দে বাহাদুর মধ্যপ্রদেশস্থ রাইপুরের প্রসিদ্ধ ব্যবহারজীবী ছিলেন। বড় বড় লোকদের জীবনী আলোচনা করিলে দেখা যায়,

মা ও ছেলে

—বিহ্বলী মা

জননীর প্রভাব তাঁহাদের জীবনকে অনেকখানি নিয়ন্ত্রিত করিয়াছে। এই জন্ত নেপোলিয়ান

বলিতেন, মায়েরাই প্রকৃতরূপে জাতিকে গড়িয়া

তুলেন। হরিনাথের জীবনেও ইহার ব্যতিক্রম হয় নাই। তাঁহার অসামান্য জ্ঞানস্পৃহার প্রেরণা যোগাইয়াছিলেন, তাঁহার স্নেহময়ী জননী। হরিনাথের জননী ইংরাজী, বাংলা, মারাঠী ও হিন্দি এই

চারি ভাষায় সুদক্ষ ছিলেন। মাকে হরিনাথ অত্যন্ত ভালবাসিতেন। মায়ের সুখ-স্বাচ্ছন্দ্যের প্রতি চিরদিনই তাঁহার বিশেষ দৃষ্টি ছিল। শোনা যায়, পিতার নিকট হরিনাথ চার বৎসর বয়সে সমস্ত বাইবেলশাস্ত্র শ্রবণ করিয়াছিলেন।

বাল্যকাল হইতেই অধ্যয়নে হরিনাথের গভীর প্রীতি ছিল। তিনি প্রথমে মধ্য-ইংরেজী পরীক্ষায় উত্তীর্ণ হইয়া মাসিক পাঁচ টাকা বৃত্তি প্রাপ্ত হন। ইহার পর সমস্ত পরীক্ষাতেই তিনি সম্মানের সহিত উত্তীর্ণ হইয়া গিয়াছেন। কলিকাতা বিশ্ববিদ্যালয় হইতে বি-এ. পরীক্ষায় উত্তীর্ণ হইয়া হরিনাথ ১৮৯৭ সালে বিলাতের

কেম্ব্রিজ বিশ্ববিদ্যালয়ে প্রবিষ্ট হন। ঐ বছরই

ছাত্র-জীবন

স্বদেশে ও বিদেশে

বিলাতে অবস্থানকালে তিনি কলিকাতা বিশ্ব-বিদ্যালয়ে গ্রীক ভাষায় এম্-এ. পরীক্ষা দেন।

তাঁহার এই পরীক্ষা বিলাতেই গৃহীত হয়। শুধু তাঁহার জন্মই কলিকাতা বিশ্ববিদ্যালয়ের সাধারণ নিয়মের এই ব্যতিক্রম করা হইয়াছিল। এ পরীক্ষায় হরিনাথ সম্মানের সহিত উত্তীর্ণ হইয়াছিলেন।

কেম্ব্রিজের সর্বোচ্চ ও কঠিন ট্রাইপস পরীক্ষায় তিনি সম্মানের সহিত উত্তীর্ণ হন। এই সময়েই তিনি ল্যাটিন ও গ্রীক কবিতার জ্ঞান স্কীটস পুরস্কার ও লর্ড চ্যান্সেলার পদক প্রাপ্ত হন। ইহা অত্যন্ত সম্মানজনক। ইংলণ্ডের পূর্বতম রাজকবি টেনিসন ও মিল্টন এককালে এই পুরস্কার পাইয়াছিলেন। একজন বাঙালী যুবকের পক্ষে ইহা কম গৌরবের বিষয় ছিল না।

কেন্দ্রিজে পাঠ সমাপন করিয়া হরিনাথ কিছুকাল জার্মানী ও ফরাসী দেশে অধ্যয়ন করেন। তৎপর যুরোপীয় শিক্ষাদীক্ষা সমাপন করিয়া তিনি ভারতবর্ষে প্রত্যাগমন করেন এবং ভারতীয় শিক্ষা-বিভাগে চাকুরী লাভ করেন।

এই চাকুরী পাইয়া তিনি কিছুদিন ঢাকা কলেজে অধ্যাপনা করেন। তৎপর কলিকাতা প্রেসিডেন্সী কলেজে বদলি হইয়া আসেন। এই সময়কার কথা উল্লেখ করিয়া আচার্য হরিনাথের একজন প্রাক্তন ছাত্র তাঁহার সম্বন্ধে লিখিয়াছিলেন—

“একদিন শুনিলাম ঢাকা কলেজ হইতে প্রোফেসর হরিনাথ আমাদের পড়াইতে আসিতেছেন। ইতঃপূর্বেই
অধ্যাপক ও
অধ্যাপনা
আমরা তাঁহার বিশ্ববিখ্যাত নাম শুনিয়াছিলাম।
এক্ষণে সকলেই অত্যন্ত ঔৎসুক্যের সহিত তাঁহার

আগমন প্রতীক্ষা করিতে লাগিলাম।

“সাধারণতঃ নূতন শিক্ষক প্রথম আসিলে ছেলেরা তাঁহাকে একটু জ্বালাতন করে ; কিন্তু আমার বেশ মনে পড়ে, হরিনাথ দে যখন প্রথম পড়াইতে আসেন সেদিন ছেলেরা কোনও রকম গোলমাল করে নাই। জানি না তাঁহার বিশাল চক্ষু দু’টির ভিতর কেমন একটা জ্যোতিঃ ছিল, তাঁহার কণ্ঠের স্বরে কেমন একটা গাঙ্গুরী ছিল, ছেলেরা সকলেই বেশ মনোযোগের সহিত তাঁহার নিকট পাঠ গ্রহণ করিয়াছিল।

“সে সময়ে মিণ্টনের ‘কোমাস’ ও হেলসের ‘এসেস’ আমাদের পাঠ্য-পুস্তক ছিল। তিনি সেই পুস্তক দু’খানি আমাদের

পড়াইতেন। গ্রীক ও ল্যাটিন ভাষায় সুপণ্ডিত বলিয়া কোমাসের allusionগুলি এত ভাল করিয়া বুঝাইয়া দিতেন যে, আর দ্বিতীয়বার পড়িবার প্রয়োজন হইত না।”

যুরোপীয় আধুনিক ও প্রাচীন সাহিত্য এবং ভাষায় হরিনাথের বিশেষ পারদর্শিতা ছিল। শোনা যায়, একবার প্রেসিডেন্সী

কলেজের ভূতপূর্ব অধ্যাপক সুপণ্ডিত পার্সিভেল
অসাধারণ পণ্ডিত

সাহেব নাকি ক্লাশের ছেলেদের নিকট হরিনাথের কথাপ্রসঙ্গে বলিয়াছিলেন—“Yes, he can teach me Latin and Greek for several years—হাঁ, তিনি আমাকে বেশ কয়েক বছর ল্যাটিন ও গ্রীক শিখাইতে পারেন। কিছুকাল প্রেসিডেন্সী কলেজে অধ্যাপনা করিয়া তিনি ছগলী কলেজের অধ্যক্ষের পদ প্রাপ্ত হন। কিন্তু অধ্যাপনায় তাঁহাকে আনন্দ দিত না, তাঁহার আনন্দ ছিল অধ্যয়নে। তিনি অনেক সময়ই বলিতেন—“এ কাজ আমার ভাল লাগে না; ইহাতে আমি ছেলেদেরও বিশেষ উপকার করিতে পারি না, নিজেরও কোন উপকার হয় না। বরং পড়াশুনার বড় ক্ষতি হয়।”

অবশেষে হরিনাথ তাঁহার ঈঙ্গিত পদ লাভ করিলেন। কলিকাতা ইম্পিরিয়েল লাইব্রেরীর লাইব্রেরীয়ানের পদে তিনি অধিষ্ঠিত হইলেন। এইবার তাঁহার পড়ার সাধ মিটাইবার পূর্ণ সুযোগ উপস্থিত হইল। ইহার পর যতদিন বাঁচিয়া ছিলেন, সারাটা জীবন কী পড়া-ই না পড়িয়াছেন। অমন আত্মভোলা অধ্যয়নশীল বড় দেখা যায় না।

ইম্পিরিয়েল
লাইব্রেরীর
লাইব্রেরীয়ান

অসাধারণ ছিল তাঁহার স্মৃতিশক্তি, তাই এই বয়সে এত বিষয় আয়ত্ত করিতে পারিয়াছিলেন। তিনি একবারে অধিকক্ষণ পড়িতেন না এবং কখনও বেশী রাত্রি জাগিয়াও পড়িতেন না।

অথচ যাহা পড়িতেন, কোন দিনও তাহা ভুলিতেন না। তাঁহার মেধা ও অধ্যবসায় অসামান্য ছিল। যখন তিনি নিবিষ্টচিত্তে অধ্যয়ন করিতে বসিতেন,

অসামান্য স্মৃতি,
মেধা ও অধ্যবসায়

তখন বাহিরের শত কোলাহল, সংসারের ঝাট-ঝঞ্ঝাট তাঁহার ধ্যান ভাঙিতে পারিত না। পুঁথির মধ্যে অতন্দ্রিতভাবে তন্ময় হইয়া থাকিতেন। অনেক সময় তাঁহার চারিপাশে কত লোক আড্ডা জমাইয়া বসিয়াছে, কিন্তু হরিনাথের সমগ্র মন পুঁথিতেই ডুবিয়া রহিয়াছে। কোন দিনও পরীক্ষার সময় তাঁহাকে চিন্তিত দেখা যায় নাই। ছুদিন পরে পরীক্ষা, হরিনাথ মহা আনন্দে বন্ধু-বান্ধবের সঙ্গে গল্প-গুজব করিয়া কাটাইতেছেন। পরীক্ষার ফল বাহির হইলে লোকে সবিস্ময়ে দেখিল, হরিনাথের নাম সকলের উপরে।

জীবনের শেষদিন পর্যন্ত হরিনাথ ইম্পিরিয়েল লাইব্রেরীর গ্রন্থাগারিক পদে প্রতিষ্ঠিত ছিলেন। ইহাই তাঁহার কাল হইল।

আচার্য হরিনাথের মত বহু ভাষাবিদ পণ্ডিত সমগ্র এশিয়াখণ্ডে আর কেহ ছিল না। তিনি সর্বসমেত ঊনত্রিশটি ভাষা জানিতেন।

তিনি দ্বিতীয়বার যখন যুরোপ গমন করেন, তখন বর্ধমানের মহারাজার গাইড্ (পথপ্রদর্শক) ছিলেন। বর্ধমানের মহারাজ ইটালীতে যাইয়া

বহু ভাষাবিদ
ঊনত্রিশটি ভাষায় পাণ্ডিত্য

রোম নগরে পোপের সঙ্গে দেখা করেন। পোপ বিদেশীয়দের সহিত

সাক্ষাতের সময় ল্যাটীন ছাড়া অন্য ভাষায় কথা বলিতেন না। ইটালীর প্রচলিত ভাষা ইটালীয়, ল্যাটিন আমাদের সংস্কৃতের ন্যায় উহাদের দেবভাষা। পোপের সঙ্গে আলাপের সময় হরিনাথ দ্বিভাষীর কাজ করিলেন। তিনি এমন চমৎকার ল্যাটিন বলিয়াছিলেন যে, পোপ একজন বিদেশী বিশেষতঃ ভারতবাসীর এরূপ ক্ষমতা দেখিয়া অবাক হইয়াছিলেন।

একবার রুশদেশের বিখ্যাত পণ্ডিত বার্বারটস্কি ভারতবর্ষে আসিয়াছিলেন। সেই সময়ে তিনি হরিনাথের পাণ্ডিত্যে এতদূর মুগ্ধ হইয়াছিলেন যে, তাঁহাকে সেন্টপিটার্সবার্গের বিশ্ববিদ্যালয়ের অধ্যাপকের পদে নিযুক্ত করিতে চাহেন। হরিনাথ স্বদেশ ছাড়িয়া সুদূর রুশদেশে যাইতে স্বীকৃত হইলেন না।

কত-বড় জ্ঞানী ও পণ্ডিত যে হরিনাথ ছিলেন, তাঁহার স্বদেশ-বাসী তাহা ধারণা করিতে পারে নাই। তাই অনেক লাঞ্ছনা সহিয়াই তাঁহাকে সংসার হইতে বিদায় লইতে হইয়াছে। একবার কলিকাতা বিশ্ববিদ্যালয়ের কোন সংস্কৃত পরীক্ষার প্রশ্ন অত্যন্ত কঠিন হওয়ায় হরিনাথ উহার তীব্র প্রতিবাদ করেন। কিন্তু তাঁহার পণ্ডিতস্বত্ত্ব দেশবাসী উহা কানেও তুলিল না, তাম্বিল্যের সহিত শুধু টীপ্সনী কার্টিল—হরিনাথ সংস্কৃত কী বুঝিবে? হরিনাথ

ইহার কিছুদিন পরেই এই অমূলক কথার পণ্ডিত ছিলেন,
পাণ্ডিত্যের
অহঙ্কার ছিল না
অসত্যতা ঘুচাইয়া দিলেন—তাঁহার বিরুদ্ধ
দল দেখিয়া বিস্মিত হইল, সেই প্রাপ্তবয়সে

হরিনাথ সংস্কৃতে এম্. এ. পরীক্ষা দিয়া সম্মানের সহিত উত্তীর্ণ

হইয়াছেন। অসাধারণ পণ্ডিত ছিলেন হরিনাথ, কিন্তু পাণ্ডিত্যের অভিমান তাঁহাকে কোনদিন স্পর্শ করিতে পারে নাই। অমন সরল ও প্রাণ-খোলা মানুষটিকে দেখিলে কে বলিবে ইনিই বিশ্ব-বরেণ্য পণ্ডিত আচার্য হরিনাথ? যখন তিনি ব্যক্তিগত জীবনে মোটা একখানি ধুতি পরিয়া বন্ধু-বান্ধবের সঙ্গে সারল গল্প-গুজবে ও কলহাস্তে সারা ঘরখানি মুখরিত করিয়া তুলিতেন, তখন ভ্রমেও কেহ ভাবিতে পারিত না যে ইনিই বিখ্যাত হরিনাথ দে। বিদ্যা এবং বিনয় তাঁহার জীবনকে পূর্ণ করিয়া তুলিয়াছিল।

এই মহামনীষী জীবনে নানাভাষা হইতে বহু জ্ঞান আহরণ করিয়াছিলেন, কিন্তু দেশকে তাঁহার অংশীদার করিয়া যাইতে পারেন নাই। তাঁহাকে কিছু লিখিবার কথা বলিলে স্বভাব-সুলভ বিনয়-মাত্র স্বরে উত্তর দিতেন—“শিখ্লাম কি যে লিখিব? এখনো শিখ্বার যথেষ্ট বাকী।” হরিনাথ সবেমাত্র লিখিবার উদ্যোগ করিয়াছিলেন, এমন সময় নির্ভুর নিয়তির কঠোর পরিহাসে সব কিছুই অসমাপ্ত রহিয়া গেল। নইলে জগতের জ্ঞানভাণ্ডারে এক অমূল্য উপহার প্রদত্ত হইত।

তাঁহার অসমাপ্ত লেখার বিষয়-বৈচিত্র্য দেখিলে আশ্চর্য হইতে হয়। হরিনাথ তিব্বতীয় ও চীন ভাষা হইতে অনেক বই অনূদিত করিতেছিলেন। সংস্কৃত শকুন্তলার একটি ইংরাজী সরল পদ্যানুবাদ করিয়াছিলেন। আরো কত কি যে আরম্ভ করিয়াছিলেন। কিন্তু কোনটাই শেষ করিয়া যাইতে পারেন নাই। বাংলা ভাষার উৎপত্তি

ও ক্রমবিকাশের অনুসন্ধান ও আলোচনা করা তাঁহার জীবনের একটা বড় সাধ ছিল, কত সময়ে একথা উল্লেখ করিয়া বলিয়াছেন। নানাদেশীয় অনেকগুলি কবিতা ইংরেজীতে তিনি অনুবাদ করিয়াছিলেন। তাঁহার মুক্তার মত লেখাগুলি বড়ই সুন্দর দেখাইত।

হরিনাথ অর্থের ভিখারী ছিলেন না। বাল্যকাল হইতেই সুখে-সাচ্ছল্যে লালিত ও বর্ধিত হইয়া আসিয়াছেন। নিজেও যথেষ্ট অর্থ উপার্জন করিয়াছেন। বিবিধ বৃত্তি ও পারিতোষিক হিসাবেই হরিনাথ ন্যূনাধিক বিশ হাজার টাকা প্রাপ্ত হইয়াছিলেন। কিন্তু মৃত্যুকালে বৃদ্ধা মা ও অনাথ জীপুত্রাদির জন্ত কোন সংস্থান করিয়া যাইতে পারেন নাই। একমাত্র পানদোষ ব্যতীত কোন প্রকার বিলাসিতা বা ব্যয়বাহুল্য তাঁহার ছিল না। তাঁহার পরিচ্ছদ সাধারণ রকমের ছিল। এই পানদোষই তাঁহার সর্বনাশের অনেকখানি কারণ হইয়া দাঁড়াইয়াছিল। ইহার উপর ছিল তাঁহার অসংখ্য দান। যে-কেহ প্রার্থী হইয়া তাঁহার নিকটে যাইয়া কোনদিন ফিরিয়া আসে নাই। এমন অনেক সময় হইয়াছে, পাওনাদার নির্দিষ্ট দিনে টাকা লইতে আসিয়াছে, হরিনাথ দিবার জন্ত টাকা বাহির করিয়াছেন, এমন সময়ে বিপন্নের কাতর প্রার্থনা তাঁহাকে বিচলিত করিল। তিনি একান্ত নিরুদ্বেগে হাতের টাকা তাহাকে দিয়া দিলেন, পাওনাদার দুটা কড়াকথা শুনাইয়া চলিয়া গেল।

পুস্তক ক্রয় তাঁহার জীবনের এক প্রধান সখ ছিল। ভাল বইর খোঁজ পাইলে, তৎক্ষণাৎ কিনিয়া আনাইতেন। বিভিন্ন বিষয়ক

অসংখ্য পুস্তক তাঁহার লাইব্রেরীতে স্থান পাইয়াছিল। নানা দেশের নানা ভাষায় এরূপ বিচিত্র সংগ্রহ বোধ হয় বই কেনা জীবনের একটা সখ ছিল। আমাদের দেশের খুব কম লাইব্রেরীতেই আছে। হরিনাথের লাইব্রেরীর প্রত্যেকখানি বই তাঁহার পড়া ছিল।

ছাত্রদের জন্য হরিনাথের অনেকখানি দরদ ছিল। কত দরিদ্র ছাত্র যে তাঁহার নিকট সাহায্য পাইয়াছে, তাহার ইয়ত্তা নাই।

ছাত্রপ্রীতি কলিকাতা যুনিভার্সিটি ইন্সটিটিউটের যে ষ্টুডেন্টস্

ফণ্ড আছে, উহা প্রধানতঃ হরিনাথের সাহায্য ও সহানুভূতির প্রতিশ্রুতি পাইয়াই প্রতিষ্ঠিত হয়। এই ফণ্ড হইতে গরীব ছাত্রদের সাহায্য করা হইয়া থাকে। ইহা ছাড়া ছাত্রদের সকল প্রকার অভাব অভিযোগের প্রতিকারার্থ তিনিই তাহাদের মুখপাত্র হইয়া কর্তৃপক্ষের সহিত যুঝিতে নামিতেন। ছাত্রগণও তাঁহাকে এইজন্ম পরম শ্রদ্ধা করিত ও ভালবাসিত।


মৃত্যু-শয্যায় হরিনাথ শয়ান। স্নেহময়ী জননী হাতে রক্ষাবন্ধনী ও নয়নে হোমধূমের কাজল পরাইয়া দিলেন। হায়! কিছুতেই

তাঁহাকে রক্ষা করিতে পারিল না। ব্যর্থ হইল

দীপ নিভিল

মায়ের কাতর প্রার্থনা, বৃথা গেল দেবতার আশীর্বাদ। হরিনাথ দিব্যধামে চলিয়া গেলেন।

বাঁচিয়া থাকিতে স্বদেশবাসী তাঁহাকে সম্মান করে নাই, মৃত্যুর পরে কেহ তাঁহাকে স্মরণ করে নাই। বিশ্বভারতীর বরপুত্র বাঙলার মহামনীষী আচার্য হরিনাথকে জাতীয় অভ্যুত্থানের জয়যাত্রার দিনে বাঙালী আজ আর ভুলিয়া থাকিতে পারিবে না। আমরা ভক্তি-শ্রদ্ধাভরে বারবার সেই স্বর্গত আচার্যের স্মরণ করিতেছি।



শ্রী আশুতোষ মুখোপাধ্যায়




স্যর আশুতোষ মুখোপাধ্যায়

একাধারে কর্মী ও জ্ঞানী, এরূপ মনীষী পৃথিবীতে কম দেখা যায়। এইরূপ একজন ছিলেন স্বর্গীয় আশুতোষ মুখোপাধ্যায়। একজন অসাধারণ পণ্ডিত লোক অক্লান্ত কর্মদ্বারা জাতীয় জীবনে কি করিতে পারেন, তাহার প্রোজ্জ্বল দৃষ্টান্ত স্যর আশুতোষ।

আশুতোষ মস্ত-বড় বিদ্বান ছিলেন, তীক্ষ্ণবুদ্ধি আশুতোষের আদর্শ আইনজ্ঞ ছিলেন, পারদর্শী শিক্ষা-বিশারদ ছিলেন; কিন্তু যাহা তাঁহাকে স্বদেশীয় এবং বিদেশীয় সকলের নিকট সম্পূর্ণ ও অরণীয় করিয়া তুলিয়াছে তাহা তাঁহার অনগ্রসাধারণ স্বাধীনতা-প্রিয়তা। এই স্বাধীনচেতা মনস্বী জীবনের শেষ মুহূর্ত পর্যন্ত বীরদর্পে ও গৌরবোন্নত মস্তকে স্থায়ী কর্তব্য পালন করিয়া গিয়াছেন।

ইহারই জয়ধ্বজা তুলিয়া ধরিয়া বাংলার তরুণদিগকে জীবন-যাত্রার পথে অগ্রসর হইতে হইবে।

১৮৬৪ সালে কলিকাতার বহুবাজারস্থ মলঙ্গা লেনে স্বর্গীয় আশুতোষ মুখোপাধ্যায় মহাশয় জন্মগ্রহণ করেন। তাঁহার পিতা গঙ্গাপ্রসাদ মুখোপাধ্যায় কলিকাতার অন্তঃপাতী ভবানীপুরে ডাক্তারি করিতেন। তিনি সেকালের একজন খ্যাতনামা ও উদারচেতা



শ্রী আশুতোষ মুখোপাধ্যায়



স্যর আশুতোষ মুখোপাধ্যায়

একাধারে কর্মী ও জ্ঞানী, এরূপ মনীষী পৃথিবীতে কম দেখা যায়। এইরূপ একজন ছিলেন স্বর্গীয় আশুতোষ মুখোপাধ্যায়। একজন অসাধারণ পণ্ডিত লোক অক্লান্ত কর্মদ্বারা জাতীয় জীবনে কি করিতে পারেন, তাহার প্রোজ্জ্বল দৃষ্টান্ত স্মর আশুতোষ।

আশুতোষ মস্ত-বড় বিদ্বান ছিলেন, তীক্ষ্ণবুদ্ধি আশুতোষের আদর্শ আইনজ্ঞ ছিলেন, পারদর্শী শিক্ষা-বিশারদ ছিলেন; কিন্তু যাহা তাঁহাকে স্বদেশীয় এবং বিদেশীয় সকলের নিকট সম্পূজ্য ও স্মরণীয় করিয়া তুলিয়াছে তাহা তাঁহার অনন্তসাধারণ স্বাধীনতা-প্রিয়তা। এই স্বাধীনচেতা মনস্বী জীবনের শেষ মুহূর্ত পর্যন্ত বীরদর্পে ও গৌরবোন্নত মস্তকে স্বীয় কর্তব্য পালন করিয়া গিয়াছেন।

ইহারই জয়ধ্বজা তুলিয়া ধরিয়া বাংলার তরুণদিগকে জীবন-যাত্রার পথে অগ্রসর হইতে হইবে।

১৮৬৪ সালে কলিকাতার বহুবাজারস্থ মলঙ্গা লেনে স্বর্গীয় আশুতোষ মুখোপাধ্যায় মহাশয় জন্মগ্রহণ করেন। তাঁহার পিতা গঙ্গাপ্রসাদ মুখোপাধ্যায় কলিকাতার অন্তঃপাতী ভবানীপুরে ডাক্তারি করিতেন। তিনি সেকালের একজন খ্যাতনামা ও উদারচেতা

চিকিৎসক ছিলেন। ভবানীপুরে রসারোডের বর্তমান বাড়ীখানি গঙ্গাপ্রসাদই নির্মাণ করিয়াছিলেন।

গঙ্গাপ্রসাদ পুত্রকে প্রথমে ভবানীপুরস্থ চক্রবেড়িয়া পাঠশালায়
 ভর্তি করিয়া দিলেন। এখানকার পড়া শেষ
 বাল্য জীবনী

হইলে আশুতোষ কিছুদিন পিতার তত্ত্বাবধানে
 গৃহশিক্ষকের নিকট পড়িলেন এবং শেষে সাউথ সুবার্বান স্কুলে ভর্তি
 হইলেন। এই স্কুলে তখন প্রধান শিক্ষক ছিলেন, বিখ্যাত পণ্ডিত
 শিবনাথ শাস্ত্রী।

আশুতোষ বাল্যকাল হইতে অত্যন্ত পাঠানুরাগী ছিলেন। পিতা
 গঙ্গাপ্রসাদের উপদেশ 'ভাল ক'রে শেখা চাই'
 অসাধারণ পাঠানুরাগ তাঁহাকে পড়াশুনা য় খুব উৎসাহিত করিত। বাসার
 সকলে ঘুমাইয়া পড়িলে, তিনি চুপি চুপি আলো জ্বালিয়া পড়াশুনা
 করিতেন। পিতা যাহাতে টের না পান, সেজন্য অত্যন্ত সন্তর্পণে
 রাত্রে উঠিয়া পড়িতেন। গঙ্গাপ্রসাদ ছেলেকে কখনও বেশী রাত্রি
 জাগিয়া পড়াশুনা করিতে দিতেন না।

আশুতোষ খুব ভোরে উঠিতেন এবং প্রত্যহ পিতার সঙ্গে মাঠে
 বেড়াইতে যাইতেন।

গণিতে আশুতোষের অসামান্য অনুরক্তি ছিল। দ্বিতীয় শ্রেণীতে
 পড়িবার সময়ই তিনি এক-এ পরীক্ষার গণিত প্রায় সকলই শেষ
 করিয়াছিলেন। এই সময়ে আশুতোষের গৃহশিক্ষক ছিলেন
 কলিকাতা লণ্ডন মিশন কলেজের অধ্যাপক বাবু গঙ্গাধর
 বন্দ্যোপাধ্যায় এবং বাবু মধুসূদন দাস এম্-এ.। মধুসূদন দাস

পরবর্তী কালে বিহার ও উড়িষ্যা প্রদেশের সর্বপ্রথম মন্ত্রী নিযুক্ত হইয়াছিলেন।

১৮৭৯ সালে এণ্ট্রান্স পরীক্ষায় আশুতোষ বিশ্ববিদ্যালয়ে দ্বিতীয় স্থান অধিকার করিয়া উত্তীর্ণ হইলেন। প্রবেশিকা পরীক্ষা পাশ করিয়া তিনি প্রেসিডেন্সী কলেজে এফ্-এ পড়িতে লাগিলেন। এফ্-এ. ক্লাশে পড়িবার সময়ই তিনি এম্-এ পরীক্ষার অনেকগুলি গণিতের বই পড়িয়া ফেলিলেন। উচ্চতর গণিত শিক্ষার জন্য ফারসী ভাষা শেখা আবশ্যক। আশুতোষ এই সময়ে ফারসী ভাষাও আয়ত্ত করেন। এফ্-এ. পরীক্ষার পূর্বে আশুতোষ অত্যন্ত অসুস্থ হইয়া পড়েন। এই অসুস্থ শরীর লইয়া পরীক্ষা দিয়া তিনি বিশ্ববিদ্যালয়ে তৃতীয় স্থান অধিকার করিয়াছিলেন।

১৮৮৪ সালে আশুতোষ বি-এ পরীক্ষায় প্রথম স্থান লাভ করিয়া উত্তীর্ণ হইলেন। ইহার পর বৎসর তিনি গণিতে এম্-এ পরীক্ষা দিয়া প্রথম স্থান লাভ করিলেন। এই সময়ে আশুতোষ কেম্ব্রিজের গণিত-বিষয়ক এক পত্রিকায় গণিতশাস্ত্র সম্বন্ধীয় কয়েকটি মৌলিক প্রবন্ধ প্রেরণ করিয়াছিলেন। উহা উক্ত পত্রিকায় প্রকাশিত হইয়াছিল। ফলে, তিনি বিলাতের এফ্-আর-এ-এস্ ও এফ্-আর-এস্-ই লাভ করিলেন। ইহার পূর্বে আর কোন বাঙালী এই পদ প্রাপ্ত হন নাই। গণিতশাস্ত্রে আশুতোষের অসাধারণ ক্ষমতা ছিল। এই সময়ে একদিন শিক্ষা-বিভাগের ডিরেক্টর আশুতোষকে ডাকিয়া পাঠাইলেন এবং তাঁহাকে

গণিতানুরাগ

গভর্নমেন্টের অধীন ২৫০ টাকার একটি চাকুরী লইতে অনুরোধ করিলেন। আশুতোষ বলিলেন, যদি তাঁহাকে বিলাত-ফেরতাদের সমান মাহিনা দেওয়া হয় এবং কলিকাতা প্রেসিডেন্সী কলেজের চাকুরী হইতে অত্যাধিক বদলি করা না হয় তবে তিনি আমি চাকুরী চাই না। চাকুরী গ্রহণ করিতে পারেন। ডিরেক্টর ইহাতে স্বীকার পাইলেন না। আশুতোষও জবাব দিয়া আসিলেন—আমি চাই না।

একজন বাঙালী যুবকের মুখে এরূপ কথা শুনিবেন, ডিরেক্টর তাহা ভাবিতেও পারেন নাই। এই ঘটনার পর হইতে ডিরেক্টর সাহেব আশুতোষের উপর একটু বক্র দৃষ্টি রাখিয়াছিলেন।

১৮৬৬ সালে কৃষ্ণনগরের পণ্ডিত রামনারায়ণ ভট্টাচার্যের কন্যা
ব্রীযুক্তা যোগমায়া দেবীর সহিত আশুতোষের
বিবাহ
বিবাহ হইল। গরীবের ঘরের এই দেবী-প্রতিমা
গঙ্গাপ্রসাদ পরম আদরে ঘরে আনিলেন। অর্থের লোভ তাঁহার
কোন দিনই ছিল না।

আশুতোষের তিন ছেলে ও এক মেয়ে। বড় মেয়ে বালবিধবা কমলাকে পুনরায় বিবাহ দিয়াছিলেন। ইহাতে চারিদিকে তাঁহার অত্যন্ত নিন্দা রটিয়াছিল। আশুতোষ তাহাতে ক্ষেপ করেন নাই। এই মেয়েটির মৃত্যুতে আশুতোষ শেষ বয়সে বড়ই সন্তপ্ত হইয়াছিলেন। মেয়েটিকে তিনি অত্যন্ত ভালবাসিতেন।

১৮৮৬ সালে আশুতোষ প্রেমচাঁদ রায়চাঁদ পরীক্ষা ও বিজ্ঞান-শাস্ত্রে পুনরায় এম্.-এ. পরীক্ষা দিলেন। একাদিক্রমে পনের দিন

তিনি এই দুই পরীক্ষা দিয়াছিলেন। উভয় পরীক্ষাতেই পরম কৃতিত্বের সহিত উত্তীর্ণ হইলেন।

ইহার দুই বছর পরে ১৮৮৮ সালে আশুতোষ বি-এল্ পরীক্ষায় উত্তীর্ণ হইয়া কলিকাতা হাইকোর্টে ওকালতি হাইকোর্টে ওকালতি করিতে আরম্ভ করিলেন। ১৮৯৪ সালে তিনি ‘ডক্টর অব্ ল’ উপাধি লাভ করেন।

বিশ্ববিদ্যালয়ের ভাইস্-চ্যান্সেলার ইল্‌বার্ট সাহেব একবার আশুতোষকে স্বগৃহে ডাকাইয়া জিজ্ঞাসা করিলেন, ‘আমি তোমার কি উপকার করিতে পারি?’ আশুতোষ বিনীত-বিশ্ববিদ্যালয়ে প্রবেশ ভাবে উত্তর দিলেন, ‘আপনি ইচ্ছা করিলে আমার অনেক উপকার করিতে পারেন। কিন্তু আমি অল্প কিছু চাই না। অনুগ্রহপূর্বক আমাকে সিনেট সভার সভ্য নিযুক্ত করিয়া দিন।’ সাহেব বলিলেন, ‘আমি তোমাকে বিশ্ববিদ্যালয়ের ‘ফেলো’ নিযুক্ত করিয়া দিব, তাহার জন্ত তোমার ভাবিতে হইবে না।’

কিন্তু ইল্‌বার্ট সাহেব শীঘ্রই নূতন চাকুরী লইয়া বিলাতে চলিয়া গেলেন। কাজেই আশুতোষের সেবার আর বিশ্ববিদ্যালয়ে প্রবেশ লাভ হইয়া উঠিল না। আশুতোষ ইল্‌বার্ট সাহেবকে লিখিলেন, তাঁহার চিঠিপত্রে কোন কাজ হয় নাই। তিনি নূতন বড়লাট লর্ড ল্যান্সডাউনকে আশুতোষের কথা বলিয়া দিলেন। ইহার পরই ১৮৮৯ সালে আশুতোষ সিনেটের মেম্বর নিযুক্ত হইলেন, এবং দুই মাস পরেই তিনি সিণ্ডিকেটেরও সভ্য নির্বাচিত হইলেন। এই

নির্বাচন ব্যাপারে অধ্যাপক বুথ, স্বর্গীয় গুরুদাস বন্দ্যোপাধ্যায় ও মহেন্দ্রলাল সরকার তাঁহাকে বিশেষ সহায়তা করিয়াছিলেন। তখন তাঁহার বয়স মাত্র ২৪ বৎসর। এত অল্প বয়সে তাঁহার পূর্বে কেহ সিণ্ডিকেটের মেম্বর হইতে পারেন নাই। জীবনের শেষ পর্যন্ত তিনি এই পদ অলঙ্কৃত করিয়া গিয়াছেন।

১৮৯৮ সালে আশুতোষ বিশ্ববিদ্যালয়ের ‘ঠাকুর আইনের’ অধ্যাপক নিযুক্ত হন এবং “Law of Perpetuities in British India” বিষয়ে বক্তৃতা দেন। মাননীয় প্রসন্নকুমার ঠাকুর সি-আই-ই মহোদয় মৃত্যুর পূর্বে উইল করিয়াছিলেন, “তাঁহাতে কলিকাতা বিশ্ববিদ্যালয়কে মাসে এক হাজার টাকা দিবার বন্দোবস্ত থাকে। উক্ত টাকার দশ হাজার টাকা দ্বারা একজন বিচক্ষণ আইনজ্ঞকে নিযুক্ত করিয়া ব্যবহার-শাস্ত্র বিষয়ে কোন বক্তৃতা এক বৎসর দেওয়াইতে হইবে। যাঁহার ইচ্ছা তিনিই এই বক্তৃতা বিনা ব্যয়ে শ্রবণ করিতে পারিবেন। অতঃপর সেই বক্তৃতাগুলি মুদ্রিত করিয়া বিতারিত হইবে।”

ইহার পর বছর (১৮৯৯ সালে) আশুতোষ বঙ্গীয় কাউন্সিলে বিশ্ববিদ্যালয়ের প্রতিনিধিক্রমে নির্বাচিত হন এবং ১৯০১ সালে পুনরায় ঐ পদে নির্বাচিত হন। ১৯০৩ সালে তিনি ভারতীয় বড়লাটের কাউন্সিলের সভ্য নির্বাচিত হন। এই বছরই লর্ড কার্জনের ভারতীয় ইউনিভার্সিটি আইন কমিটির সভ্য হইয়া উক্ত আইন বিধিবদ্ধ করেন। ইহার পর ১৯০৬ সাল হইতে ১৯১৪ সাল পর্যন্ত তিনি ক্রমান্বয়ে চারিবার বিশ্ববিদ্যালয়ের ভাইস-চ্যান্সেলার

হইলেন। এইরূপে তাঁহার জীবনের এক বড় স্বপ্ন ও আকাঙ্ক্ষা বাস্তবে রূপ পরিগ্রহ করিল। আশুতোষের সর্বশ্রেষ্ঠ কীর্তি

কলিকাতা বিশ্ববিদ্যালয়। আশুতোষই ছিলেন
বিশ্ববিদ্যালয়ের
ভাইস-চ্যান্সেলার
ইহার সর্বশ্রেষ্ঠ স্থগতি। এই অক্লান্ত কর্মের

এঞ্জিনটির কর্মের বিরাম ছিল না, কিন্তু সর্বোপরি তাঁহার লক্ষ্য ছিল কলিকাতা বিশ্ববিদ্যালয়। কি যে দরদ দিয়া তিনি ইহাকে বর্তমান আকারে রূপায়িত করিয়া তুলিয়াছেন, তাহা কাহারো অবিদিত নাই। কলিকাতা বিশ্ববিদ্যালয় বলিতে আশুবাবুকে বুঝাইত। এই বিশ্ববিদ্যালয়ের গগনচুম্বী দ্বারভাঙ্গা বিল্ডিংস্, ইহার পোস্ট-গ্রাজুয়েট বিভাগ, ইহার প্রাসাদোপম বিজ্ঞান কলেজ, সর্বোপরি ইহার বাংলা ভাষার প্রবর্তন, এবং পৃথিবীর বিভিন্ন জাতীয় ভাষা ও নানা বিদ্যার একত্র সমাবেশ—এ সমস্তই

আশুতোষের জীবনব্যাপী প্রচেষ্টার ফল। স্মরণ
কলিকাতা বিশ্ববিদ্যালয়
প্রাচী ও প্রতীচীর
জ্ঞান-মন্দির
আশুতোষের সৃষ্টি
আশুতোষের জীবনব্যাপী প্রচেষ্টার ফল। স্মরণ
রাসবিহারী বসু, তারকনাথ পালিত, খয়রার
রাজকুমার এবং অগ্ন্যান্য বদান্ত ব্যক্তিগণ বিশ্ব-
বিদ্যালয়কে যে লক্ষ লক্ষ টাকা দিয়াছেন, তাহা

শুধু আশুতোষের মুখের দিকে চাহিয়াই তাঁহারা দিয়াছিলেন। “বিশ্ববিদ্যালয়টি আশুতোষ ভারতবর্ষের সর্বশ্রেষ্ঠ বিদ্যাকেন্দ্রে পরিণত করিবার কল্পনা করিয়াছিলেন। শুধু তাহাই নহে, এখানে বিদ্যার যে সমারোহপূর্ণ উৎসবের সৃষ্টি করিয়াছিলেন, তাহাতে পৃথিবীর সর্বজাতির ডাক পড়িয়াছিল। প্রাচীন কীর্তি উদ্ধার ও প্রাচ্য ভাষার অনুশীলনের জন্ত তিনি পৃথিবীর সমস্ত শিক্ষিত মণ্ডলীকে

আহ্বান করিয়াছিলেন। রুশিয়ার স্মৃতি-শাস্ত্রের অধ্যাপক বিশ্ব-বিশ্রুতকীর্তি পল ডিনোগ্রাডফ এই নিমন্ত্রণে এখানে আসিয়াছিলেন। ফরাসীর প্রাচ্যবিদ্যার শিরোমণি সিলভ্যো লেভি, জার্মানির উইটনার-নিজ ও ওল্ডেনবার্গ, বিলাতের প্রাচ্যবিদ্যার কল্পতরু টমাস প্রভৃতি কত দেশেরই পণ্ডিতগণ আশুতোষের নিমন্ত্রণে সাড়া দিয়া কলিকাতা বিশ্ববিদ্যালয়ে তাঁহাদের পদরজ দিয়া গিয়াছেন। এদিকে অধ্যাপক-গণের মধ্যে জাপানী, চৈনিক, দ্রাবিড়ী, সিংহলী, মারহাট্টা, তিব্বতীয় প্রভৃতি নানা দিগ্দেশাগত পণ্ডিতেরা তো আমাদের বিদ্যাপীঠ অবিরত কলরবে মুখরিত করিতেছেন। কনভোকেশনের সময়ে সে কি দৃশ্য! কাহারো উষ্ণীষে রামধনুর বর্ণ খেলিতেছে, কাহারও কৃষ্ণটুপি মন্দিরের চূড়ের মত উঁচু হইয়া আছে, আবার একদিকে পার্বত্য লামার লোমাবৃত শিরোভূষণের পার্শ্বদেশ চুখন করিয়া সিরাজাগত মৌলভীর প্রকাণ্ড পাগড়ীর স্বর্ণ-খচিত রেখাগুলি দেখা যাইতেছে! আমাদের এই বিদ্যাশালাকে তিনি সর্বজাতির মিলনস্থল জগন্নাথ ক্ষেত্রে পরিণত করিয়াছিলেন।” সত্যই আশুতোষ ছিলেন ‘একটা জাতি গড়িবার বিশ্বকর্মা।’

বাঙলা ভাষা ও সাহিত্যকে বিশ্ববিদ্যালয়ের সিংহাসনে প্রতিষ্ঠা করিয়া তিনি বাঙালীকে জগৎ-সভায় গৌরবান্বিত করিয়াছেন।

১৮৯১ সালে আশুতোষ বিশ্ববিদ্যালয়ে বাংলা ভাষা

বিশ্ববিদ্যালয়ে
বাংলা ভাষা

প্রবর্তনের প্রস্তাব করেন। সে সময়ে ইহার

বিরুদ্ধে তীব্র প্রতিবাদ হয়। যুবক আশুতোষের

সেদিনকার অনলবর্ষী বক্তৃতা ঘাঁহারা শুনিয়াছিলেন, তাঁহারা বিশ্বয়ে

অবাক্ হইয়া গিয়াছিলেন। আশুতোষ যাহা করিবেন বলিয়া ধরিতেন, তাহা না করিয়া ছাড়িতেন না। তিনি ধৈর্য ধরিয়া রহিলেন, কবে সেই শুভ মুহূর্ত আসিবে। তারপর বহুবর্ষ পরে যেদিন সে সুযোগ আসিয়া উপস্থিত হইল, সেদিন প্রবেশিকা পরীক্ষা হইতে এম্-এ পরীক্ষা পর্যন্ত বাংলা ভাষা প্রবর্তিত হইল।

বাংলা ভাষার প্রতি আশুতোষের একটা গভীর অনুরক্তি ছিল। বাংলা ভাষা ছিল তাঁহার পূজ্য ও আরাধ্য, বাংলা ভাষা ছিল তাঁহার অন্তরের মধ্যমণি। বাংলা ভাষায় তিনি সাহিত্য সৃষ্টি করেন নাই, কিন্তু সাহিত্যিক সৃষ্টির উপায় করিয়া গিয়াছেন। বাঁকীপুর দশম বঙ্গীয় সাহিত্য সম্মেলনের সভাপতিরূপে তিনি বলিয়াছিলেন—
“প্রথম যৌবনে যখন কলেজে অধ্যয়ন করিতাম, তারপর যখন ক্রমে কার্যক্ষেত্রে প্রবেশ করিলাম, আমার সতত ধ্যান ছিল যে কি উপায়ে আমার জননী বঙ্গভূমির, বঙ্গভাষার শ্রীবৃদ্ধি করিতে পারিব।

বঙ্গ-ভারতীর
একনিষ্ঠ সেবক

মানুষের কত স্বপ্ন থাকে, আমার ঐ একই স্বপ্ন ছিল। একটা ধারণা আমার দৃঢ় ছিল যে, যে জাতির মাতৃ-ভাষা যত সম্পন্ন, সে জাতি তত

উন্নত ও অক্ষয়। আমি মধ্যে মধ্যে ভাবিতাম কবে এমন দিন আসিবে, যখন আমার শিক্ষিত দেশবাসিগণ আচারে ব্যবহারে কথাবার্তায় চালচলনে প্রকৃত বাঙালীর মতন হইবে। কবে দেখিব, দেশের যাহারা মুখপাত্র স্বরূপ, সমাজের যাহারা নেতা, বঙ্গভাষা তাঁহাদের আরাধ্য দেবতা। কবে শুনিব, শিক্ষিত বাঙালী আর এখন বাঙলা ভাষায় সর্ব-সমক্ষে কথা বলিতে বা প্রকাশ্য

সভা-সমিতিতে বঙ্গ-ভাষায় বক্তৃতা করিতে সঙ্কোচ বোধ করেন না, বঙ্গবাসী নিজেকে বঙ্গভাষার সেবকরূপে পরিচয় দিতে কুণ্ঠিত হন না। আজ ভাবিতেও শরীর কণ্টকিত হয়, নয়নে আনন্দাশ্রু উদ্ভূত হয় যে, সেদিন আসিয়াছে, আমার সেই আবাল্য ধ্যেয় সুসময় আজ আমার সম্মুখে বর্তমান। বিশ্ববিদ্যালয়ে বঙ্গভাষায় আসন পড়িয়াছে। বঙ্গের তথা বঙ্গভাষার ইহা পরম কল্যাণের কথা। বাঙালীর ইহা পরম মহেন্দ্রক্ষণ।”

সব চেয়ে ভালবাসিতেন আশুতোষ বাঙালী জাতিকে। যাহা কিছু বাঙালীর, সকলই তাঁহার চোখে পরম গৌরব ও আদরের ছিল। এই স্বাজাতিকতা আমরণ তাঁহার জীবনের সর্বশ্রেষ্ঠ

বিশেষত্ব ছিল। ১৯১৭ সালে যখন স্ট্রাডলার

স্বাজাতিকতা

সাহেরের সভাপতিত্বে কলিকাতা ইউনিভার্সিটি

স্বাদেশিকতা

কমিশন সারা ভারতবর্ষ ঘুরিয়া বেড়াইয়াছিলেন,

সেই সময়ে উক্ত কমিশনে একমাত্র আশুতোষই বাঙালীর পোষাক ধৃতি চাদর পরিয়া সর্বত্র পরিদর্শন করিয়াছেন। সেই সময়ে একবার তাঁহারা মহীশূরে গিয়াছিলেন। তাঁহাদের সম্মানার্থ মহীশূর-রাজ এক ভোজসভা আহ্বান করেন। সেই সভায় আশুতোষকে নগ্ন মস্তকে আসিতে দেখিয়া রাজার মন্ত্রী বলিলেন, “আপনি ক’মিনিটের জন্য এই উষ্ণীষটি মাথায় পরুন, মহীশূরের রাজসভায় কাহারও খালি মাথায় যাইবার নিয়ম নাই।” আশুতোষ উত্তর দিলেন, ‘তাহা পারিব না। কোথাও স্ববেশ পরিত্যাগ করি নাই, এখানেও করিব না। চলিলাম।’ এই বলিয়াই আশুতোষ একেবারে

বাসায় যাইয়া হাজির হইলেন। এদিকে সভায় সকলেই আসিয়াছেন, সময় হইয়াছে, অথচ আশুতোষ অনুপস্থিত। রাজা, মন্ত্রীকে ডাকিয়া জিজ্ঞাসা করিলেন। মন্ত্রীর কথা শুনিয়া তাঁহাকে দুই ধমক দিয়া রাজপুত্রকে আশুতোষের বাসায় পাঠাইয়া দিলেন। ধূতি-চাদর পরিয়া খাঁটি বাঙালীর বেশে আশুতোষ হাসিতে হাসিতে সভায় আসিয়া উপস্থিত হইলেন।

বাল্যকাল হইতেই আশুতোষের অত্যন্ত আকাজক্ষা ছিল হাইকোর্টের জজ হওয়া। কলেজে তিনি অনেক সময় প্রকাশ্য ভাবে বলিতেন, তিনি হাইকোর্টের জজ হইবেন।

হাইকোর্টের
বিচারপতি

তাঁহার এই আশা সফল হইল ১৯০৪ সালে।

এই বছর তিনি কলিকাতা হাইকোর্টের বিচারপতি

নিযুক্ত হইলেন। ১৯২০ সালে তিনি কয়েক মাস অস্থায়িভারে প্রধান বিচারপতির কার্য করেন। মৃত্যুর এক বছর পূর্বে তিনি হাইকোর্ট হইতে অবসর গ্রহণ করেন। আশুতোষের মত সূক্ষদর্শী ও ত্রায়নিষ্ঠ বিচারক কমই দেখা যায়। “স্মরণ আশুতোষ তাঁর দীর্ঘকালের জজিয়তিতে যে সব নজীর স্থাপিত করিয়াছেন এবং যে যে ক্ষেত্রে তাঁর অসাধারণ আইন-জ্ঞানের পরিচয় দিয়াছেন তার খুব সংক্ষিপ্ত পরিচয় দিতে গেলেও একটি মহাভারত লিখিতে হইবে। গত বিশ বৎসরের মধ্যে প্রভি কাউন্সিল ও ভারতের সকল হাইকোর্টে যতগুলি নজীর

বিচার-নৈপুণ্য

প্রকাশিত হইয়াছে, তার মধ্যে পরিমাণের দিক্ দিয়াই দেখ আর উৎকর্ষের দিক্ দিয়াই দেখ, স্মরণ

আশুতোষের প্রণীত নজীর অত্র সকল নজীরের অন্ততঃ সমান

দেখিতে পাইবে। আর তার মধ্যে খুব বেশীর ভাগ রায়ই আইনের নানা প্রশ্নের বিস্তারিত বৈজ্ঞানিক গবেষণাপূর্ণ এক বিরাট প্রবন্ধ-বিশেষ। স্মরণ আশুতোষের রায়ের প্রধান বিশেষত্ব এই যে তিনি কখনও কেবল মাত্র অন্ধভাবে পুরাতন নজীর অনুসরণ করিয়া যাইতেন না। কোন আইন-ঘটিত সমস্যা উপস্থিত হইলে তিনি মৌলিক তথ্যগুলি অনুশীলন করিয়া তাহা হইতে বৈজ্ঞানিক প্রক্রিয়ায় বিশিষ্ট তথ্য নিষ্পন্ন করিতে চেষ্টা করিতেন। বিচার কার্যে তিনি বহুস্থানে তাঁর নির্ভীকতা ও স্বাধীন চিন্তের পরিচয় দিয়াছেন।.....হাইকোর্টের গৌরব স্মরণ আশুতোষের কাছে বড় মূল্যবান ছিল।

হাইকোর্ট ও বিশ্ববিদ্যালয়ের গুরুভার কর্ম করিয়াও তাঁহার কর্মের ইয়ত্তা ছিল না। আশুতোষ জ্ঞানী ছিলেন, ভাবুক ছিলেন, কিন্তু সবচেয়ে বড় ছিলেন কর্মী। দেশের এমন কোন বৃহৎ প্রতিষ্ঠান ছিল না যাহার সহিত তিনি সংশ্লিষ্ট না ছিলেন—শুধু সংশ্লিষ্ট থাকা নয়, সবটারই কর্ণধার তাঁহাকেই হইতে হইয়াছে। এক বিশ্ব-

অসাধারণ কর্মী
আদর্শানুরক্তি ও
কর্মকুশলতার অপূর্ণ
মিলন

বিদ্যালয়েরই ২০।২২টি কমিটির তিনি সভাপতি ছিলেন। এই প্রত্যেক কমিটিতে তিনি শুধু সাক্ষীগোপাল ছিলেন না, উহাদের কার্য পরিচালনা ও আলোচনায় যথেষ্ট পারদর্শী ছিলেন।

আশুতোষ তিনবার এসিয়াটিক সোসাইটির সভাপতি নির্বাচিত হইয়াছিলেন। কোন রাজনৈতিক আন্দোলনে কোনদিন তিনি যোগদান করেন নাই বটে, কিন্তু দেশের শত শত কল্যাণকর

প্রতিষ্ঠানের সহিত তাঁহার যোগাযোগ ছিল। আশুতোষ দিবারাত্রি বিপুল ও বিরাট কর্মক্ষেত্রে ভ্রাম্যমান হইয়াও জীবনের উচ্চ আদর্শ হইতে কোন দিন বিচ্যুত হন নাই। আদর্শের সঙ্গে কর্মকুশলতার একরূপ অপূর্ব মিলন বড়ই বিরল। এই আদর্শানুরক্তি তাঁহার জীবনের অগ্ন্যতম বিশেষত্ব। ছোট হোক বড় হোক সব-কিছুই তিনি একটা মহান্ ও উচ্চ আদর্শের আলোকে উদ্ভাসিত করিয়া দেখিতেন। এই কথাটাই বিশ্ববিদ্যালয়ের দ্বারভাঙ্গা গৃহে আশুতোষের মর্ম্মর মূর্তি উন্মোচনের উৎসব দিবসে বাঙলার লাট কারমাইকেল সাহেব বলিয়াছিলেন—“কোন একটা জিনিষকে বিরাট কল্পনায় আয়ত্ত করিবার শক্তি আশুতোষের আছে, কিন্তু সেই কল্পনা কার্যে পরিণত করিবার শক্তি অনেকের নাই, আশুতোষের তাহাও আছে।”

যাঁহারা নিরন্তর অসংখ্য কর্মের চাপে থাকেন, তাঁহাদের ভিতরকার কোমল বৃত্তিগুলি অনেক সময় মরিয়া যায়। সাহেবদের ব্যবহারিক জীবন এই জন্য অনেকটা বাহ নীরস ভদ্রতায় পরিণত হইয়াছে। এ বিষয়ে আশুতোষের জীবনে প্রাচ্য ভাব সর্বদা পরিষ্কৃত

ছিল। তাঁহার দ্বার ছোট বড় সকলের জন্য সরলতা ও সহায়তা

সর্বক্ষণ উন্মুক্ত ছিল। তাঁহার নিজেরও কোন লৌকিকতা ছিল না। হয়ত খালি গায়ে বসিয়া পড়ার ঘরে বন্ধুদের সঙ্গে গল্প করিতেছেন, এমন সময় ডিরেক্টার হর্নেল সাহেব আসিয়া উপস্থিত। সাহেব ঘরে ঢুকিবেন কিনা ইতস্ততঃ করিতেছেন, আশুতোষ হাত বাড়াইয়া ডাকিলেন, Come in Hornell।

নিজের নগ্ন শরীরের প্রতি ক্রক্ষেপও নাই। এমন স্বদেশীয়ানা আজিকার দিনে বড়ই বিরল।

তিনি গভর্নমেন্ট হাউসে লাট সাহেবের সঙ্গে দেখা করিতেও ধুতি চাদর পরিয়া যাইতেন। লোকে সেখানে অবাক হইয়া দেখিত। নিয়মনিষ্ঠা ও সময়নিষ্ঠা প্রভৃতি গুণাবলী যাহা আমাদের জাতীয় জীবন গঠনে একান্ত প্রয়োজনীয় তাহা আশুতোষের পূর্ণমাত্রায় ছিল। এ বিষয়ে ছোট একটি ঘটনা বলিতেছি। একবার সিনেট হাউসে কি একটা মিটিং ছিল। হাইকোর্টের কাজ করিয়াই সিনেট হাউসে কর্মনিষ্ঠা রওনা হইবেন। দেখিলেন বৃষ্টি হইয়া রাস্তাঘাট একেবারে ডুবিয়া গিয়াছে, গাড়ী, মোটর, ট্রাম সকলই বন্ধ। আশুতোষ এক রিকশায় চড়িয়া বসিলেন। রিকশাওয়ালা জলের উপর দিয়া গাড়ী চালাইতে লাগিল। আশুতোষের জামাকাপড় একেবারে ভিজিয়া গেল।

আশুতোষের জীবনকে যাহা সব চেয়ে বরণীয় ও স্মরণীয় করিয়া তুলিয়াছে, তাহা তাঁহার একান্ত স্বাধীনতাপ্রিয়তা। শেষ জীবনে তিনি যে নির্ভীক ও তেজস্বিতার পরিচয় দিয়াছেন, তাহা পরাধীন দেশে জন্মিয়া এ পর্যন্ত কাহারো মুখে শোনা যায় নাই। কি সে বজ্রগন্তীর উক্তি।

সত্যই পণ্ডিত সিলভা লেভি বলিয়াছিলেন, “ফরাসীদেশে জন্মগ্রহণ করিলে এই বঙ্গীয় শার্দূল ফরাসী-ব্যাঘ্র ক্রেমেন্সু অপেক্ষাও উচ্চতর স্থান অধিকার করিতে পারিতেন। ইউরোপে তাঁহার সমতুল্য ব্যক্তি নাই।”

আশুতোষ যেমন স্বাধীনচেতা ছিলেন, তেমনি সাহসীও ছিলেন।
একটি গল্প বলি। “শ্রুত আশুতোষ তখন ইউনিভার্সিটি কমিশনে

সাহসী ও
স্বাধীনচেতা

ছিলেন। কমিশনের কার্যোপলক্ষে তাঁহাকে
আলিগড়ে যাইতে হয়। আলিগড় হইতে ফিরিবার
সময় তাঁহার গাড়ীতে একজন ইংরাজ মিলিটারী

অফিসার উঠে। গাড়ী খানিকদূর চলার পর শ্রুত আশুতোষের
একটু তন্দ্রা আসে। এই সুযোগে সেই মিলিটারী অফিসারটি
আশুবাবুর নূতন নাগরা জুতাটি, যাহা তিনি সত্ত্ব পশ্চিম হইতে
কিনিয়াছিলেন, বাহিরে ছুঁড়িয়া ফেলিয়া দেয়। ইহার অব্যবহিত
পরেই শ্রুত আশুতোষের তন্দ্রা ভাঙ্গে। তন্দ্রা ভাঙ্গিতেই তিনি
দেখেন যে তাঁহার নূতন নাগরা জুতাজোড়াটি নাই। তিনি তৎক্ষণাৎ
বুঝিতে পারিলেন, কি হইয়াছে। বাক্য ব্যয় না করিয়া তিনি
মিলিটারী অফিসারের কোটটি ছুঁড়িয়া ফেলিয়া দিলেন। খানিক
পরে মিলিটারী অফিসারটির ঘুম ভাঙ্গিল, ঘুম ভাঙ্গিতেই সে কোটটির

তোমার কোট
আমার জুতা
আনিতে গিয়াছে

জন্য মহা তন্দ্রা আরম্ভ করিল। শ্রুত আশুতোষ
অবিচলিত ভাবে গম্ভীর ভাবে উত্তর দিলেন,

“Your coat has gone to fetch my
shoes.” (তোমার কোট আমার জুতা আনিতে গিয়াছে)।
মিলিটারী অফিসার আর কি করিবেন? কিছুক্ষণ গরগর করিতে
করিতে চুপ করিয়া শুইয়া পড়িলেন।”

বিলাতে সম্রাট সপ্তম এডোয়ার্ডের অভিষেক উৎসবে যোগদান
করিবার জন্য লর্ড কার্জন আশুতোষকে নিমন্ত্রণ করেন। আশুতোষ

উত্তরে লিখিলেন যে তাঁহার মা'র ইচ্ছা না যে তিনি বিলাত যান।

লর্ড কার্জন লিখিলেন, "Tell your mother that the

কার্জন ও

আশুতোষ

Viceroy and Governor-General of
India commands her son to go."

—তোমার মাকে বল যে সম্রাটের প্রতিনিধি

এবং ভারতের গভর্নর-জেনারেল তাঁহার পুত্রকে যাইতে আদেশ
করিতেছে।" আশুতোষ ইহার উত্তরে নিঃশঙ্কচিত্তে বলিয়াছিলেন—

"Then I will tell the Viceroy and Governor-General
of India that Ashutosh Mukherjee refuses to be
commanded by any person except his mother, be he
the Viceroy or be he some body higher still."—"তা
হলে আমি সম্রাটের প্রতিনিধি এবং গভর্নর-জেনারেলকে বলিতেছি
যে আশুতোষ মুখার্জি তাঁহার মাতার আদেশ ব্যতীত অন্যের আদেশ
প্রত্যাখ্যান করিতেছে—তা সে রাজপ্রতিনিধিরই হউক বা অন্য
কোন উচ্চতর ব্যক্তির হউক।"

আশুতোষের এই তেজ ও বীর্যের নিকট সকলকেই মাথা নত
করিতে হইয়াছে। তাঁহার জীবন-নাট্যের যবনিকাপাতের প্রাক্কালে

লর্ড লীটন

ও আশুতোষ

আশুতোষ যে পৌরুষ তেজস্বিতা দেখাইয়া গিয়াছেন,

তাহা পরাধীন দেশে কেন স্বাধীনদেশেও বড়-একটা

দেখা যায় না। বাংলা সরকার কলিকাতা

বিশ্ববিদ্যালয়ের স্বাধীনতা খর্ব করিয়া যখন উহাকে একটি প্রায়
সরকারী যন্ত্রে পরিণত করিবার প্রস্তাব করিয়াছিলেন সেই সময়ে

আশুতোষ তাহার যে তেজস্বী উত্তর প্রদান করেন, তাহা চিরস্মরণীয় হইয়া রহিয়াছে। লর্ড লীটনের সঙ্গে আশুতোষের যে পত্র-ব্যবহার হয় তাহা ইতিহাসের পৃষ্ঠায় স্থান পাইবে। ১৯২২ সালের ৩রা ডিসেম্বর তারিখে বিখ্যাত বক্তৃতায় আশুতোষের সেই অনলবর্ষী উক্তি স্বাধীনতাকামী প্রত্যেক নরনারীর মুক্তি-মন্ত্র হইয়া রহিবে। আশুতোষ বলিয়াছিলেন—“You give me slavery with one hand and money with the other. I despise the offer-

Freedom	I will not take the money. We shall
first	retrench and we shall live within our
Freedom	means. We will starve. We will go
Second,	from door to door, all through Bengal.
Freedom	I will tell my post-graduate teachers to
always	starve their families but to keep their independence.

I tell you, as members of this University, stand up for the rights of the University. Forget the Government of Bengal. Forget the Government of India. Do your duty as senators of this University. Freedom first, freedom second, freedom always.

“তুমি একহাতে দিতে চাও অর্থ, অপর হাতে দাসত্ব। এরূপ দান স্ব্গার সহিত প্রত্যাখ্যান করি। এ টাকা চাই না। আমরা ব্যয় কमाইয়া দিব এবং আমাদের আয়ের মধ্যেই থাকিতে চেষ্টা করিব। আমরা উপবাসী রহিব। সারা বাংলার দ্বারে দ্বারে যাইয়া

ভিক্ষা মাগিব। আমরা পোষ্টগ্রাজুয়েট অধ্যাপকদিগকে বলিব, তোমাদের পরিবার না খেয়ে মরুক, তোমরা স্বাধীনতা বজায় রাখ।

মুক্তিযুদ্ধের
উদ্গাতা

এই বিশ্ববিদ্যালয়ের অধিকার রক্ষার জন্য ইহার প্রত্যেক সভ্য কোমর বাঁধিয়া দাঁড়ান। ভুলিয়া

যান বাংলা গভর্নমেন্টকে। ভুলিয়া যান ভারত গভর্নমেন্টকে। এই বিশ্ববিদ্যালয়ের সভ্য হিসাবে আপনাদের কর্তব্য করুন। স্বাধীনতাই আমার প্রথম কথা, স্বাধীনতাই আমার শেষ কথা।”

‘বাংলার বাঘের’ এই কথা বাঙালী কোনদিন ভুলিতে পারিবে না।

১৯২১ হইতে ১৯৪৩ সাল পর্যন্ত আশুতোষ পঞ্চম বার ভাইস-চ্যান্সেলার হইয়াছিলেন। এই সময়েই লর্ড লীটনের

পাঁচ বার ভাইস-
চ্যান্সেলার

সঙ্গে তাঁহার উপরি-উক্ত বিবাদ উপস্থিত হয়।

আশুতোষ নিম্নলিখিত উপাধিগুলি প্রাপ্ত হইয়া-ছিলেন। রাজদত্ত—নাইট, সি-এস-আই; বিশ্ববিদ্যালয়-লক—এম্-এ, ডি-এল্; বিশ্ববিদ্যালয়ের প্রদত্ত—এফ-আর-এ-এস্; এফ-আর-এস্-ই; নবদ্বীপ ও ঢাকার সারস্বত সমাজ কতৃক প্রদত্ত—শাস্ত্র-বাচস্পতি, সরস্বতী, বৌদ্ধসঙ্ঘকতৃক প্রদত্ত—সম্মুদ্রাগমচক্রবর্তী।

ইহার পর আশুতোষ আর বেশী দিন বাঁচেন সাই। ১৯২৪ সালে ডুমরাঁওর মহারাজার সনির্বন্ধ অনুরোধে তাঁহার পক্ষে একটি

শেষ প্রয়াণ

মোকদ্দমা লইয়া পাটনায় গিয়াছিলেন। সেই

সময়েই মাত্র তিন দিন রোগ ভোগ করিয়া ২৫শে মে রবিবার সন্ধ্যার পর পাটনাতেই দেহত্যাগ করেন। তাঁহার মৃতদেহ

কলিকাতায় লইয়া আসা হইল। সেই সময়ে কলিকাতাবাসী যে বিরাট শোভাযাত্রা করিয়া মৃত মনীষীর প্রতি সম্মান ও শ্রদ্ধা প্রকাশ করিয়াছিলেন, তাহা পৃথিবীর ইতিহাসে খুব কমই দেখা যায়।

আশুতোষ চলিয়া গিয়াছেন, রাখিয়া গিয়াছেন তাঁহার স্বাদেশিকতা, তাঁহার পৌরুষ তেজস্বিতা, তাঁহার অদম্য জ্ঞানস্পৃহা, তাঁহার অনন্তসাধারণ কর্মশক্তি। এই অবদান মাথায় লইয়া বাংলার তরুণদিগকে জীবন-পথে অগ্রসর হইতে হইবে।





ডাঃ রাজা রাজেন্দ্রলাল মিত্র

ডাঃ রাজা রাজেন্দ্রলাল মিত্র

যিনি এদেশে প্রত্নতাত্ত্বিক গবেষণার প্রবর্তকরূপে জাতীয় জীবনে এক নূতন পন্থা প্রদর্শন করিয়াছেন, তিনিই যশস্বী রাজা রাজেন্দ্রলাল মিত্র।

১৮২৪ সালের ১৫ই ফেব্রুয়ারী চব্বিশ পরগণা জেলার অন্তর্গত কলিকাতার নিকটবর্তী শুঁড়া নামক পল্লীগ্রামে রাজেন্দ্রলাল মিত্র জন্মগ্রহণ করেন। রাজেন্দ্রলালের প্রপিতামহ রাজা পীতাম্বর মিত্র দিল্লীর বাদশাহের দরবারে অযোধ্যার নবাব-উজীরের উকীল ছিলেন। তিনি একজন বিশেষ প্রতিপত্তিশালী লোক ছিলেন। নিজের কর্মদক্ষতা ও প্রতিভাবলে তিনি সম্রাটের অধীনে কর্মগ্রহণ করিয়া ‘সেহাজারি মনসব্’ অর্থাৎ তিনি হাজার অশ্বরোহী সৈন্যের অধিনায়ক হইয়াছিলেন। ইহা ছাড়া তিনি ‘রাজা বাহাদুর’ উপাধি এবং দোয়াবের অন্তর্গত এলাহাবাদের চল্লিশ মাইল পশ্চিমে অবস্থিত কারা জেলায় দুই লক্ষ বিশ সহস্র টাকা আয়ের জায়গীর পাইয়াছিল।

মহারাষ্ট্রীয় বিপ্লবে পীতাম্বর মিত্রের অধিকাংশ জায়গীর নষ্ট হইয়াছিল। তৎপর তাঁহার মৃত্যুর পর তাঁহার পুত্র বৃন্দাবনচন্দ্র মিত্রের অমিতব্যয়িতার ফলে অনেক সম্পত্তি নষ্ট হয়। তিনি

কটকের কালেক্টারের দেওয়ান ছিলেন। বৃন্দাবনচন্দ্রের জ্যেষ্ঠ পুত্র জন্মেজয় মিত্রই রাজেন্দ্রলালের পিতা। জন্মেজয় মিত্র সংস্কৃত ও পারস্য ভাষায় সুপণ্ডিত ছিলেন।

রাজেন্দ্রলাল পিতার তৃতীয় পুত্র। তাঁহারা সর্বশুদ্ধ ছয় ভাই ছিলেন। বাল্যকালে রাজেন্দ্রলাল তাঁহার এক নিঃসন্তান পিসীমার বাড়ীতে লালিত-পালিত হন। পাঁচ বছর বয়সের সময় তিনি বাংলা ও ফারসি ভাষা শিক্ষা আরম্ভ করেন। কিছু দিন তিনি কলিকাতা বড়বাজারের রাজা বৈद्यনাথ রায়ের পারিবারিক পাঠশালায় পড়েন। তৎপর পাথুরিয়াঘাটার ক্ষেমচন্দ্র বসুর বিদ্যালয়ে ইংরেজী শিখিতে আরম্ভ করেন। যখন তাঁহার বয়স এগার বছর সেই সময়ে তিনি গোবিন্দচন্দ্র বসাকের প্রতিষ্ঠিত এংলো-ইণ্ডিয়ান একাডেমীতে ভর্তি হইলেন। এই সময়ে একটি ঘটনা ঘটিল যাহার ফলে রাজেন্দ্রলালের স্কুলে পড়া বন্ধ হইয়া গেল। এই সময়ে তাঁহার পিসীমাতার মৃত্যু ঘটে এবং তাঁহার এক আত্মীয় খৃষ্টধর্ম গ্রহণ করেন। এই কারণে রাজেন্দ্রলালের স্কুলে যাওয়া বন্ধ হইল। বাড়ীতেই তাঁহাকে ইংরেজী শিখাইবার জন্য ক্যামিরণ নামক একজন সাহেব নিযুক্ত হইলেন।

১৮৩৮ সালে চৌদ্দ বছর বয়সের সময়ে রাজেন্দ্রলাল কলিকাতা মেডিকেল কলেজে চিকিৎসা-বিদ্যা শিক্ষার জন্য ভর্তি হইলেন। এই সময়ে তিনি একবার সাংঘাতিক জ্বররোগে পীড়িত হইয়া পড়েন। সকলেই তাঁহার জীবনের আশা ছাড়িয়া দিয়াছিলেন। সৌভাগ্যক্রমে দীর্ঘকাল পরে এই দুঃস্বপ্ন জ্বররোগ হইতে আরোগ্য লাভ করিয়া তিনি আবার মেডিকেল কলেজে ভর্তি হইলেন।

মেডিকেল কলেজে তিনি অতি সুখ্যাতির সহিত অধ্যয়ন করিয়াছিলেন। তিনি অনেক পারিতোষিক ও বৃত্তি লাভ করিয়াছিলেন। একবার আমাদের বুড়োবুড়ীদের ব্যবহার্য মুষ্টিযোগের এক বিস্তৃত বিবরণ সংগ্রহ করিয়া তিনি কলেজের তৎকালীন অধ্যক্ষ সাহেবের বিশেষ প্রশংসা পাইয়াছিলেন। মেডিকেল কলেজের ছাত্রদের মধ্যে তিনি বিশেষ খ্যাতিমান ছিলেন। ১৮৪২ সালে সুপ্রসিদ্ধ দ্বারকানাথ ঠাকুর বিলাত গমনকালে কলিকাতা মেডিকেল কলেজের দুইটি ছাত্রকে নিজব্যয়ে বিলাতে ডাক্তারি বিদ্যায় বিশেষজ্ঞ করিবার জন্ত লইয়া যাইবার সংকল্প করিয়াছিলেন। ইহাদের মধ্যে রাজেন্দ্রলাল একজন ছিলেন। কিন্তু পিতা ও আত্মীয়স্বজন সমুদ্রযাত্রায় আপত্তি করাতে তাঁহার আর বিলাত যাওয়া ঘটে নাই। এই সময়ে মেডিকেল কলেজের কয়েকজন ছাত্র দুর্ব্যবহারের জন্ত কলেজ হইতে বিতাড়িত হন। প্রকৃত অপরাধকারীর নাম প্রকাশে অসম্মত হওয়াতে রাজেন্দ্রলালও সমপাঠীদের সহিত বিতাড়িত হইলেন।

ইহার পর রাজেন্দ্রলাল আইনশাস্ত্র পড়িতে আরম্ভ করিলেন। যেবার তিনি আইন পরীক্ষা দিলেন, সেবার পরীক্ষার প্রশ্ন চুরি গেল। কাজেই সে পরীক্ষা অগ্রাহ্য হইল। রাজেন্দ্রলাল আর পরীক্ষা দিলেন না। বারবার এইরূপে জীবনের প্রবেশ-পথে বাধা পাইয়া তিনি বিশ্ববিদ্যালয়ের সংশ্রব ত্যাগ করিলেন এবং একান্তমনে নিজে অধ্যয়ন করিতে লাগিলেন। তখন তাঁর বয়স মাত্র ১৮ বছর।

পরম নিষ্ঠা ও পরিশ্রমের সহিত তিনি চারি বছর কাল অধ্যয়ন করিলেন। এই চারি বছরে তিনি অনেকগুলি ভাষায় কৃতবিদ্য হইলেন। সংস্কৃত, ইংরেজী, গ্রীক, লাতিন, ফরাসী, জার্মান, পারস্য, হিন্দী, উর্দু, উড়িয়া প্রভৃতি নানা ভাষায় তিনি সুপণ্ডিত ছিলেন। মাতৃভাষা বাংলা তো আছেই।

বাইশ বছর বয়সের সময় রাজেন্দ্রলাল বঙ্গীয় এসিয়াটিক সোসাইটির সরকারী সম্পাদক ও গ্রন্থরক্ষকের পদে নিযুক্ত হইলেন। এসিয়াটিক সোসাইটির এই পদে তিনি দশ বছর অধিষ্ঠিত ছিলেন। এই দশ বৎসর তাঁহার অধ্যয়ন ও জ্ঞানানুশীলনে কাটিয়াছে। এসিয়াটিক সোসাইটির নানা ভাষার মূল্যবান গ্রন্থসমূহ এবং ইহার সুবিজ্ঞ যুরোপীয় সেক্রেটারীগণ তাঁহার ভবিষ্যৎ গবেষণার পথ তৈরী করায় পরম সহায়ক হইয়াছিলেন। এই দীর্ঘকাল জ্ঞানচর্চার পর তিনি এসিয়াটিক সোসাইটির জার্ন্যাল নামক ইংরেজী কাগজে গবেষণামূলক প্রবন্ধসমূহ লিখিতে আরম্ভ করেন। ১৮৪৯ সালে তিনি সোসাইটির গ্রন্থাবলীর বিস্তৃত তালিকা মুদ্রিত করেন।

ঐ বছরই তিনি কামন্দকীয় নীতিসার নামক পুস্তকও প্রকাশ করেন। ১৮৪১ সালে তিনি “বিবিধার্থ-সংগ্রহ” নামক একখানি সচিত্র মাসিকপত্র প্রকাশ করেন। ইহাতে পুরাতত্ত্ব, ইতিহাস, সাহিত্য, শিল্প প্রভৃতি বিবিধ বিষয়ে প্রবন্ধ লিখিত হইত। ইহাই বাংলাদেশে সর্বপ্রথম সচিত্র মাসিক পত্রিকা। বিলাতের পেনী ম্যাগাজিনের অনুকরণে ইহা প্রকাশিত হইয়াছিল। সাত বৎসর ইহা বাঁচিয়াছিল। ইহা বন্ধ হইবার পর ১৮৫৮ সালে রাজেন্দ্রলাল

রহস্য-সন্দর্ভ নামক একখানি পত্রিকা প্রকাশ করিয়াছিলেন। তিনি চারি বছর ইহার সম্পাদন করিয়াছিলেন।

ইহার পর রাজেন্দ্রলাল অনেকগুলি বিদ্যালয়-পাঠ্য বই লিখেন। ইহাদের মধ্যে প্রাকৃত ভূগোল, শিল্পিকদর্শন, পত্রকৌমুদী, ব্যাকরণ-প্রবেশ, শিবাজীর চরিত্র, মিবারের ইতিহাস বিখ্যাত ছিল। এতদ্ব্যতীত তিনি বিদ্যালয়ের ব্যবহারের জন্য ভারতবর্ষের বাংলা, হিন্দী ও ফারসি মানচিত্র, এসিয়ার ফারসি মানচিত্র ও প্রাকৃতিক মানচিত্র প্রকাশ করিয়াছিলেন।

১৮৭৫ সালে রাজেন্দ্রলালের গভীর অধ্যয়ন ও গবেষণাপ্রসূত বিখ্যাত গ্রন্থ ‘এন্টিকুইটিস্ অব ওড়িশ্যা’ (Antiquities of Orissa) প্রকাশিত হয়। ইহা তাঁহার প্রগাঢ় পাণ্ডিত্য ও অপূর্ব লেখনী-শক্তির পরিচায়ক। দেশ-বিদেশের মনীষিগণ ইহার যথেষ্ট প্রশংসা করিয়াছেন। এই গ্রন্থ ব্যতীত ইংরেজীতে বুদ্ধগয়া, ললিতবিস্তর, পাতঞ্জল যোগসূত্র, নেপালের বৌদ্ধ সাহিত্য ও ইণ্ডো-এরিয়ান নামক পুস্তক প্রকাশ করেন। এই সকল গ্রন্থ ও সঙ্গে সঙ্গে কলিকাতা রিভিউ, এসিয়াটিক সোসাইটীর জর্নাল প্রভৃতি পত্রিকায় প্রকাশিত তাঁহার প্রবন্ধাবলী প্রকাশের ফলে পাশ্চাত্য বুদ্ধমণ্ডলীর নিকট রাজেন্দ্রলাল ভূয়সী সম্মান ও যশ লাভ করিতে সমর্থ হন।

যুরোপের নানাদেশের বিদ্বৎ-সভা তাঁহাকে নিজেদের সভার সভ্য শ্রেণীভুক্ত করিয়া সম্মানিত করিয়াছিলেন। ফরাসী গভর্নমেন্টের শিক্ষাবিভাগ তাঁহাকে তালপত্রে অঙ্কিত ডিপ্লোমা (Palm leaf Diploma) প্রদান করিয়াছিলেন। রাজেন্দ্রলাল সর্বসমেত

পঞ্চাশখানা গ্রন্থ প্রণয়ন ও সংকলন করিয়া নিজের অসাধারণ পাণ্ডিত্য ও গবেষণার পরিচয় দিয়া গিয়াছেন।

১৮৬৬ সালে রাজেন্দ্রলাল মাসিক পাঁচ শত টাকা বেতনে গভর্নমেন্ট ওয়ার্ড ইনস্টিটিউটের ডাইরেক্টর হইয়াছিলেন। বাংলা-দেশের নাবালক জমিদার-পুত্র ও রাজতনয়দের শিক্ষা-দীক্ষার ভার ইহার উপর হস্ত ছিল। এই ইনস্টিটিউট যতদিন বাঁচিয়া ছিল, ততদিন রাজেন্দ্রলাল এই পদে বৃত ছিলেন। ১৮৮১ সালে ইহা উঠিয়া গেলে গভর্নমেন্ট রাজেন্দ্রলালকে মাসিক পাঁচশত টাকা পেন্সন দেওয়ার ব্যবস্থা করিয়াছিলেন।

১৮৭৬ সালে কলিকাতা বিশ্ববিদ্যালয় তাঁহাকে সম্মানসূচক এল্-এল্‌ডি উপাধি প্রদান করিয়াছিলেন। ইহার পর গভর্নমেন্ট হইতে তিনি যথাক্রমে রায় বাহাদুর, সি-আই-ই ও রাজা উপাধি লাভ করেন।

রাজেন্দ্রলাল একদিকে যেমন প্রত্নতত্ত্বানুসন্ধান ও জ্ঞানচর্চায় ব্রতী ছিলেন, সেই সঙ্গে সঙ্গে তিনি দেশহিতকর নানা অনুষ্ঠানেও আত্মনিয়োগ করিতেন। ১৮৫৭ সালে কলিকাতার টাউন হলে তিনি ব্র্যাক এ্যাক্টের সম্বন্ধে যে অগ্নিময়ী বক্তৃতা দিয়াছিলেন, তাহাতে অনেক ইংরাজ তাঁহার বিরুদ্ধে ভীষণ চটিয়া গিয়াছিল। এই আইন দ্বারা ইংরেজ ও ভারতবাসীকে একবিধ আইনের শাসনাধীন করিবার ব্যবস্থা ছিল। ইহা লইয়া সেকালের সাহেবমহলে তুমুল বিক্ষোভের সৃষ্টি হইয়াছিল।

১৮৫১ সালে ব্রিটিশ ইণ্ডিয়ান এসোসিয়েশন নামক বিখ্যাত জমিদার-সভা স্থাপিত হয়। রাজেন্দ্রলাল উহার অন্যতম পৃষ্ঠপোষক

ছিলেন। তাঁহার স্বাধীন চিত্ত স্বদেশবাসীর স্বার্থ ও অধিকার রক্ষায় সতত ব্যগ্র ছিল। সুলেখক ও সুবক্তা বলিয়া তাঁহার খ্যাতি ছিল।

১৮৮৫ সালে রাজেন্দ্রলাল এসিয়াটিক সোসাইটির সভাপতি পদে বৃত্ত হন। তিনিই সর্বপ্রথম বাঙালী যিনি এই সম্মানজনক পদ লাভ করেন। স্বর্গীয় কৃষ্ণদাস পাল-সম্পাদিত হিন্দু পেট্রিয়টের তিনি একজন নিয়মিত লেখক ছিলেন। কৃষ্ণদাস পালের মৃত্যুর পর তিনি কিছুদিন উহার সম্পাদনা করিয়াছিলেন। তিনি কলিকাতা বিশ্ববিদ্যালয়ের অগ্রতম সদস্য ও সেন্ট্রাল টেক্সট বুক কমিটির সভাপতি ছিলেন। ১৮৮৬ সালে কলিকাতায় নিখিল ভারতীয় কংগ্রেসের দ্বিতীয় অধিবেশন হয়। রাজেন্দ্রলাল উহার অভ্যর্থনা সমিতির সভাপতি হইয়াছিলেন।

১৮৯৬ সালে ২৬শে জুলাই ৬৭ বৎসর বয়সে বাংলার জ্ঞানগুরু এই মহামনীষী পরলোক গমন করেন। রাজেন্দ্রলাল জ্ঞানালোচনা ও গবেষণার পথপ্রদর্শকরূপে জাতির চিরকালের নমস্কৃত হইয়া রহিয়াছেন।



শ্রী গুরুদাস বন্দ্যোপাধ্যায়

স্মরণ গুরুদাস বন্দ্যোপাধ্যায়

কলিকাতার নারিকেলডাঙ্গায় ১৮৪৪ সালের ২৬শে জানুয়ারী স্মরণ গুরুদাস বন্দ্যোপাধ্যায় এক দরিদ্র ব্রাহ্মণ পরিবারে জন্মগ্রহণ করেন। ইহাদের আদি নিবাস চব্বিশ পরগণার অন্তর্গত বড়ো গ্রামে ছিল।

“গুরুদাসের পিতামহ কলিকাতার দক্ষিণাঞ্চল হইতে নারিকেল-ডাঙ্গায় আসিয়া বাস করেন। স্মরণ গুরুদাসের পিতৃদেব ৩রামচন্দ্র বন্দ্যোপাধ্যায় খুব গম্ভীর প্রকৃতির লোক ছিলেন। যাহারা তাঁহাকে চিনিতেন, তাহারাই তাঁহাকে শ্রদ্ধা করিতেন। ৩দ্বারকানাথ ঠাকুর-প্রতিষ্ঠিত “কার ঠাকুর কোম্পানীর” আফিসে রামচন্দ্র পঞ্চাশ টাকা বেতনে কর্ম করিতেন। সেখানে তাঁহার যথেষ্ট প্রতিপত্তি ছিল। তাঁহার সন্ধ্যাবন্দনা পূজা-আহ্নিকে একটু বেলা হইত, স্মরণাং আফিসে উপস্থিত হইতে একটু বিলম্ব হইত। অতঃপর কর্মচারীদের বিলম্ব হইলে তিরস্কৃত হইতে হইত, তাঁহাকে কেহ কিছু বলিত না। এ বিষয় লইয়া অত্যাগত লোক যখন কর্তৃপক্ষকে বিব্রত করিতে আরম্ভ করিল, তখন কর্তৃপক্ষ নিতান্ত অনিচ্ছাসত্ত্বেও প্রতিকার পরায়ণ হইলেন; কিন্তু এই নির্ভাবান্ ও কর্তব্যপরায়ণ কর্মচারীকে তাঁহারা কোন কথা না বলিয়া “হাজিরা বহি”খানির ভার তাঁহার

উপর দিলেন। সকলের যথাসময়ে উপস্থিত হওয়ার উপর দৃষ্টি রাখিতে গিয়া তিনি আপনা হইতেই ঠিক সময়ে উপস্থিত হইতে আরম্ভ করিলেন। অল্প বয়সে তাঁহার লোকান্তর গমন জ্ঞাত হইয়া গুরুদাসের পিতৃগৃহে দৈন্যদশার সংঘটন হয়। স্বর্গীয় মহর্ষি দেবেন্দ্র নাথ ঠাকুর মহাশয় তাঁহাদের আফিস হইতে পেনসন হিসাবে মাসে কিছু টাকা মঞ্জুর করিবেন এমন সময়ে নানা বিপৎপাতে আফিস উঠিয়া গেল। সে সাহায্য দানের আর সুবিধা ঘটে নাই। এই অকাল মৃত্যু নিবন্ধন গুরুদাসের পিতৃপরিবার তাঁহার বাল্যাবস্থায় দারিদ্র্যক্লেশ ভোগ করিতে বাধ্য হইয়াছিল।”

যখন রামচন্দ্রের মৃত্যু হয় তখন গুরুদাসের বয়স মাত্র দুই বৎসর দশ মাস। পিতার মৃত্যুর পর হইতে গুরুদাস মাতার হস্তেই লালিত পালিত ও বর্ধিত হইয়াছিলেন। তাঁহার জননীর নাম সোনামণি দেবী। সোনামণি দেবীর প্রভাব গুরুদাসের সমস্ত জীবন নিয়ন্ত্রিত করিয়াছে। তিনি আদর্শ নিষ্ঠাবতী হিন্দু নারী ছিলেন। তাঁহার শিক্ষাদীক্ষায় গুরুদাস মানুষ হইয়াছিলেন। তাই আমরা গুরুদাসকে একজন আনুষ্ঠানিক নিষ্ঠাবান্ হিন্দুরূপে দেখিতে পাইয়াছি। গুরুদাস যতদিন বাঁচিয়া ছিলেন, জননীকে দেবতাজ্ঞানে ভক্তি ও পূজা করিতেন।

পারিবারিক অবস্থা নিতান্ত অসচ্ছল হইলেও সোনামণি দেবী পুত্রকে মানুষ করিবার দায়িত্ব বুঝিতেন। নিজের সকল স্নেহ ও শাসনদ্বারা পুত্রকে বাল্য বয়স হইতেই শিক্ষিত করিতে লাগিলেন। গুরুদাসকে মাতা কখনও বাড়ীর বাহিরে অত্যাগ ছেলেপিলের সঙ্গে

খেলা করিতে দিতেন না। সকলকে গুরুদাসের বাড়ীতে আসিয়া খেলিতে হইত। এইরূপ সতর্ক আবেষ্টনীতে গুরুদাসের জীবন গঠিত হইতে লাগিল। যাহাতে গুরুদাস বাজে ছেলের সঙ্গে না মিশেন, সে বিষয়ে মাতার তীক্ষ্ণ দৃষ্টি ছিল।

সোনাগনি দেবী কখনও ছেলেকে মারিতেন না। ছেলেকে মারিয়া শিক্ষাদানের তিনি অত্যন্ত নিন্দা করিতেন।

গুরুদাসের শিক্ষা প্রথমে নারিকেলডাঙ্গার পাঠশালায় আরম্ভ হয়। কিন্তু ওখানে বেশী দিন পড়া হইল না। তিনি জেনেরল এসেম্বলি বিদ্যালয়ে ভর্তি হইলেন। এখানে কিছুকাল পড়িবার পর তাঁহার মাতুল তাঁহাকে গৌরমোহন আচ্যের ওরিয়েন্টাল সেমিনারীতে ভর্তি করিয়া দিলেন এবং নিজ তত্ত্বাবধানে রাখিয়া গুরুদাসের পড়ার ব্যবস্থা করিলেন। কিন্তু তাঁহার জননীর এই ব্যবস্থা মনঃপূত হইল না। তিনি ছেলেকে নিজের কাছে রাখিয়া স্বধর্মনিষ্ঠ করিয়া গড়িতে ইচ্ছা করিলেন। কাজেই কিছুকাল পরে গুরুদাস হেয়ার স্কুলে ভর্তি হইলেন। হেয়ার স্কুলে তিনি অত্যন্ত মনোযোগের সহিত পড়িতে লাগিলেন এবং এমন কৃতিত্ব প্রদর্শন করিলেন যে অষ্টম শ্রেণী হইতে পঞ্চম শ্রেণী এবং পর বৎসর পঞ্চম শ্রেণী হইতে প্রথম হইয়া তৃতীয় শ্রেণীতে প্রমোশন পাইলেন।

হেয়ার স্কুলে পড়িবার সময় বাংলার সুবিখ্যাত ইংরাজী শিক্ষক স্বর্গীয় প্যারীচরণ সরকারের প্রভাব তিনি বিশেষভাবে প্রাপ্ত হন। এই আড়ম্বর-শূন্য আদর্শ শিক্ষকের অগাধ জ্ঞান ও সরল আচার ব্যবহার গুরুদাসের জীবন গঠনে যথেষ্ট সহায়তা করিয়াছে।

গুরুদাস য়েবার প্রবেশিকা পরীক্ষা দিলেন, তখন অত্যন্ত অসুখে ভুগিতেছিলেন। অসুস্থ শরীরে পরীক্ষা দিলেও গুরুদাস এই পরীক্ষায় প্রথম স্থান অধিকার করিয়াছিলেন। ইহার পর তিনি প্রেসিডেন্সী কলেজে এফ্‌ এ পড়িতে ভর্তি হইলেন। এইখানে অধ্যয়ন করিবার সময় তিনি বিখ্যাত অধ্যাপক কাউয়েল, সাটক্রিফ্‌, সাউণ্ডার্স, লব, জোল, রিস, প্যারীচরণ সরকার, কৃষ্ণকমল ভট্টাচার্য প্রমুখ সুধীগণের সহিত পরিচিত হইবার সুযোগ লাভ করিয়াছিলেন। প্যারীচরণ সরকার মহাশয় এই সময়ে হেয়ার স্কুলের শিক্ষকতা হইতে প্রেসিডেন্সী কলেজের অধ্যাপনা কার্যে নিযুক্ত হইয়াছিলেন। তিনি ইংরাজীর অধ্যাপক ছিলেন। গুরুদাস ভাল রচনা লিখিতে পারিতেন বলিয়া তাঁহার খ্যাতি ছিল। একদিন এক খারাপ কাগজে তিনি রচনা লিখিয়া আনিয়াছিলেন। প্যারীচরণ উহা দেখিয়া উহার উপর মন্তব্য লিখিয়া দিলেন—“রচনা উত্তম হইয়াছে, কিন্তু কাগজখণ্ড লেখকের ঔদাসীন্যের পরিচায়ক।” মিঃ রিস্‌ গণিতের অধ্যাপক ছিলেন। গুরুদাসের গণিতে বিশেষ অনুরক্তি ছিল। রিস্‌ সাহেব তাঁহাকে তজ্জ্ঞ স্নেহ করিতেন। অধ্যাপক কাউয়েল ইতিহাস পড়াইতেন। তিনি সংস্কৃত সাহিত্যেও পরম পণ্ডিত ছিলেন। পরে তিনি সংস্কৃত কলেজের অধ্যক্ষ হইয়াছিলেন। তাঁহার মত এমন নির্ভাবান্‌ অধ্যাপক কম দেখা যায়। এমন কতদিন গিয়াছে, কলেজের ঘণ্টা বাজিয়া গিয়াছে, তাঁহার অধ্যাপনা শেষ হয় না, তাঁহার দেবী দেখিয়া তাঁহার পত্নী হয়ত গাড়ী লইয়া আসিয়া উপস্থিত হইয়াছেন।

আর একজন সুবিখ্যাত অধ্যাপক ছিলেন সুপণ্ডিত কৃষ্ণকমল ভট্টাচার্য। ইহার বাংলা অধ্যাপনা বড়ই প্রশংসনীয় ছিল। স্বর্গীয় কবি রঙ্গলাল বন্দ্যোপাধ্যায়ও কিছুকাল এই সময়ে বাংলা সাহিত্যের অধ্যাপনা করিয়া গিয়াছেন। তাঁহার নিকটও গুরুদাস অধ্যয়নের সুযোগ লাভ করিয়াছিলেন।

এই সকল বিখ্যাত অধ্যাপকের নিকট অধ্যয়ন করিয়া গুরুদাস এফ-এ ও বি-এ পরীক্ষায় প্রশংসার সহিত উত্তীর্ণ হইলেন এবং উভয় পরীক্ষাতেই সর্বপ্রথম স্থান অধিকার করিয়াছিলেন। বি-এ পরীক্ষায় উত্তীর্ণ হইবার এক বছর পরেই তিনি এম-এ পরীক্ষা প্রদান করেন। গুরুদাস গণিতে এম্-এ পরীক্ষায় প্রথম স্থান অধিকার করেন। বিশ্ববিদ্যালয়ের পরীক্ষায় গুরুদাসের প্রতিদ্বন্দ্বী ছিলেন তাঁহার সহাধ্যায়ী নীলাম্বর চক্রবর্তী। ইনি পরবর্তী কালে কাশ্মীরের রাজস্ব-সচিব হইয়াছিলেন। প্রত্যেক পরীক্ষাতেই গুরুদাস প্রথম হইতেন, নীলাম্বর হইতেন দ্বিতীয়। এম্-এ পরীক্ষায় উত্তীর্ণ হইয়া পর বৎসর গুরুদাস আইন পরীক্ষার জন্ম প্রস্তুত হইতেছিলেন। এই পরীক্ষায়ও যাহাতে নীলাম্বরকে পরাস্ত করিয়া প্রথম স্থান অধিকার করেন এবং স্বর্ণপদক প্রাপ্ত হন, তজ্জন্ম গুরুদাস বিশেষ পরিশ্রম সহকারে রাত্রি জাগরণ করিয়া পড়াশুনা করিতেছিলেন। গুরুদাসের মাতা পুত্রের এই মনোভাব সমর্থন করিলেন না। তিনি বলিলেন—“সহপাঠিকে পরাস্ত করিয়া স্বর্ণপদক প্রাপ্ত হইবে, সেই জন্ম আমি তোমাকে অধিক রাত্রি জাগরণ করিয়া অধ্যয়ন করিতে দিব না। যে সকল বস্তু উৎকৃষ্ট তাহা আমিই যেন পাই, অথবা যেন পায় না, এবম্প্রকার

বুদ্ধির আমি প্রশংসা করিতে পারি না। তুমি অনেক পরীক্ষায় উচ্চ স্থান অধিকার করিয়া স্বর্ণপদক পাইয়াছ। এই পরীক্ষায় যদি নীলাম্বর ঐ পদক প্রাপ্ত হন, আমি তাহাতেই সন্তুষ্ট হইব।”

যাহা হোক ১৮৬৬ সালে আইন পরীক্ষায়ও গুরুদাস সর্বপ্রথম স্থান অধিকার করিয়া স্বর্ণপদক প্রাপ্ত হইলেন। এম্-এ পরীক্ষায় উত্তীর্ণ হইয়া গুরুদাস কিছুকাল প্রেসিডেন্সী কলেজে গণিতের অধ্যাপনা করিয়াছিলেন। গুরুদাস চিরদিন নিতান্ত সাদাসিদে ভাবে জীবন কাটাইয়াছেন। এই চাকুরীর জন্ত গুরুদাস একদিন ডিরেক্টর সাহেবের সঙ্গে দেখা করিতে গিয়াছিলেন। তখন শীতকাল। গায়ে তাঁহার একখানি লাল বনাত। ডিরেক্টর সাহেব তাঁহাকে একজন টোলের পণ্ডিত ভাবিয়া বলিলেন—“আমি আপনাকে কোন কার্য দিতে পারিব না, কোথাও পণ্ডিতের পদ খালি নাই।” গুরুদাস বলিলেন—“আমি পণ্ডিত-পদ-প্রার্থী নই, প্রেসিডেন্সী কলেজে গণিতের অধ্যাপক-পদে নিযুক্ত হইবার প্রার্থনা জানাতে আসিয়াছি।” এই কথা শুনিয়া ডিরেক্টর সাহেব একটু বিস্মিত হইলেন এবং কিছুক্ষণ আলাপের পর তাঁহার যোগ্যতার পরিচয় পাইলেন। তখনই গুরুদাসের নিয়োগ-পত্র দিলেন। প্রেসিডেন্সী কলেজে অধ্যাপনা করিবার সময় গুরুদাসের ছাত্রদের মধ্যে তিনটি পরবর্তী কালে বিশেষ যশস্বী হইয়াছিলেন। তন্মধ্যে রমেশচন্দ্র দত্ত ও বিহারীলাল গুপ্ত বিখ্যাত সাহিত্যিক ও রাজকর্মচারী হইয়াছিলেন, এবং আনন্দরাম বরুয়া সংস্কৃত ভাষা ও সাহিত্যে পরম পণ্ডিত বলিয়া দেশ-বিদেশে খ্যাতি লাভ করিয়াছিলেন।

গুরুদাস শিষ্টাচারী ও সংযমী পুরুষ ছিলেন। তাঁহার মৃত্যু অথচ কর্তব্য-কঠোর ব্যবহার ছাত্রগণের উপর তাঁহার যথেষ্ট প্রভাব বিস্তার করিয়াছিল। শিক্ষকতার প্রতি তাঁহার যথেষ্ট অনুরক্তি ছিল। আইন পরীক্ষা দিবার পূর্বে তিনি পাঁচ মাস কাল জেনারেল এসেম্বলি স্ বিদ্যালয়ে গণিতের অধ্যাপকতা করিয়াছিলেন। অতঃপর গুরুদাস বহরমপুর কলেজে মাসিক তিন শত টাকা বেতনে অধ্যাপকের পদ গ্রহণ করিলেন। অধ্যাপকতার সঙ্গে সঙ্গে তিনি ওকালতি করিবার অনুমতিও প্রাপ্ত হইয়াছিলেন। গুরুদাসের মাতার ইচ্ছা ছিল না, গুরুদাস কলিকাতার বাইরে কোন চাকুরী গ্রহণ করেন। জননী পুত্রকে এই সর্তে আবদ্ধ করিলেন যে মাসিক এক শত টাকা আয় হইতে পারে এমন পরিমাণ অর্থ সঞ্চয় করিতে পারিলেই গুরুদাসকে কলিকাতায় চলিয়া আসিতে হইবে।

বহরমপুরে গুরুদাস আইন ও গণিত অধ্যাপনা করিতেন। তাঁহার আইন অধ্যাপনা এরূপ হৃদয়গ্রাহী হইত যে, তাঁহার দণ্ডবিধি বিষয়ক বক্তৃতা শ্রবণের জন্য সেখানকার বিভাগীয় কমিশনের মিঃ ক্যান্বেল ও নীলদর্পণের ইংরেজী অনুবাদক রেভারেণ্ড মিঃ লং মাঝে মাঝে তাঁহার বক্তৃতা শুনিতে আসিতেন।

এই সময়ে তিনি বিশেষভাবে সংস্কৃত অধ্যয়ন করিয়াছিলেন। বাল্যকালে গুরুদাস এক পণ্ডিতের নিকট সংস্কৃত শিক্ষা করিতেন। ‘অমর-কোষ’ তাঁহার কণ্ঠস্থ ছিল। বহরমপুরে তিনি বিখ্যাত গ্রন্থকার রামগতি ত্রায়রত্ন মহাশয়ের নিকট সংস্কৃত শিক্ষা করিয়াছিলেন।

বহরমপুরেই গুরুদাসের ওকালতিতে হাতে খড়ি। আবার এখানেই তিনি ধার্মিক ও বিচক্ষণ আইনজ্ঞ বলিয়া খ্যাতি লাভ করেন। তিনি মুর্শিদাবাদের নবাব নাজিমের আইন-উপদেষ্টার পদ প্রাপ্ত হইয়াছিলেন। এই সময়ে বহরমপুরে মতিলাল বন্দ্যোপাধ্যায় সর্বপ্রধান উকীল ছিলেন। তিনি উদার ও সং-প্রকৃতিক লোক ছিলেন। তাঁহারই সাহায্যে গুরুদাস ওকালতি ব্যবসায়ে লব্ধপ্রবেশ হন। মোকদ্দমায় মতিবাবু প্রবীণ ও গুরুদাস নবীন উকীল স্বরূপে কার্য করিতেন। একবার কোন মামলায় গুরুদাস এমন একটি আইন-সঙ্গত নূতন যুক্তির অবতারণা করিলেন যে মতিবাবু সেই মামলায় গুরুদাসকে প্রবীণ উকীলের পদ গ্রহণ করিয়া বক্তৃতা দিতে বলিলেন। এরূপ উদারতা কমই দেখা যায়।

আইন ব্যবসায়ে গুরুদাস সাধুতা ও সততার চিরদিনই অনুসরণ করিয়া চলিতেন। গুরুদাস যখন কলিকাতার হাইকোর্টে ওকালতি করেন, সেই সময়ে দৈনিক পঞ্চাশ টাকা ফিসে একটি মোকদ্দমা গ্রহণ করেন। এই মামলার শুনানির পূর্বদিন বহরমপুর হইতে দৈনিক দেড় সহস্র টাকা ফিসে একটি মোকদ্দমা গ্রহণের অনুরোধ আসে। কলিকাতার মামলাটি সাধারণ রকমের ছিল, উহার পরি-চালনার ভার যে-কোন উকীলের উপর নির্ভর করিয়া যাওয়া যাইত, কিন্তু মক্কেল গুরুদাসকে ছাড়িল না। গুরুদাস বহরমপুরের মামলা প্রত্যাখ্যান করিলেন। ইহাতে তিনি কিছুমাত্র ক্ষোভ প্রকাশ করেন নাই।

গুরুদাস দেওয়ানী অপেক্ষা ফৌজদারী মামলায় বিশেষ খ্যাতি

অর্জন করিয়াছিলেন। বহরমপুরে তাঁহার যশ চারিদিকে ছড়াইয়া পড়িয়াছিল।

১৮৭২ সালের শেষভাগে তিনি কলিকাতা হাইকোর্টে ওকালতি আরম্ভ করিলেন। ইতিমধ্যে তাঁহার খ্যাতি কলিকাতায়ও অজ্ঞাত ছিল না। শীঘ্রই তিনি কলিকাতার একজন বিশিষ্ট আইনজ্ঞরূপে পরিচিত হইলেন। হাইকোর্টে ওকালতি করিবার সঙ্গে সঙ্গেই তিনি আইনশাস্ত্রের অনার্স পরীক্ষায় উত্তীর্ণ হইলেন এবং ‘দত্তক গ্রহণে ধর্মামুষ্ঠানের আবশ্যকতা’ ও ‘বৃত্তিদানবিষয়ক হিন্দু আইন’ এই দুই বিষয়ে মৌলিক গবেষণামূলক প্রবন্ধ রচনা করিয়া “ডক্টর অব ল” উপাধি লাভ করিলেন।

১৮৮৮ সালে গুরুদাস হাইকোর্টের অস্থায়ী বিচারপতি নিযুক্ত হইলেন। ১৯০৪ সাল পর্যন্ত তিনি যোগ্যতার সহিত এই কার্য করিয়া গিয়াছেন। তদানীন্তন প্রধান বিচারপতি শ্রী ফ্রান্সিস ম্যাকলিনের গুরুদাসের বিচক্ষণতা ও প্রখর বুদ্ধির উপর এমন আস্থা ছিল যে তিনি গুরুদাসকে সহযোগী অস্থায়ী বিচারপতি না করিয়া কোন মামলা বড় করেন নাই। গুরুদাসের বিচার-প্রণালী এমনই চমৎকার ছিল যে, যে মামলা করিত সে যেমন খুসী হইত, যাহার বিরুদ্ধে মামলা করিত সে-ও তেমনি খুসী হইত। গুরুদাস ষোল বৎসর হাইকোর্টের জজিয়তি করিয়া গিয়াছেন। তিনি যখন হাইকোর্ট হইতে অবসর গ্রহণ করেন, সেই সময়ে উকীল-সমাজ তাঁহাকে যে অভিনন্দন দিয়াছিলেন, তাহাতে বলিয়াছিলেন—

“বিচারপতিরূপে আপনি আইনের গভীর পাণ্ডিত্যে, দক্ষতা,

কর্তব্যনিষ্ঠা, স্বাধীনতা, সহিষ্ণুতা ও অসামান্য সৌজন্মের পরিচয় প্রদান করিয়াছেন। সকল আইন-ব্যবসায়ীর মনে আপনি এই ব্যবসায়ের গৌরব এমনভাবে মুদ্রিত করিয়া দিতে প্রচেষ্টা ছিলেন যে, সর্বশ্রেণীর আইন-ব্যবসায়ী আপনাকে আন্তরিক শ্রদ্ধা করিয়া থাকেন। আপনি বিচারপতির গৌরবময় পদের কর্তব্য এমনভাবে সুসম্পন্ন করিয়াছেন যে, সকল আইনব্যবসায়ীর নিকট আপনার জীবন এক উজ্জ্বল আদর্শস্থল হইয়া থাকিবে।”

গুরুদাসের এই স্বাধীন প্রকৃতি তাঁহার জীবনের অন্ততম বিশেষত্ব ছিল। তাহার একটি দৃষ্টান্ত দিতেছি।

“আসানসোল রেলওয়ে স্টেশনে কোন রেলওয়ে কর্মচারী এক হিন্দু বালিকার উপর পাশবিক অত্যাচার করিয়াছিল। এই মামলার বিচারে গুরুদাসের সহযোগী বিচারপতি ফরিয়াদী পক্ষের সাক্ষ্য বিশ্বাস করেন নাই। তিনি মনে করিলেন, ফরিয়াদীর পক্ষ হইতে এই মামলা তৈয়ার করা হইয়াছে। গুরুদাস বুঝিলেন, আসামী যথার্থই অপরাধী, তাহার বিরুদ্ধে যে সকল প্রমাণ উপস্থিত হইয়াছে তাহা সম্পূর্ণরূপে বিশ্বাসযোগ্য। তিনি স্বতন্ত্র রায় প্রদান করিয়া আসামীকে দণ্ড দিলেন। অতঃপর তিন জন বিচারপতি এই দুই রায় বিচার করেন, প্রধান বিচারপতি এই তিন জনের অন্ততম ছিলেন। এই বিচারে গুরুদাসের প্রদত্ত রায়ই বহাল রাখা হইয়াছিল।”

গুরুদাস কর্তব্যে কোন দিনও বিন্দুমাত্র অবহেলা করেন নাই। তাঁহার মত কর্তব্যনিষ্ঠ বাঙালী খুবই কম দেখা গিয়াছে।

যোল বছর তিনি হাইকোর্টে বিচারপতি ছিলেন, এই সুদীর্ঘকালে তিনি অসুস্থতা ব্যতীত অপর কোন কারণে কদাচিৎ অনুপস্থিত হইয়াছেন।

পুত্র যতীন্দ্রচন্দ্রের মৃত্যুর দিনও গুরুদাস নিয়মিত ভাবে হাইকোর্টে উপস্থিত হইয়াছিলেন। বাড়ীতে পুত্র বিনুচিকা রোগে কাতর—যখন-তখন মৃত্যু ঘটিতে পারে। আদালতে যাইয়া গুরুদাস ধীর ও শান্তভাবে যথানিয়মে বিচারকার্য সমাধা করিতেছিলেন। গুরুদাসের পুত্রের এই অসুখের সংবাদ পাইয়া প্রধান বিচারপতি তখনই তাঁহাকে আদালতের কার্য স্থগিত রাখিয়া বাড়ীতে যাইতে বলিলেন।

গুরুদাস যখন বাড়ীতে যাইয়া উপস্থিত হইলেন, তখন মুম্বু, কয়েক মিনিট পরেই তাঁহার মৃত্যু হইল। ছেলেটি হেয়ার স্কুলে পড়িত। গুরুদাস তাঁহার স্মৃতি রক্ষার্থ “যতীন্দ্রচন্দ্র পদক ও পুরস্কার” প্রদানের ব্যবস্থা করিয়াছিলেন।

১৮৭৯ সালে গুরুদাস কলিকাতা বিশ্ববিদ্যালয়ের সদস্য নিযুক্ত হন। ১৮৯০ সালে তিনি বিশ্ববিদ্যালয়ের ভাইস্-চ্যান্সেলার নিযুক্ত হন এবং তিন বৎসর যোগ্যতার সহিত এই দায়িত্বপূর্ণ কাজ পরিচালনা করেন। গুরুদাসই কলিকাতা বিশ্ববিদ্যালয়ের সর্বপ্রথম ভারতীয় ভাইস্-চ্যান্সেলার। শিক্ষাবিস্তারে তাঁহার অকৃত্রিম অনুরাগ ছিল। তিনি বয়সে বৃদ্ধ হইলেও যুবকোচিত উৎসাহে সমস্ত কার্য করিতেন। তাঁহার মনের প্রফুল্লতা ও সজীবতা বার্ধক্যের প্রভাবে নষ্ট হইতে পারে নাই। পাশ্চাত্য শিক্ষাবিস্তারের তিনি বিরোধী ছিলেন না, কিন্তু প্রাচ্য আদর্শ ও রীতিনীতিকে তিনি চিরদিন

শ্রদ্ধা ও সমাদর করিয়া গিয়াছেন। তাঁহার মহৎ ও উন্নত চরিত্র এবং বিশ্ববিদ্যালয়ের সেবায় অক্লান্ত অধ্যবসায় তাঁহাকে সকলের স্মরণীয় ও বরণীয় করিয়া রাখিয়াছে। বিশ্ববিদ্যালয়ে বঙ্গভাষার সমাদর তাঁহারই সময় হইতে আরম্ভ হইয়াছিল।

লর্ড কার্জন বিশ্ববিদ্যালয়ের সংস্কার সাধনের জন্ত যে কমিশন নিযুক্ত করিয়াছিলেন তিনি তাহার অন্যতম সভ্য ছিলেন। উহার অন্যান্য সভ্যদের সহিত গুরুদাস একমত না হওয়াতে তিনি তাঁহার মন্তব্য পৃথকভাবে লিখিয়াছিলেন।

স্বদেশী আন্দোলনের ফলে ১৯০৬ সালে জাতীয় শিক্ষাপরিষদ প্রতিষ্ঠিত হয়। গুরুদাস ইহার অন্যতম উৎসাহী প্রতিষ্ঠাতা ছিলেন। গুরুদাস জাতীয় শিক্ষার পক্ষপাতী ছিলেন। কিন্তু জাতীয় শিক্ষা বলিতে তিনি কোন সঙ্কীর্ণ শিক্ষাপদ্ধতি বুঝিতেন না—শিক্ষাক্ষেত্রে উহার সার্বভৌমিক নীতিই তাঁহার আদর্শ ছিল। জাতীয় শিক্ষা-পরিষদ-প্রতিষ্ঠিত ও পরিচালিত যাদবপুর টেক্সটিকেল ইনষ্টিটিউট আজও সগৌরবে সুপ্রতিষ্ঠ থাকিয়া দেশের বৈজ্ঞানিক জ্ঞানবিস্তারে সহায়তা করিতেছে। উহাই বর্তমানে যাদবপুর বিশ্ববিদ্যালয়ে পরিণত হইয়া বিভিন্ন বিভাগ বিস্তারে উৎসাহ দিতেছে। পরিষদের এই শিল্প ও বিজ্ঞান বিভাগের কথায় গুরুদাস বলিয়াছিলেন—

“শিল্প ও বিজ্ঞানে যে সকল শাখায় শিক্ষা পাইলে আমাদের দেশের ধনসম্পদ বর্ধিত হইতে পারে, পরিষৎ সেই সকল শিক্ষাদানের ব্যবস্থা করিতে প্রচেষ্টা হইবেন।

“টেক্সটিকেল শিক্ষা ব্যতীত এই দেশের অনন্য-সমস্যা সমাধান

হইতে পারিবে না। আমাদের কোন কোন বন্ধু এমন কথাও বলিতেছেন যে, আমাদের যতদূর শক্তি আছে, তাহার সমস্তই শিল্প ও বিজ্ঞান শিক্ষাদানে নিয়োজিত করা হউক। টেক্সিকেল শিক্ষাদানের ঐকান্তিক আবশ্যকতা বোধে আমি কাহারো কাছে পরাভব স্বীকার করি না। আমাদের প্রিয় বন্ধু শ্রীযুক্ত তারক পালিত মহাশয়ের মহৎ দানে বেঙ্গল টেক্সিকেল ইনষ্টিটিউট প্রতিষ্ঠিত হওয়ায় আমি বিশেষ সন্তোষ প্রকাশ করিতেছি, কিন্তু তাহা হইলেও আমি সাহিত্য, দর্শন প্রভৃতি উদার শিক্ষা উপেক্ষা করিতে প্রস্তুত নহি। বাহু সম্পদের নিমিত্ত টেক্সিকেল শিক্ষার যেমন প্রয়োজন, যথার্থ আনন্দের নিমিত্ত সাহিত্য, দর্শন প্রভৃতির শিক্ষার তেমনি প্রয়োজন।”

শিক্ষা সম্বন্ধে গুরুদাস যাহা ভাবিয়া ও চিন্তা করিয়া গিয়াছেন, তাহা তাঁহার ‘এডুকেশন প্রবলেম্‌স ইন ইণ্ডিয়া’ (Education Problems in India) এবং ‘জ্ঞান ও কর্ম’ নামক পুস্তকদ্বয়ে লিপিবদ্ধ করিয়া গিয়াছেন। বস্তুতঃ বহির্বঙ্গে গুরুদাস শিক্ষা-বিশেষজ্ঞ বলিয়াই সমধিক খ্যাত ছিলেন।

গুরুদাস নিষ্ঠাবান্ হিন্দু ছিলেন। সামাজিক ব্যাপারে তিনি রক্ষণশীল ছিলেন এবং দেশাচারের অনুবর্তন করিতেন। অল্প বয়সে বিবাহ তিনি সমর্থন করিতেন এবং বহুবিবাহ ও বিধবা-বিবাহের বিরোধী ছিলেন। স্বীয় ধর্মমতে পরম নিষ্ঠা তাঁহার ছিল বটে, কিন্তু তিনি অপর ধর্মের বা সম্প্রদায়ের কোনদিন ঘৃণা বা নিন্দা করেন নাই। তাঁহার ধার্মিক চিত্তে এই প্রকার সঙ্কীর্ণতা স্থান

পাইত না। গীতার তিনি ভক্ত ছিলেন। ভগবানের নাম স্মরণ করিয়া তাঁহারই উদ্দেশ্যে সকল কর্ম করিতেন। গীতার এই মহাবাণী তাঁহার জীবনের মূলমন্ত্র ছিল—

যৎ করোসি যদশ্বাসি যজ্জুহোসি দদাসি যৎ ।

যৎ তপস্বসি কৌন্তেয় তৎ কুরুষ্ব মদর্পণম্ ॥

১৯১৮ সালে ২রা ডিসেম্বর ৭৫ বৎসর বয়সে এই মনীষী দেশবাসীকে শোকার্ত করিয়া পরলোক গমন করেন ।



মনস্বী ভূদেব মুখোপাধ্যায়

মনস্বী ভূদেব মুখোপাধ্যায়

“রামচন্দ্র মিত্র নামক জনৈক শিক্ষক আমাদের পড়াইতেন। আমি যেদিন প্রথম ভর্তি হইলাম, সেই দিন রামচন্দ্র বাবু পৃথিবীর গোলত্বের বিষয় আমাদের বুঝাইয়া দেন। ইংরাজীওয়ালা মাত্রেরি বিশেষতঃ ইংরাজী শিক্ষকেরা ব্রাহ্মণ পণ্ডিত ও স্বদেশীয় শাস্ত্রের প্রতি শ্লেষ-বাক্য প্রয়োগ করিতে বড়ই ভালবাসেন। আমার পিতা যে একজন ব্রাহ্মণ পণ্ডিত ছিলেন, রামচন্দ্র বাবু তাহা জানিতেন, এবং সেই কারণেই পড়াইতে পড়াইতে আমার দিকে চাহিয়া বলিলেন, “পৃথিবীর আকার কমলালেবুর মত গোল ; কিন্তু ভূদেব, তোমার বাবা একথা স্বীকার করিবেন না।” আমি কোন কথা কহিলাম না, চুপ করিয়া রহিলাম। স্কুলের ছুটির পর বাড়ী আসিলাম। কাপড় চোপড় ছাড়িতে দেরি সহিল না। একেবারে বাবার কাছে আসিয়া জিজ্ঞাসা করিলাম, “বাবা পৃথিবীর আকার কি রকম?” তিনি বলিলেন, “কেন বাবা, পৃথিবীর আকার গোল।” এই কথা বলিয়াই তিনি একখানা পুঁথি দেখাইয়া দিলেন। বলিলেন, এই গোলাখ্যায় পুঁথিখানির অমুক স্থানটি দেখ দেখি। আমি সেই স্থানটি বাহির করিয়া দেখিলাম, তথায় লেখা

রহিয়াছে, “করতলকলিতামলকবদমলং বিদন্তি যে গোলং।”
 বচনটি পাঠ করিয়া মনে একটু বলের সঞ্চার হইল। একখানি
 কাগজে এটি টুকিয়া লইলাম। পরদিন স্কুলে আসিয়া রামচন্দ্র
 বাবুকে বলিলাম, “আপনি বলিয়াছিলেন, আমার বাবা পৃথিবীর
 গোলত্ব স্বীকার করিবেন না। কেন, বাবা ত পৃথিবী গোলই
 বলিয়াছেন। এই দেখুন তিনি স্বয়ং এই শ্লোকটি আমাকে পুঁথির
 মধ্যে দেখাইয়া দিয়াছেন।” রামচন্দ্র বাবু সমস্ত দেখিয়া শুনিয়া
 বলিলেন, “ও কথাটা বলায় আমার একটু দোষ হইয়াছিল।
 তা তোমার বাবা বলবেন বই কি, তবে অনেক ব্রাহ্মণ পণ্ডিত এ
 বিষয়ে অনভিজ্ঞ।” রামচন্দ্র বাবু ও আমাতে যখন এই সকল কথা
 হয়, তখন ক্লাশের একটি ছেলের চক্ষু আমাতে বিশেষরূপে আকৃষ্ট
 দেখিতে পাইলাম। বর্ণ কালো হইলেও ছেলেটি দেখিতে বেশ
 সুশ্রী। শরীর সতেজ, ললাট প্রশস্ত, চক্ষু দুইটি বড় বড় ও অতিশয়
 উজ্জ্বল। দেখিতে অতিশয় বুদ্ধিমান ও অধ্যবসায়শীল বলিয়া বোধ
 হয়। যতক্ষণ স্কুলে ছিলাম, ততক্ষণই মধ্যে মধ্যে অতি তীব্র
 দৃষ্টিতে সে আমার দিকে চাহিতেছিল। ছুটির পর একেবারে
 আমার নিকট আসিয়া সেকছাণ্ড করিয়া আমাকে জিজ্ঞাসা করিল,
 “ভাই তোমার নাম কি? কোথায় ঘর তোমার? ইত্যাদি।”
 আমি তাহার এই অতি মিষ্ট সম্ভাষণ ও সৌজন্যে বিশেষ আপ্যায়িত
 হইয়া একে একে তৎকৃত সকল প্রশ্নগুলিরই উত্তর দিলাম। ইনিই
 মধু, এই দিন হইতে তাহার সহিত আমার ঘনিষ্ঠতা আরম্ভ হইল
 এবং অত্যল্পকাল মধ্যেই উভয়ে বিশেষ বন্ধুত্ব জন্মিল।”

যিনি নিজের বাল্যকাহিনী এমন সুন্দর ভাবে লিখিয়াছেন, তিনিই প্রাতঃস্মরণীয় মনস্বী ভূদেব মুখোপাধ্যায়। বাংলাদেশে যাহারা শিক্ষাবিস্তারে জীবনের সমস্ত সময় ও সঞ্চয় উৎসর্গ করিয়া গিয়াছেন, ভূদেব তাঁহাদেরই অগ্রতম ছিলেন।

১৮২৫ সালে ১২ই ফেব্রুয়ারী কলিকাতায় ভূদেব জন্মগ্রহণ করেন। তাঁহার পিতার নাম বিশ্বনাথ তর্কভূষণ। তাঁহাদের পূর্বপুরুষ হুগলী জেলার খানাকুল থানার অন্তর্গত নতিবপুর গ্রামের অধিবাসী ছিলেন।

ভূদেব বাল্যকালে পিতার নিকট কিছু বাংলা সংস্কৃত শিক্ষা করিয়া নয় বছর বয়সে সংস্কৃত কলেজে ভর্তি হইলেন। এখানে বছর দুই পড়িয়াছিলেন। এই সময়ে উলাষ্টন সাহেব সংস্কৃত কলেজের ইংরেজী শিক্ষক ছিলেন। একদিন তিনি ভূদেবকে জিজ্ঞাসা করিলেন, “ভূদেব, তুমি কি ইংরেজী পড়িবে?” সাহেবের উৎসাহে ভূদেব ইংরেজী শিখিতে আরম্ভ করিলেন। সাহেব তাঁহার পুঁথি-পত্র, কাগজ কলম সব কিছু নিজেই দিতেন। এক বছর এইরূপ পড়া চলিল। বাড়ীর কেহ এই কথা জানিতে পারিল না।

এদিকে ভূদেব ইংরেজীতে যতই উন্নতি করিতে লাগিলেন, সঙ্গে সঙ্গে সংস্কৃত শিক্ষার উপর ততই তিনি বীতশ্রদ্ধ হইয়া উঠিতে লাগিলেন। এই সময়ে একদিন বিশ্বনাথ তর্কভূষণ মহাশয়ের অধ্যাপক পণ্ডিত রামচরণ শিরোমণি তাঁহাদের বাড়ীতে আসিলেন। তিনি ভূদেবকে পরীক্ষা করিয়া দেখিলেন, ভূদেব সংস্কৃত ব্যাকরণে

বড়ই কাঁচা রহিয়াছেন। তিনি ভূদেবের পিতাকে সম্বোধন করিয়া কহিলেন, “তর্কভূষণ, ছেলেটি যে রাখাল হইল। ইহাতে বিশ্বনাথ অত্যন্ত ক্ষুব্ধ হইলেন এবং ছেলেকে নিদারুণ প্রহার করিলেন। পরদিন যখন ভূদেবকে পিতা চণ্ডীমণ্ডপে পড়িতে বসাইলেন, তখন ভূদেব সত্যই বাঁকিয়া বসিল, “আমি আর সংস্কৃত পড়িব না। যে শাস্ত্র পড়িলে লোকে এত নিষ্ঠুর হয়, আমি তাহা পড়িব না।” একগুঁয়ে ভূদেব শীঘ্রই রাজা রামমোহনের প্রতিষ্ঠিত ইণ্ডিয়ান একাডেমীতে ইংরেজী শিক্ষা পাইতে লাগিলেন। কিছুকাল এই স্কুলে পড়িবার পর এক শিক্ষকের সহিত বাগবিতণ্ডা হওয়ায় ভূদেব উক্ত বিদ্যালয় ছাড়িয়া দিলেন এবং নবীন মাধবদের নব্য ইংরেজী বিদ্যালয়ে অবৈতনিক ছাত্ররূপে প্রবেশ করিলেন। এই বিদ্যালয়ে ভূদেব ভাল ছাত্র বলিয়া পরিচিত হইয়াছিলেন এবং পরীক্ষায় প্রথম পারিতোষিক পাইয়াছিলেন। ভূদেবের একটি আত্মীয় ছেলে তাঁহার সঙ্গে পড়িত। সে ভারী দুষ্টি ছিল। ভূদেবের বাসায় থাকিয়াই সে পড়াশুনা করিতেছিল। পরীক্ষায় ভূদেব প্রথম পুরস্কার পাইল, ছেলেটি কিছুই পাইল না। বাড়ী গেলে তাহার আর নিস্তার নাই—হয়ত তাহাকে বাড়ী হইতে তাড়াইয়া দিবে। এই সকল কথা কহিয়া ছেলেটি ভূদেবকে বলিল,—“তুমি বাড়ীর ছেলে, তুমি পুরস্কার না পাইলে তোমাকে কে কি করিবে? কিন্তু আমার আর রক্ষা নাই, তুমি পুরস্কারের পুস্তকগুলি আমাকে দিয়া আমাকে বাঁচাও।” ভূদেব তখনই নিজের বইগুলি ছেলেটিকে দিয়া দিলেন। প্রশংসা ও যশ স্বেচ্ছায় ত্যাগ করিলেন।

ইহার পর আরো দুই একটি স্কুল বদলাইয়া ভূদেব অবশেষে ১৮৩৯ সালে হিন্দু কলেজে ভর্তি হইলেন। তাঁহার ছাত্রজীবনের স্মৃতি-কথা ও অমর কবি মাইকেল মধুসূদনের সহিত পরিচয় সূত্র প্রথমেই উল্লেখ করিয়াছি। উভয়ের মধ্যে আমরণ পরম বন্ধুত্ব ছিল।

ভূদেবের মাতা পরমা সুন্দরী ব্রহ্মময়ী দেবীকে মধুসূদন বড়ই ভক্তি করিতেন এবং “রাজলক্ষ্মীর জীবন্ত ছবি” মনে করিতেন।

হিন্দু কলেজে ভূদেবকে অনেক কষ্ট করিয়া পড়িতে হইত। দরিদ্র অধ্যাপক বিশ্বনাথের পক্ষে হিন্দু কলেজের শিক্ষার গুরুভার বহন করা সম্ভবপর ছিল না। অপরের পুঁথি বা লাইব্রেরী হইতে ধার-করা পুঁথির সাহায্যে তাঁহাকে পড়াশুনা করিতে হইত। কলেজে ভূদেব একজন বিখ্যাত ছাত্র ছিলেন। কলেজের অধ্যাপক ও সহাধ্যায়ী সকলেই তাঁহাকে ভালবাসিত। একবার ভূদেবের কলেজের বেতন আশি টাকা বাকী পড়ে। ফলে, তাঁহার পড়া বন্ধ হইবার উপক্রম হয়। বন্ধু-বৎসল মধুসূদন তাঁহাকে এই টাকা সাহায্য করিতে চাহিয়াছিলেন। কিন্তু ভূদেব এই সময়ে বৃত্তি পাওয়াতে মধুসূদনের সাহায্য গ্রহণ আবশ্যক হয় নাই।

এই সময়ে পাশ্চাত্য সভ্যতা ও শিক্ষা-দীক্ষা দেশের যুবকদিগকে উচ্ছৃঙ্খল ও অন্ধ অনুকরণপ্রিয় করিয়া তুলিয়াছিল। কিন্তু এই প্রবল স্রোতের মুখেও ভূদেব স্বীয় ধর্মে ও আচারে নিষ্ঠাবান ছিলেন। পরণে মোটা লালপেড়ে দেশী ধূতি, গায়ে সাদা চাদর ও পায়ে চটী জুতা, ইহাই তাঁহার সাধারণ পোষাক ছিল। ভূদেব একটু গম্ভীর প্রকৃতির ছেলে ছিলেন এবং লোকের সঙ্গে মেশামেশি কম করিতেন।

১৮৪৫ সালে হিন্দু কলেজের পাঠ সমাপন করিয়া পর বৎসর ভূদেব সার্টিফিকেট পাঠিলেন। এই সময়ে মিশনারীদের প্রভাব হইতে হিন্দু ছেলেদিগকে রক্ষা করিবার অভিপ্রায়ে রাজা রাধাকান্ত দেব প্রমুখ হিন্দু নেতৃবর্গের উদ্যোগে হিন্দু চেরিটেবল ইনষ্টিটিউশন প্রতিষ্ঠিত হইয়াছিল। ভূদেব উহার প্রধান শিক্ষকতা কার্য গ্রহণ করিলেন। অতঃপর আরো কতকগুলি স্কুলে অবৈতনিক শিক্ষকতার কার্য করিয়া পরিশেষে ৫০ টাকা বেতনে তিনি কলিকাতা মাদ্রাসার দ্বিতীয় শিক্ষকের পদ গ্রহণ করেন। কিছুদিন এই কার্য করিবার পর ১৮৪৯ সালে ১৫০ টাকা বেতনে হাবড়া জেলা স্কুলের প্রধান শিক্ষকের পদে উন্নীত হন। পরে ভূদেব নবপ্রতিষ্ঠিত জগলী নর্মাল স্কুলের অধ্যক্ষের পদ প্রাপ্ত হন। এই সময় হইতে ভূদেব চুচুড়ায় নিজবাটি তৈরী করিয়া বাস করিতে থাকেন। ইহার পর তিনি যথাক্রমে স্কুলসমূহের সহকারী ইন্সপেক্টার ও ইন্সপেক্টার পদে নিযুক্ত হন। পরিশেষে মাসিক দেড় সহস্র টাকা বেতনে শিক্ষাবিভাগের সর্বোচ্চ পদে উন্নীত হইয়াছিলেন এবং কিছুদিন শিক্ষাবিভাগের ডিরেক্টার পদও লাভ করিয়াছিলেন।

১৮৬৪ সালে ভূদেব শিক্ষাদর্পণ নামে ছই আনা মূল্যের মাসিকপত্র প্রচার করেন। উহা পাঁচ বছর চলিয়াছিল। অতঃপর এডুকেশন গেজেট নামে অপর একখানি পত্রিকার সম্পাদন ভার গ্রহণ করেন। এই পত্রিকাখানি পূর্ব হইতেই প্রচলিত ছিল। ভূদেব আমরণ উহা সুখ্যাতির সহিত পরিচালনা করেন।

১৮৭৭ সালে ভূদেব সরকার হইতে সি-আই-ই উপাধি প্রাপ্ত হন এবং ১৮৮২ সালে বঙ্গীয় ব্যবস্থাপক সভার সদস্য পদে নির্বাচিত হন। ঐ সালেই তিনি শিক্ষা কমিশনের সদস্য পদে বৃত্ত হইয়াছিলেন। ১৮৮৩ সালে তিনি সরকারী কর্ম হইতে অবসর গ্রহণ করেন।

ভূদেব শুধু শিক্ষা-বিস্তারেই ব্রতী ছিলেন না, সাহিত্য প্রচারেও অগ্রণী হইয়াছিলেন। পত্রিকা প্রচার ব্যতীত তিনি অনেক সংগ্রহ লিখিয়া বাংলা ভাষার শ্রীবৃদ্ধি সাধন করিয়া গিয়াছেন। তাঁহার চিন্তাশীল রচনার মধ্যে শিক্ষাবিধায়ক প্রস্তাব, আচার প্রবন্ধ, পারিবারিক প্রবন্ধ, সামাজিক প্রবন্ধ প্রভৃতি বিশেষ খ্যাত। এতদ্ব্যতীত তিনি ইংলণ্ডের ইতিহাস, গ্রীস ও রোমের ইতিহাস, প্রাকৃতিক বিজ্ঞান ও যন্ত্রবিজ্ঞান, ক্ষেত্রতত্ত্ব, বিবিধ প্রবন্ধ প্রভৃতি বিদ্যালয়-পাঠ্য পুস্তক রচনা করিয়াছেন।

ভূদেব যেমন জ্ঞানবিতরণে একদিকে জাতিকে সমৃদ্ধ করিতে-ছিলেন, অপরদিকে আবার নিজের জীবনকে জ্ঞান-বুদ্ধি করিবার জ্ঞাতাহার তীব্র পিপাসা ছিল। শেষ বয়সে তিনি কাশীতে অনেক দিন সংস্কৃত-চর্চা করিয়াছিলেন।

মুশৃঙ্খল কর্মকুশলতা ও কর্মনিষ্ঠা ভূদেবের জীবনকে নিয়ন্ত্রিত করিয়াছে। তাই তিনি লিখিতে পারিয়াছেন, “ইংরেজের কাছে আমাদের কর্মকুশলতা শিখিতে হয়, আর কিছু শিখিতে হয় না, প্রত্যুত আর কিছু না শিখিলেই ভাল হয়।”


ভূদেবের আর এক অক্ষয় কীর্তি তাঁহার অসামান্য বদান্যতা। তাঁহার সারা জীবনের সঞ্চিত প্রায় এক লক্ষ ষাট হাজার টাকা

এদেশের সংস্কৃত-চর্চার জন্ম দান করিয়া গিয়াছেন। এই উদ্দেশ্যে পিতার নামে “বিশ্বনাথ ট্রাস্ট ফণ্ড” নামক এক ধনভাণ্ডার স্থাপন করিয়া উহার উপর এই অর্থের ব্যয়ভার গ্ৰস্ত করিয়া গিয়াছেন। একজন চাকুরীজীবীর পক্ষে এরূপ রাজোচিত দান এদেশে দুর্লভ। মনস্বিতা ও হৃদয়বৃত্তার এরূপ মিলন বিরল। সংস্কৃত শিক্ষাদানের জন্ম ভূদেব পিতার নামে ‘বিশ্বনাথ চতুষ্পাঠী’ প্রতিষ্ঠা করিয়াছেন এবং মাতার নামে ‘ব্রহ্মময়ী ভেষজালয়’ নামে দেশীয় চিকিৎসালয় স্থাপন করিয়া ছুঃস্থ ও পীড়িতের সাহায্যের ব্যবস্থা করিয়া গিয়াছেন। ১৮৯৪ সালে ১৬ই মে এই মহামনস্বী পরলোক গমন করেন।

এদেশের সংস্কৃত-চর্চার জ্ঞান দান করিয়া গিয়াছেন। এই উদ্দেশ্যে পিতার নামে “বিশ্বনাথ ট্রাষ্ট ফণ্ড” নামক এক ধনভাণ্ডার স্থাপন করিয়া উহার উপর এই অর্থের ব্যয়ভার হস্ত করিয়া গিয়াছেন। একজন চাকুরীজীবীর পক্ষে এরূপ রাজোচিত দান এদেশে দুর্লভ। মনস্বিতা ও হৃদয়বৃত্তার এরূপ মিলন বিরল। সংস্কৃত শিক্ষাদানের জ্ঞান ভূদেব পিতার নামে ‘বিশ্বনাথ চতুষ্পাঠী’ প্রতিষ্ঠা করিয়াছেন এবং মাতার নামে ‘ব্রহ্মময়ী ভেষজালয়’ নামে দেশীয় চিকিৎসালয় স্থাপন করিয়া ছুঃস্থ ও পীড়িতের সাহায্যের ব্যবস্থা করিয়া গিয়াছেন।

১৮৯৪ সালে ১৬ই মে এই মহামনস্বী পরলোক গমন করেন।





ডাঃ রাসবিহারী ঘোষ

ডাঃ রাসবিহারী ঘোষ

১৮৪৫ সালের ২৩শে ডিসেম্বর তারিখে বর্ধমান জেলার খণ্ডঘোষ নামক এক নিভৃত পল্লীতে ডাঃ রাসবিহারী ঘোষ জন্মগ্রহণ করেন। সেই সময়ে পঞ্জাবে ইংরেজে ও শিখে তুমুল লড়াই চলিতেছে। তাঁহার পিতা স্বর্গীয় জগদ্বন্ধু ঘোষ সঙ্গতিপন্ন লোক ছিলেন। রাসবিহারীর বাল্যশিক্ষা গ্রাম্য পাঠশালায় আরম্ভ হয়। তৎপর তিনি বর্ধমান রাজ কলেজ-স্কুলে কিছুকাল পড়েন। অবশেষে বাঁকুড়া উচ্চ ইংরেজী বিদ্যালয়ে যাইয়া ভর্তি হন। এই স্কুল হইতেই তিনি ১৮৬০ সালে পনের বছর বয়সে এণ্ট্রান্স পরীক্ষা দিয়া দ্বিতীয় বিভাগে উত্তীর্ণ হন এবং এগার টাকা বৃত্তি পান।

পর বৎসর রাসবিহারী কলিকাতা প্রেসিডেন্সী কলেজে এফ্-এ ক্লাশে ভর্তি হইলেন। এণ্ট্রান্স পরীক্ষায় ফল খারাপ হওয়ায় রাসবিহারী সঙ্কল্প করিলেন, যেমন করিয়াই হোক্ এবার ফল ভাল করিবেনই। দৃঢ়ব্রত রাসবিহারীর সাধু সঙ্কল্প সফল হইল। ১৮৬২ সালে এফ্-এ পরীক্ষায় তিনি বিশ্ববিদ্যালয়ে সর্বপ্রথম স্থান অধিকার করিয়া উত্তীর্ণ হইলেন। পর বৎসর তিনি কৃতিত্বের সহিত বি-এ পরীক্ষা এবং তৎপর বৎসর এম্-এ অনার্সে ফাষ্ট ক্লাশ পাইয়া উত্তীর্ণ হইলেন।

১৮৬৭ সালে তিনি আইন পরীক্ষায় স্বর্ণপদক প্রাপ্ত হইয়া উক্ত পরীক্ষায় উত্তীর্ণ হইলেন। ছাত্রজীবনে তিনি কঠোর পরিশ্রমী ছিলেন। শুধু পাঠ্য পুস্তকেই তাঁহার পড়াশুনা আবদ্ধ ছিল না। পরবর্তী কালে তিনি যে ভাবোচ্ছ্বাসময় রচনা লিখিয়াছেন, তাঁহার জন্ম এই সময়েই তিনি সকল উপকরণ জীবনে সঞ্চয় করিয়াছিলেন। বিখ্যাত ইংরেজ গ্রন্থকারদের রচনা-ধারা তিনি আকর্ষণ পান করিয়াছিলেন। রাসবিহারীর ইংরেজী লেখা সম্বন্ধে শতবর্ষ যাবৎ পরিচালিত একখানা প্রসিদ্ধ ইংরেজ পত্রিকা যথার্থই লিখিয়াছিলেন—“ডাঃ রাসবিহারী ঘোষের বক্তৃতাসমূহ—তাঁ সে কাউন্সিল-গৃহেই প্রদত্ত হোক বা কংগ্রেসের মঞ্চ হইতেই উচ্চারিত হোক—সর্বদাই সর্বোত্তম ও অনুপম ভাষায় বিবৃত হইত। উহা শ্রেষ্ঠ ইংরেজ লেখকদের রচনার সঙ্গে একাসনে ঠাঁই পাইবার যোগ্য। তাঁহার যুগান্তকারী গ্রন্থ “Law of Mortgage in British India” ভাষার দিক্ দিয়া শ্রেষ্ঠ ইংরেজ লেখকদের ভাষার সঙ্গে উপমিত হইবার সম্পূর্ণ উপযুক্ত।

১৮৬৭ সালের ৫ই ফেব্রুয়ারী ২১ বছর বয়সের সময় রাসবিহারী কলিকাতা হাইকোর্টে ওকালতি আরম্ভ করেন। এই অল্পবয়স্ক তীক্ষ্ণবুদ্ধি ব্যবহারজীব শীঘ্রই তৎকালীন বিচারপতি স্বনামপ্রসিদ্ধ দ্বারকানাথ মিত্রের দৃষ্টি আকর্ষণ করিয়াছিলেন। প্রথম কয়েক বৎসর অত্যন্ত সংগ্রাম ও সংঘর্ষের মধ্য দিয়া তাঁহাকে যাইতে হইয়াছে। এই সময়ে তিনি অত্যন্ত পরিশ্রমের সহিত স্বগৃহে আইনের আলোচনা ও অধ্যয়ন করিয়াছিলেন। ইহার ফলে

১৮৭১ সালে কলিকাতা বিশ্ববিদ্যালয়ে আইন পরীক্ষায় অনার্স পাশ করেন এবং ১৮৭৫-৭৬ সালে বিশ্ববিদ্যালয়ে ঠাকুর আইন-অধ্যাপক নিযুক্ত হন। এই সময়েই তিনি সুবিখ্যাত Law of Mortgage সম্বন্ধে বক্তৃতা প্রদান করেন। ১৮৭৬ সালে ইহা গ্রন্থকারে প্রকাশিত হয়। এই বছর হইতেই তাঁহার উন্নতির সূত্রপাত হয়। ইহার পর বিশ বৎসর ধরিয়া তিনি প্রতিপত্তির সহিত হাইকোর্টে ওকালতি করিয়া গিয়াছেন। অর্থ ও যশ তাঁহার পদতলে লুপ্তিত হইয়াছে। রাসবিহারী শুধু বিচক্ষণ ব্যবহারজীব ছিলেন না, বিখ্যাত শিক্ষাবিদ ছিলেন। তাঁহার অসাধারণ বিদ্যাবত্তা এদেশের শিক্ষাক্ষেত্রে তাঁহাকে স্মরণীয় করিয়া রাখিয়াছে। কলিকাতা বিশ্ববিদ্যালয়ের নানা বিভাগের সঙ্গে তিনি বিশেষভাবে সংশ্লিষ্ট ছিলেন। ১৮৮৪ সালে তিনি বিশ্ববিদ্যালয় হইতে ডি-এল্ উপাধি লাভ করেন। ১৮৮৮ সালে কলিকাতা বিশ্ববিদ্যালয়ে তিনি ২৫০০ টাকা দান করেন। এই টাকা হইতে তাঁহার মাতা পদ্মাবতী দেবীর নামে প্রতি বৎসর কলিকাতা বিশ্ববিদ্যালয়ের শ্রেষ্ঠ মহিলা গ্রাজুয়েটকে পদক পুরস্কার দেওয়া হইয়া থাকে। এতদ্ব্যতীত তিনি বিজ্ঞান ও শিল্প শিক্ষার প্রতিও বিশেষ সহানুভূতি-সম্পন্ন ছিলেন। স্বদেশীযুগে প্রতিষ্ঠিত জাতীয় শিক্ষা পরিষদের তিনি একজন পরম উৎসাহী উদ্যোক্তা ছিলেন। বেঙ্গল টেকনিক্যাল ইন্সটিটিউটের তিনি সভাপতি ছিলেন। কলিকাতা বিশ্ববিদ্যালয়ের চ্যান্সেলাররূপে লর্ড কার্জন একবার অনেক কটুক্তি করিয়াছিলেন। রাসবিহারী সে সময়ে উহার তীব্র প্রতিবাদ করিয়াছিলেন।

১৮৮৮ সালে রাসবিহারী সর্বপ্রথম বঙ্গীয় ব্যবস্থাপক সভার সভ্য নিযুক্ত হন এবং পুনরায় ১৮৯০ সালে পুনর্নির্বাচিত হন। ১৮৯১ সালে তিনি ভারতীয় ব্যবস্থা পরিষদের (স্মশ্রীম লেজিস্লেটিভ কাউন্সিলের) সভ্য নিযুক্ত হন। এই সময়ে সহবাস-সম্মতি আইন লইয়া দেশে আন্দোলন চলিতেছিল। রাসবিহারী গোঁড়া হিন্দুদের বিরুদ্ধে প্রবল যুক্তি উপস্থিত করিয়াছিলেন। ভারতীয় ব্যবস্থা পরিষদে রাসবিহারীর স্মযুক্তিপূর্ণ বক্তৃতা-গন্তীর বক্তৃতা ভীতি ও আনন্দের বস্তু ছিল। বাটোয়ারা আইন, শুষ্ক আইন প্রভৃতি সম্পর্কে তাঁহার যুক্তিপূর্ণ বক্তৃতা বিশেষ কার্যকরী হইয়াছে। অনেক গুরুতর বিষয়ে এবং বিশেষ বিশেষ কমিটিতে রাসবিহারীর উপস্থিতি না হইলে চলিত না। গভর্ণমেন্টও তাঁহার অসাধারণ প্রতিভার মর্যাদা দিতে বাধ্য হইতেন। সরকারের নিকট হইতে রাসবিহারী যথাক্রমে সি-আই-ই ও সি-এস-আই উপাধি প্রাপ্ত হইয়াছিলেন। রাসবিহারীর দুইটি বক্তৃতা বিখ্যাত হইয়া রহিয়াছে। একটি ১৯০৭ সালের রাজদ্রোহমূলক সভাসমিতি নিবারক আইনের বিরুদ্ধে এবং অপরটি ঐ সালেরই অর্থনৈতিক (আয় ব্যয় বিষয়ক) আলোচনা সম্বন্ধে।

১৮৯৬ সাল থেকেই আমরা ডাঃ রাসবিহারীকে রাজনৈতিক আন্দোলনে যোগদান করিতে দেখিতে পাই। ঐ সালে তিনি কলিকাতা কংগ্রেসে স্মর রমেশচন্দ্র মিত্র মহাশয়ের অভিভাষণ পাঠ করিয়াছিলেন। ১৯০৫ সালে কলিকাতা টাউন হলের সভায় সভাপতিরূপে তিনি লর্ড কার্জনের মন্তব্যের তীব্র প্রতিবাদ করিয়াছিলেন। সে কথা পূর্বেই উল্লেখ করিয়াছি। ১৯০৬ সালে কলিকাতা কংগ্রেস

অভ্যর্থনা সমিতির সভাপতিরূপে তিনি যে অভিভাষণ পাঠ করিয়া ছিলেন, তাহা বিশেষ স্মরণীয়। স্বদেশীবাদের অর্থনৈতিক দিক্‌টা তাঁহার বক্তৃতায় চমৎকার ফুটিয়া উঠিয়াছে। তিনি লিখিয়াছিলেন—

“Swadeshism, I need not remind you, is not a new cult. It counted among its votaries all thoughtful men long before the division of Bengal and found expression in the Industrial & Agricultural Exhibition held under the auspices of the National Congress in Calcutta in 1901. The Swadeshi movement has been the principal motive power in the industrial development of the country.”

১৯০৮ সালে মাদ্রাজ কংগ্রেসে রাসবিহারী সভাপতি পদে বৃত্ত হইয়াছিলেন। তাঁহার সে বক্তৃতা ভাবে ও ভাষায় স্মরণীয় হইয়া রহিয়াছে।


রাসবিহারীর ব্যক্তিগত জীবন সরল ও আড়ম্বরশূন্য ছিল। তিনি ছুইবার বিবাহ করিয়াছিলেন। কিন্তু দুই পত্নীই মারা যান। এই নিঃসন্তান কৃতী মনীষীর গৃহ আত্মীয়-স্বজনের কলকোলাহলে মুখরিত থাকিত। অমন খোলা-প্রাণ ভোলা-মন মানুষ দেখা যায় কম। তাঁহার উদার হৃদয়ের নিকট কেহ কোন-কিছু যাক্সা করিয়া বিমুখ হয় নাই। আজ কংগ্রেসের চাঁদা, কাল সাহিত্য-পরিষদের চাঁদা, পরশু বিপ্লবের সাহায্য, ইহা তাঁহার নিত্য-নৈমিত্তিক কার্য ছিল। রাসবিহারী যেমন অজস্র অর্থ উপার্জন করিয়া গিয়াছেন, তেমনি

তাহার সদ্ব্যবহারও করিয়াছেন। এই দানবীরের বৃহত্তম দান কলিকাতা বিশ্ববিদ্যালয়ে বিজ্ঞান কলেজের জন্য প্রথম দশ লক্ষ টাকা ও পরে এগার লক্ষ তেতাল্লিশ হাজার টাকা দান। রাসবিহারীর এই রাজোচিত দান কলিকাতা বিশ্ববিদ্যালয়ের বিজ্ঞান-কলেজ প্রতিষ্ঠার সাহায্য করিয়াছে। বেঙ্গল টেকনিক্যাল স্কুলের জন্য তিনি মৃত্যুকালে তাঁহার সতের লক্ষ টাকা মূল্যের সম্পত্তি দান করিয়া গিয়াছেন। এতদ্ব্যতীত অন্যান্য দানেও তিনি লক্ষ লক্ষ টাকা দিয়া গিয়াছেন। রাসবিহারীর জীবনের অন্তিম সখ ছিল বই পড়া। আমরণ তাঁহার এই অধ্যয়ন-তপস্বী সমভাবে চলিয়াছে। গভীর রাত্রি জাগিয়া তিনি পড়িতেন। সেই জন্য ভোরে উঠিতে তাঁহার বেলা ন'টা বাজিয়া যাইত।

রাসবিহারী একদিকে যেমন গভীর অধ্যয়ন করিতেন, সেই সঙ্গে দেশ-বিদেশে পরিভ্রমণ করিয়া নানা জ্ঞান আহরণ করিয়াছিলেন। ভারতবর্ষ ব্যতীত তিনি যুরোপের ইংলণ্ড, ইটালী, ফ্রান্স এবং অন্যান্য পাশ্চাত্য দেশসমূহ বেড়াইয়াছিলেন।

১৯২১ সালের ফেব্রুয়ারী মাসে ডাঃ রাসবিহারী পরলোক গমন করেন।

রাসবিহারীর মত বিচক্ষণ, তীক্ষ্ণবুদ্ধি ও গভীর পাণ্ডিত্যশালী আইনজীবী এদেশে খুব কম দেখা গিয়াছে। দেশ তখন পরাধীন ছিল বলিয়া দেশের স্বাধীন কর্মক্ষেত্র তাঁহার প্রতিভার উপযুক্ত বিকাশ সাধনে সহায়ক হয় নাই, নতুবা রাসবিহারী স্বীয় প্রতিভা-বলে রাষ্ট্রের সর্বোচ্চ স্থানে আরোহণ করিতে সমর্থ হইতেন।



রাখানদাস বন্দ্যোপাধ্যায়

রাখালদাস বন্দ্যোপাধ্যায়

ভারতের অদ্বিতীয় প্রত্নতাত্ত্বিক ও ঐতিহাসিক স্বর্গীয় রাখালদাস বন্দ্যোপাধ্যায় সম্বন্ধে একজন মনস্বী লিখিয়াছিলেন—

“যে জননায়ক জনসাধারণের ধাত এবং ইতিহাস উপেক্ষা করিয়া নব রাষ্ট্র গড়িতে যাইবেন, তিনি কাগজে কলমে অভিনব ইউটোপিয়ার চিত্র অঙ্কিত করিয়া রাখিতে পারেন, কিন্তু তাঁহার পক্ষে স্থায়ী প্রাসাদ নির্মাণ করা সম্ভব বলিয়া মনে হয় না। এ দেশের লোক যখন এ কথা বুঝিতে পারিবেন, তখন তাহারা বুঝিতে পারিবেন, রাখালদাস বন্দ্যোপাধ্যায় কত বড় লোক ছিলেন এবং দেশের জন্য তিনি কত কাজ করিয়া গিয়াছেন।

সত্যি ঠাঁহারা এই আত্মবিস্মৃত জাতিকে তার পূর্ব ঐশ্বর্য ও গৌরবের কথা স্মরণ করাইয়া দিয়া জাতিকে বরণীয় করিয়া তুলিতে সাহায্য করেন তাঁহারা মহাপুরুষ মহামনীষী। তাই রাখালদাস আজ সমগ্র জাতির পূজ্য।

রাখালদাস বড় লোকের ছেলে ছিলেন—পিতামাতার আদরের ধন। বাল্যে ও কৈশোরে তাঁহার কোন অভাব ছিল না। মুখের কথাটি না ফুটিতে তাঁহার সকল প্রয়োজনীয় অপ্রয়োজনীয় জিনিস আসিয়া হাজির হইত। কিন্তু রাখালদাস ধনী ছিলেন বলিয়া গর্বিত ছিলেন না। তাঁহার উদারহৃদয় সহপাঠীদের দুঃখে করুণায়

বিগলিত হইত। ছাত্র-জীবনের কত যে সহাধ্যায়ী তাঁহার সাহায্য ও সহায়তা পাইয়া উপকৃত হইয়াছে, তাহার ইয়ত্তা নাই।

যখন বাল্যকালে বহরমপুর কলেজিয়েট স্কুলে পড়িতেন সেই সময়েই রাখালদাসের ইতিহাস পড়ার খুব অনুরাগ দেখা যাইত। বাল্যকালেই তিনি পিতার সহিত উত্তর ভারতে বেড়াইতে গিয়াছিলেন, সেই সময়ে পরিদৃষ্ট ঐতিহাসিক দৃশ্য সংস্পৃষ্ট ঘটনা ও চরিত্রগুলি যেন তাঁহার মনে এক গভীর দাগ অঙ্কিত করিয়া দিয়াছিল।

তারপর যখন রাখালদাস কলিকাতায় প্রেসিডেন্সী কলেজে ভর্তি হইলেন, তখনই তিনি যথার্থ প্রত্নতত্ত্ব ও ঐতিহাসিক আলোচনায় মনোনিবেশ করেন। রাখালদাস নিজেই বলিয়াছেন যে, “কলিকাতা প্রেসিডেন্সী কলেজে যখন তিনি মহামহোপাধ্যায় শ্রীযুক্ত হরপ্রসাদ শাস্ত্রীর নিকট সংস্কৃত পড়িতেন, তখন শাস্ত্রী মহাশয়ের উপদেশের ফলে তাঁহার মনে পুরাতত্ত্ব অনুশীলনের আকাজক্ষা জাগরিত হইয়া উঠিয়াছিল।” “বি-এ পরীক্ষায় উত্তীর্ণ হইয়া কলেজ পরিত্যাগের পূর্বেই পুরাবিজ্ঞা শিক্ষার জন্য রাখালদাস ইণ্ডিয়ান মিউজিয়ামের পুরাবিজ্ঞা-বিভাগের অধ্যক্ষ ডাক্তার থিওডোর ব্লকের শরণাগত হইয়াছিলেন। থিওডোর ব্লক যতদিন জীবিত ছিলেন, ততদিন রাখালদাস সঙ্গে সঙ্গে ছিলেন। রাখালদাস বরাবরই মুক্তকণ্ঠে স্বীকার করিতেন, পুরাতত্ত্ব বিষয়ে যাহা-কিছু শিক্ষা করিয়াছেন তাহার জন্য তিনি মহামহোপাধ্যায় হরপ্রসাদ শাস্ত্রী এবং থিওডোর ব্লকের নিকট ঋণী। ১৯০৫ সালে অধ্যাপক দেবদত্ত রামকৃষ্ণ

ভাণ্ডারকার যখন ব্লকের স্থানে কিছু দিনের জ্ঞান মিউজিয়মের কাজ করিতে আসিয়াছিলেন তখন তিনি রাখালদাসের সংগৃহীত ফটোগ্রাফ আদি উপকরণ পরীক্ষা করিয়া এবং পুরাবিদ্ধা অর্জনের জ্ঞান তাহার ব্যাকুলতা লক্ষ্য করিয়া বিস্মিত হইয়াছিলেন। তখন হইতেই রাখালদাস শক-কুষণ যুগের ইতিবৃত্ত অনুশীলন করিতে আরম্ভ করিয়াছিলেন।”

রাখালদাস যখন বি-এ পড়িতেন, সেই সময়ে তাঁহার পিতা ও মাতা উভয়েই মারা যান। পিতার প্রতি তাঁহার অত্যন্ত ভক্তি ছিল। পিতার মৃত্যুর পর তিনি এক বৎসর কাল কলার পাতায় ভোজন ও মাটির পাত্রে জল খাইতেন।

রাখালদাসের বন্ধুপ্রীতি সম্বন্ধে দুই একটি গল্প বলা এখানে অপ্ৰাসঙ্গিক হইবে না। একবার তাঁহার কোন পিতৃহীন সহপাঠীর পরীক্ষার ফিস যোগাড় হইল না। রাখালদাস তাহাকে সাহস দিয়া বলিলেন—“টাকা না যোগাড় হয় আমি যে প্রকারে পারি অভাব পূরণ করিয়া দিব।” আর একবার তাঁহার এক সহপাঠীর ঘর পুড়িয়া গেল, বেচারার সমস্ত পুঁথিপত্র নষ্ট হইয়া গেল, সামর্থ্যও এমন নাই যে আবার কিনিয়া লয়। রাখালদাস তাহাকে নিজের বই দিয়া সাহায্য করিলেন, টাকা দিয়া সাহায্য করিলেন।

রাখালদাসের হাতের লেখা ভাল ছিল না। এজন্য তাঁহাকে লিপিকারের সাহায্য গ্রহণ করিতে হইল।

রাখালদাস আমরণ কাশী বিশ্ববিদ্যালয়ের অধ্যাপকতা করিয়া গিয়াছেন এবং ভারতীয় পুরাতত্ত্ব বিভাগের কার্যে আত্মনিয়োগ

করিয়াছিলেন। বাংলা ও ইংরেজী বহু গ্রন্থ লিখিয়া তিনি এ দেশের ঐতিহাসিক সাহিত্য সমৃদ্ধ করিয়া গিয়াছেন। রাখালদাসের বাংলার ইতিহাস ১ম ও ২য় ভাগ তাঁহার অক্ষয় কীর্তি। যথার্থ ঐতিহাসিক দৃষ্টি লইয়া ইতিহাস আলোচনা রাখালদাস করিয়া গিয়াছেন। রাখালদাসের অন্ততম কীর্তি ইংরেজীতে লিখিত তাঁহার উড়িষ্যার ইতিহাস এবং প্রাচ্য ভারতের মধ্য যুগের ভাস্কর্যের বিবরণ। উড়িষ্যার ইতিহাস কুড়ি হাজার টাকা ব্যয়ে প্রবাসী-সম্পাদক রামানন্দ চট্টোপাধ্যায় মহাশয় মুদ্রিত করিয়াছিলেন। ছুংখের বিষয় উহার মুদ্রণ কার্য গ্রন্থকারের জীবদ্দশায় শেষ হয় নাই।

ইতিহাস সম্বন্ধে লোকের ঔৎসুক্য জন্মাইতে হইলে গল্পচ্ছলে প্রাঞ্জল ভাষায় উহার প্রচার আবশ্যক। রাখালদাস এ কথা ভাল করিয়া বুঝিতেন। তাই তিনি এই উদ্দেশ্যে ধর্মপাল, ময়ূখ, অসীম, করুণা প্রভৃতি ঐতিহাসিক উপন্যাস লিখিয়াছিলেন।

“রাখালদাসের প্রধান কীর্তি, রাখালদাসের অক্ষয় কীর্তি—মহেন-জো-দড়োতে অতি প্রাচীন প্রাগৈতিহাসিক যুগের সভ্যতার নিদর্শনের আবিষ্কার। রাখালদাসের মহেন-জো-দড়োতে ভগ্ন স্তূপ খননের পূর্বেই হরপ্পায় এই শ্রেণীর পুরাবস্তু আবিষ্কৃত হইয়াছিল। কিন্তু এই সকল বস্তু যে প্রাগৈতিহাসিক যুগের নিদর্শন তাহা রাখালদাসই প্রথম অনুমান করিতে অসমর্থ হইয়াছিলেন এবং তিনিই তৎপ্রতি পুরাতত্ত্ব-বিভাগের অধ্যক্ষের দৃষ্টি আকর্ষণ করিয়াছিলেন। রাখালদাসের আবিষ্কারের গুরুত্ব বুঝিতে হইলে উহার প্রাচীনতা বিবেচ্য। এই আবিষ্কারের পূর্বে বৈদিক সাহিত্য ছাড়া অবিসংবাদিত

রূপে মৌর্য যুগের পূর্ব কালের উন্নত সভ্যতার কোন নিদর্শন আমাদের হস্তগত ছিল না। এই আবিষ্কার হিন্দু সভ্যতার ইতিহাসের কাল খৃষ্ট-পূর্ব ৩০০ অব্দ হইতে এক ধাক্কায় খৃষ্ট-পূর্ব ৩০০০ অব্দে পৌঁছাইয়া দিয়াছে। হরপ্পায় এবং মহেন-জো-দড়োর ভগ্নাবশেষ যে অতি প্রাচীন তাহার এক প্রমাণ এই ভগ্নাবশেষের মধ্যে লোহার চিহ্নও পাওয়া যায় নাই; কেবল ফিণ্ট পাথরের ছুরি এবং তাহার তৈয়ারী অস্ত্র পাওয়া গিয়াছে। সুতরাং সিদ্ধান্ত হইয়াছে, যে যুগের মানুষ লোহার অস্ত্র অবগত ছিল না, লোহার অভাবে তামার অস্ত্র ব্যবহার করিত, এবং যে যুগে, তামা আবিষ্কারের পূর্বে ব্যবহৃত পাথরের অস্ত্রও একেবারে পরিত্যক্ত হয় নাই, হরপ্পায় এবং মহেন-জো-দড়োর ভগ্নস্থপ সেই অতি প্রাচীন পাষণ যুগের এবং তাম্র যুগের সন্ধিক্ষণের সভ্যতার পরিচায়ক। খৃষ্টাব্দের হিসাবে এই সভ্যতার বয়ঃক্রম কত তাহাও নির্ধারিত হইয়াছে। হরপ্পায় এবং মহেন-জো-দড়োতে অপরিচিত অক্ষরের লেখাযুক্ত বহু সংখ্যক সচিত্র মোহর (Seal) পাওয়া গিয়াছে।

“অনেক দিন পূর্বে ঠিক এই প্রকার একটি মোহর পারস্তের অন্তর্গত সুসার ভগ্নাবশেষের মাটিতে পাওয়া গিয়াছিল এবং আর একটি মোহর কয়েক বৎসর পূর্বে মেসোপটেমিয়ার অন্তর্গত কিশের ভগ্নাবশেষ খনন কালে পাওয়া গিয়াছে। এই দুইটি মোহর যে সুসার এবং কিশে তৈয়ারী হয় নাই, কিন্তু হরপ্পা-মহেন-জো-দড়ো অঞ্চল হইতে তথায় নীত হইয়াছিল, এই প্রকার সিদ্ধান্ত অনিবার্য। সুসার এবং কিশের ভগ্নস্থপের যে স্তরে এই সিদ্ধদেশীয় মোহর

করিয়াছিলেন। বাংলা ও ইংরেজী বহু গ্রন্থ লিখিয়া তিনি এ দেশের ঐতিহাসিক সাহিত্য সমৃদ্ধ করিয়া গিয়াছেন। রাখালদাসের বাঙ্গালার ইতিহাস ১ম ও ২য় ভাগ তাঁহার অক্ষয় কীর্তি। যথার্থ ঐতিহাসিক দৃষ্টি লইয়া ইতিহাস আলোচনা রাখালদাস করিয়া গিয়াছেন। রাখালদাসের অন্ততম কীর্তি ইংরেজীতে লিখিত তাঁহার উড়িষ্যার ইতিহাস এবং প্রাচ্য ভারতের মধ্য যুগের ভাস্কর্যের বিবরণ। উড়িষ্যার ইতিহাস কুড়ি হাজার টাকা ব্যয়ে প্রবাসী-সম্পাদক রামানন্দ চট্টোপাধ্যায় মহাশয় মুদ্রিত করিয়াছিলেন। দুঃখের বিষয় উহার মুদ্রণ কার্য গ্রন্থকারের জীবদ্দশায় শেষ হয় নাই।

ইতিহাস সম্বন্ধে লোকের ঔৎসুক্য জন্মাইতে হইলে গল্পচ্ছলে প্রাঞ্জল ভাষায় উহার প্রচার আবশ্যক। রাখালদাস এ কথা ভাল করিয়া বুঝিতেন। তাই তিনি এই উদ্দেশ্যে ধর্মপাল, ময়ূখ, অসীম, করুণা প্রভৃতি ঐতিহাসিক উপন্যাস লিখিয়াছিলেন।

“রাখালদাসের প্রধান কীর্তি, রাখালদাসের অক্ষয় কীর্তি—মহেন-জো-দড়োতে অতি প্রাচীন প্রাগৈতিহাসিক যুগের সভ্যতার নিদর্শনের আবিষ্কার। রাখালদাসের মহেন-জো-দড়োতে ভগ্ন স্তূপ খননের পূর্বেই হরপ্রায় এই শ্রেণীর পুরাবস্তু আবিষ্কৃত হইয়াছিল। কিন্তু এই সকল বস্তু যে প্রাগৈতিহাসিক যুগের নিদর্শন তাহা রাখালদাসই প্রথম অনুমান করিতে অসমর্থ হইয়াছিলেন এবং তিনিই তৎপ্রতি পুরাতত্ত্ব-বিভাগের অধ্যক্ষের দৃষ্টি আকর্ষণ করিয়াছিলেন। রাখালদাসের আবিষ্কারের গুরুত্ব বুঝিতে হইলে উহার প্রাচীনতা বিবেচ্য। এই আবিষ্কারের পূর্বে বৈদিক সাহিত্য ছাড়া অবিসংবাদিত

রূপে মৌর্য যুগের পূর্ব কালের উন্নত সভ্যতার কোন নিদর্শন আমাদের হস্তগত ছিল না। এই আবিষ্কার হিন্দু সভ্যতার ইতিহাসের কাল খৃষ্ট-পূর্ব ৩০০ অব্দ হইতে এক ধাক্কায় খৃষ্ট-পূর্ব ৩০০০ অব্দে পৌঁছাইয়া দিয়াছে। হরপ্পায় এবং মহেন-জো-দড়োর ভগ্নাবশেষ যে অতি প্রাচীন তাহার এক প্রমাণ এই ভগ্নাবশেষের মধ্যে লোহার চিহ্নও পাওয়া যায় নাই; কেবল ফিণ্ট পাথরের ছুরি এবং তাহার তৈয়ারী অস্ত্র পাওয়া গিয়াছে। সুতরাং সিদ্ধান্ত হইয়াছে, যে যুগের মানুষ লোহার অস্তিত্ব অবগত ছিল না, লোহার অভাবে তামার অস্ত্র ব্যবহার করিত, এবং যে যুগে, তামা আবিষ্কারের পূর্বে ব্যবহৃত পাথরের অস্ত্রও একেবারে পরিত্যক্ত হয় নাই, হরপ্পায় এবং মহেন-জো-দড়োর ভগ্নস্থপ সেই অতি প্রাচীন পাষাণ যুগের এবং তাম্র যুগের সন্ধিক্ষণের সভ্যতার পরিচায়ক। খৃষ্টাব্দের হিসাবে এই সভ্যতার বয়ঃক্রম কত তাহাও নির্ধারিত হইয়াছে। হরপ্পায় এবং মহেন-জো-দড়োতে অপরিচিত অক্ষরের লেখাযুক্ত বহু সংখ্যক সচিত্র মোহর (Seal) পাওয়া গিয়াছে।

“অনেক দিন পূর্বে ঠিক এই প্রকার একটি মোহর পারস্তের অন্তর্গত সুসার ভগ্নাবশেষের মাটিতে পাওয়া গিয়াছিল এবং আর একটি মোহর কয়েক বৎসর পূর্বে মেসোপটেমিয়ার অন্তর্গত কিশের ভগ্নাবশেষ খনন কালে পাওয়া গিয়াছে। এই দুইটি মোহর যে সুসার এবং কিশে তৈয়ারী হয় নাই, কিন্তু হরপ্পা-মহেন-জো-দড়ো অঞ্চল হইতে তথায় নীত হইয়াছিল, এই প্রকার সিদ্ধান্ত অনিবার্য। সুসার এবং কিশের ভগ্নস্থপের যে স্তরে এই সিন্ধুদেশীয় মোহর

আবিষ্কৃত হইয়াছিল ; নানা প্রমাণের বলে সর্বসম্মতি-ক্রমে পুরাতত্ত্ব-বিদগণ সেই স্তরের সময় নির্ধারণ করিয়াছেন আনুমানিক খৃষ্টপূর্ব ৩০০০ অব্দ। সিলমোহর ছাড়া অত্যাশ্চর্য বস্তুও মেসোপোটেমিয়ার ভগ্নস্থপ নিচয়ের ঐ একই স্তরে পাওয়া গিয়াছে যাহা খুব সম্ভব সিন্ধুদেশ হইতে সেখানে আমদানী করা হইয়াছিল। ঋক্বেদ, রামায়ণ, মহাভারত প্রভৃতির রচনার কাল লইয়া পণ্ডিত সমাজে বিস্তর মতভেদ থাকিলেও, মহেন-জো-দড়ো এবং হরপ্পা নগরী যে, খৃষ্টাব্দের আরম্ভের ৩০০০ বৎসর পূর্বে বিদ্যমান ছিল, এই বিষয়ে মতভেদের অবকাশ নাই। সেই সময় এই নগরীদ্বয়ের সভ্যতা নিকটবর্তী দেশের সভ্যতার তুলনায় সম্পূর্ণ স্বতন্ত্র আকার ধারণ করিয়াছিল। সুতরাং এ সভ্যতাকে ধার-করা সভ্যতা অথবা আগন্তুকগণের আনীত সভ্যতা বলা যায় না ; এই সভ্যতা সিন্ধুনদের তীরেই বিকাশ লাভ করিয়াছিল। মহেন-জো-দড়ো এবং হরপ্পার সভ্যতা যেমন প্রাচীন তেমনই উন্নত ছিল, একথাও সর্ববাদিসম্মত। এই সমুন্নত সভ্যতা যখন আমদানী করা নয়, দেশজ,—তখন স্বীকার করিতে হইবে, আনুমানিক ছয় সাত হাজার বৎসর পূর্বে সিন্ধুতীরে সভ্যতার সূত্রপাত হইয়া থাকিবে। পক্ষান্তরে টাইগ্রিস্ এবং ইউফ্রেটিস্ নদীর তীরে যে সুমেরীয় সভ্যতার নিদর্শন পাওয়া গিয়াছে তাহা দেশজ নহে, আগন্তুকগণের আনীত। এখন জিজ্ঞাসা করা যাইতে পারে, সুমেরীয় সভ্যতা কি সিন্ধুদেশ হইতে গত উপনিবেশিকগণের সৃষ্টি? প্রাগৈতিহাসিক সিন্ধুদেশের সভ্যতা এবং সুমেরীয় সভ্যতায় কোনো কোনো বিষয়ে এত প্রভেদ আছে যে, পণ্ডিতেরা

এই দুই সভ্যতার মধ্যে এত ঘনিষ্ঠ সম্বন্ধ স্বীকার করিতে চাহেন না। তাঁহারা আপাততঃ সিদ্ধান্ত করিয়াছেন, ভারতবর্ষের পশ্চিম সীমান্তের বাহিরে, অথচ ভারতবর্ষেরই নিকটে হয়ত বেলুচিস্তান অথবা সিস্তানে প্রাগৈতিহাসিক সভ্যতার বাহা মূল, তাহা রোপিত হইয়াছিল। সেই মূল হইতে যে বৃক্ষ উৎপন্ন হয়, তাহার এক কাণ্ড সিদ্ধনদের তীর পর্যন্ত বিস্তৃত হইয়াছিল এবং আর এক কাণ্ড টাইগ্রিস্ এবং ইউফ্রেটিস্ নদের তীরদেশে পৌঁছিয়াছিল।

“সিদ্ধু তীরের প্রাগৈতিহাসিক সভ্যতার উৎপত্তি অপেক্ষা পরিণতির প্রসঙ্গ আমাদের কাছে অধিকতর শিক্ষাপ্রদ। সুমেরীয় সভ্যতার মূল ধারা এবং মিশরীয় সভ্যতার মূল ধারা বহুকাল শুকাইয়া গিয়াছে। সিদ্ধুতীরের সভ্যতার মূলধারাও কি সেই দশাই প্রাপ্ত হইয়াছে? না, হিন্দু সভ্যতার আকার ধারণ করিয়া আজও প্রবহমান আছে? সিদ্ধুতীরের প্রাগৈতিহাসিক সভ্যতা বর্তমান হিন্দু সভ্যতার অন্তরালে এখনও জীবিত রহিয়াছে অর্থাৎ হিন্দু সভ্যতা মূলতঃ সিদ্ধুতীরের প্রাচীন সভ্যতা। রাখালদাসের আবিষ্কারের ফলে ঐতিহাসিক চিন্তাশ্রোত এখন কোন খাতে চলিয়াছে, তাহা দেখাইবার জন্য একথাটা একটু খোলসা করিয়া বলা আবশ্যক মনে করি। রাখালদাসের পরে যঁাহারা মহেন-জো-দাড়ো খনন করিয়াছেন তাঁহারা কতকগুলি পাথরের মূর্তি পাইয়াছেন, সে সকল মূর্তির অঙ্গভঙ্গী এবং মুখভঙ্গী হুবহু হিন্দু-শাস্ত্রোক্ত ধ্যানযোগীর মুখভঙ্গীর মত। মহেন-জো-দাড়োর এই মূর্তির হাত পা ভাঙ্গিয়া গিয়াছে। কিন্তু যে সকল মূর্তি অবশিষ্ট

আছে তাহাতে ‘সম কায়শিরোগ্রীবং’ এবং নাসিকাগ্রবদ্ধদৃষ্টি পরিষ্কার বিद्यমান রহিয়াছে। মহেন-জো-দাডোতে প্রাপ্ত কোন কোন মোহরে যোগীর মত পদ্মাসনবদ্ধ পদে উপবিষ্ট মনুষ্যের চিত্রও অঙ্কিত রহিয়াছে। ভারতবর্ষের বাহিরে আর কোথাও এরূপ মূর্তি বা চিত্র দেখিতে পাওয়া যায় না। কিন্তু পরবর্তী কালে ভারত-বর্ষের কত দেবদেবীর এবং বুদ্ধ বা জিনের মূর্তি গঠিত হইয়াছে তাহার সকলগুলিই নাসিকাগ্রবদ্ধদৃষ্টি। ইহার কারণ হিন্দুর উপাসনাকাণ্ড এক হিসাবে যোগীর পূজা। বুদ্ধ এবং জিনগণ ধ্যানস্থ বা যোগযুক্ত বলিয়া বাণত হইয়াছেন। বৈষ্ণবের বিষ্ণু ও শৈবের শিবও যোগীর আকার কল্পিত। তাই বুদ্ধ ও জিন মূর্তির ন্যায় হিন্দুর ঈশ্বেদেবতার মূর্তিও নাসিকাগ্রবদ্ধদৃষ্টি। যে ক্ষেত্রে প্রধান লক্ষণে শৈব, বৈষ্ণব, বৌদ্ধ এবং জৈন মূর্তির সহিত মহেন-জো-দাডোর মূর্তির এমন ঐক্য দেখা যায়, সেই ক্ষেত্রে দুই শ্রেণীর মূর্তির মধ্যে যে একটা নিকট সম্বন্ধ আছে, একথা স্বীকার না করিয়া পারা যায় না। সুতরাং সিদ্ধান্ত করিতে হয়, প্রাগৈতিহাসিক যুগের মহেন-জো-দাডোর অধিবাসিগণের মধ্যে কোন প্রকার যোগ-সাধন এবং যোগস্থ দেবতার বা সাধুর উপাসনা প্রচলিত ছিল, যাহা কালক্রমে হিন্দু, বৌদ্ধ এবং জৈন ধর্মের প্রাণবস্তুতে পরিণত হইয়াছে।

“রাখালদাসের মহান্ আবিষ্কার যে মানবের ইতিহাস এবং সমাজ-বিজ্ঞানকে উন্নতির পথে কতদূর লইয়া যাইবে তাহা এখন অনুমান করা দুঃসাধ্য। ভবিষ্যতে এই সকল বিচার যতই অনুশীলন

হইবে, রাখালদাসের স্মৃতির প্রতি পণ্ডিত সমাজের শ্রদ্ধা ততই বাড়িতে থাকিবে। রাখালদাসকে আর আমরা সশরীরে দেখিতে পাইব না বটে, রাখালদাসের মৃত্যু নাই, রাখালদাস অমর।”

১৩৩৭ সালে রাখালদাস ইহলোক ত্যাগ করেন।





আচার্য যতুনাথ সরকার

আচার্য যদুনাথ সরকার

অধ্যাপক যদুনাথ সরকার ১৩৩৩ সালে কলিকাতা বিশ্ববিদ্যালয়ে ভাইস্-চ্যান্সেলারের পদে নিযুক্ত হইয়াছিলেন। তাঁহার পূর্বে আর কোন বাঙালী অধ্যাপকের ভাগ্যে এই উচ্চ সম্মান লাভ ঘটিয়া উঠে নাই। ১৮৭০ খ্রীষ্টাব্দে রাজসাহী জেলার করচমারিয়া গ্রামে যদুনাথের জন্ম হয়। তাঁহার পিতা ৩রাজকুমার সরকার তখন উত্তর বঙ্গের একজন উচ্চশিক্ষিত দেশসেবক জমিদার বলিয়া সুপরিচিত।

যদুনাথ যথাক্রমে রাজসাহী ও প্রেসিডেন্সী কলেজে অধ্যয়ন করেন। সমস্ত পরীক্ষাতেই প্রথম শ্রেণীর বৃত্তি লাভ করিয়া, ১৮৯২ সালে তিনি ইংরেজীতে এম্-এ পরীক্ষা দেন। এম্-এ পরীক্ষায় তিনি প্রথম বিভাগের সর্বোচ্চ স্থান অধিকার করিয়াছিলেন। তাঁহার কলেজ সহপাঠীদের মধ্যে মহীশূর রাজ্যের ভূতপূর্ব দেওয়ান আর আল্‌বিয়ন রাজকুমার বন্দ্যোপাধ্যায় ও রায় বাহাদুর ললিতমোহন চট্টোপাধ্যায়ের নাম করা যাইতে পারে। ১৮৯৭ সালে যদুনাথ ইংরেজী সাহিত্য, ইতিহাস, অর্থনীতি ও রাষ্ট্রনীতি এই চারি বিষয়ের পরীক্ষা দিয়া, রায়চাঁদ প্রেমচাঁদ বৃত্তিস্বরূপ সাত হাজার টাকা ও মোয়াট স্বর্ণপদক প্রাপ্ত হন। তাঁহার ইংরেজী গ্রন্থ “আওরঙ্গজীবের সমসাময়িক ভারতবর্ষ”—এই রায়চাঁদ প্রেমচাঁদ বৃত্তির জন্য লিখিত

হয়। ইহার কয়েক বৎসর পরে তিনি মৌলিক গবেষণার জন্য গ্রীফিথস্ প্রাইজ লাভ করেন।

তাহার কর্মজীবনের আরম্ভ ১৮৯৩ খৃষ্টাব্দে। ঐ বৎসর মার্চ মাসে তিনি বিদ্যাসাগর (পূর্বে মেট্রোপলিট্যান নাম ছিল) কলেজের অধ্যাপকের পদে নিয়োজিত হন। ১৮৯৮ সালের জুন মাসে তিনি অধ্যাপকরূপে প্রেসিডেন্সী কলেজে প্রবেশ করেন। পাটনা কলেজের সুযোগ্য অধ্যক্ষ উইলসন সাহেব পর বৎসর তথায় ইংরেজী সাহিত্যের অধ্যাপনার উন্নতি সাধনের জন্য যত্ননাথকে সেখানে বদলী করান। সুদীর্ঘ ১৮ বৎসর পাটনার অতিবাহিত করিবার পর, বারাণসী হিন্দু বিশ্ববিদ্যালয়ের আহ্বানে তিনি দুই বৎসরের জন্য ভারত-ইতিহাস বিভাগের প্রধান অধ্যাপকরূপে কাশী গমন করেন। ১৯১৮ সালে ইশলিংটন কমিটির নির্দেশে তিনি এবং আরও কয়েকজন ভারতীয় কর্মচারী প্রাদেশিক শিক্ষা-বিভাগ হইতে (I.E.S.) ভারতীয় শিক্ষা বিভাগে উন্নীত হন। ১৯১৯ সালের মাঝামাঝি তাঁহাকে আবার তাহার স্থায়ী সরকারী কার্যে আনয়ন করা হয়। তিনি বারাণসী হিন্দু বিশ্ববিদ্যালয় ত্যাগ করিয়া কটক রাভেন্সা কলেজে অধ্যাপকরূপে যোগদান করেন। ১৯২৮ সালের অক্টোবর মাসে তিনি পুনরায় পাটনা কলেজে ফিরিয়া আসেন, অবসর গ্রহণের শেষ দিন (৭ই আগষ্ট ১৯২৬) পর্যন্ত পাটনায় অধ্যাপনা কার্যে ব্রতী ছিলেন।

শিক্ষা-সংক্রান্ত নানা প্রতিষ্ঠানের সহিত বহুদিন হইতেই যত্ননাথের সংযোগ ছিল। ক্রমান্বয়ে নয় বৎসর তিনি হিন্দু বিশ্ববিদ্যালয়ের সিনেট, সিণ্ডিকেট, বোর্ডগুলির এবং পাটনার বিশ্ববিদ্যালয়ের সিনেট,

সিণ্ডিকেট ও নানা কমিটির সদস্য ছিলেন। আট বৎসর কাল কলিকাতা বিশ্ববিদ্যালয়ের পোষ্ট গ্রাজুয়েট অধ্যাপকরূপে তিনি পাটনা কেন্দ্রে এন্-এ ইতিহাসের শিক্ষকতা করিয়াছেন। ইণ্ডিয়ান হিস্টরীক্যাল রেকর্ডস কমিশনের স্থাপনা (১৯১৯) হইতেই তিনি ইহার বিশেষজ্ঞ সদস্য নিযুক্ত হইয়া রহিয়াছেন। অনেকদিন ধরিয়া প্রায় প্রতি পূজার ছুটিতেই তিনি ভারতের নানা ঐতিহাসিক প্রদেশ ও নগর ভ্রমণ করিয়াছেন এবং অনেকস্থলেই স্থানীয় ভদ্রমণ্ডলীর আগ্রহে বক্তৃতা দিতে বাধ্য হইয়াছেন। সুবিখ্যাত গ্রেটব্রিটেন ও আয়ারল্যান্ডের রয়্যাল এশিয়াটিক সোসাইটী তাঁহাকে “সম্মানিত” সদস্য নির্বাচিত করেন (১৯২৩) ; এই পদ সমস্ত সভ্য জগৎ হইতে বাছিয়া কেবল মাত্র ৩০ জন লেখককে দেওয়া হয়। ১৯২৬ সালে ভারত সরকার তাঁহাকে সি-আই-ই উপাধিতে ভূষিত করেন। পরে বোম্বাই এশিয়াটিক সোসাইটী সর্বসম্মতিক্রমে তাঁহাকে ‘জেম্‌স ক্যাম্বল্‌ স্বর্ণপদক’ ও একশত টাকা প্রদান করিয়াছেন। ইহা তিন বৎসর পরে পরে সর্বশ্রেষ্ঠ লেখককে দেওয়া হয়। তিনি বাঁকিপুৰ অধিবেশনে বঙ্গীয় সাহিত্য সম্মেলনের ইতিহাস শাখার সভাপতির আসন অলঙ্কৃত করিয়াছিলেন এবং ১৯১০ সালে উত্তরবঙ্গ সাহিত্য সম্মেলনের সভাপতিত্ব করেন।

গ্রন্থকার হিসাবে অধ্যাপক সরকারের নাম দেশ-বিদেশে সুপরিচিত। তাঁহার রচিত ইংরেজী গ্রন্থগুলি—আওরংজেব, শিবাজী প্রভৃতি সুধী-সমাজে উচ্চ সমাদর লাভ করিয়াছে। তাঁহার লিখিত অনেক গবেষণামূলক ইংরেজী প্রবন্ধ মডার্ন রিভিযু পত্রিকাতে

হয়। ইহার কয়েক বৎসর পরে তিনি মৌলিক গবেষণার জন্য গ্রীফিথস্ প্রাইজ লাভ করেন।

তঁাহার কর্মজীবনের আরম্ভ ১৮৯৩ খৃষ্টাব্দে। ঐ বৎসর মার্চ মাসে তিনি বিদ্যাসাগর (পূর্বে মেট্রোপলিট্যান নাম ছিল) কলেজের অধ্যাপকের পদে নিয়োজিত হন। ১৮৯৮ সালের জুন মাসে তিনি অধ্যাপকরূপে প্রেসিডেন্সী কলেজে প্রবেশ করেন। পাটনা কলেজের সুযোগ্য অধ্যক্ষ উইলসন সাহেব পর বৎসর তথায় ইংরেজী সাহিত্যের অধ্যাপনার উন্নতি সাধনের জন্য যত্ননাথকে সেখানে বদলী করান। সুদীর্ঘ ১৮ বৎসর পাটনার অতিবাহিত করিবার পর, বারাণসী হিন্দু বিশ্ববিদ্যালয়ের আহ্বানে তিনি দুই বৎসরের জন্য ভারত-ইতিহাস বিভাগের প্রধান অধ্যাপকরূপে কাশী গমন করেন। ১৯১৮ সালে ইশলিংটন কমিটির নির্দেশে তিনি এবং আরও কয়েকজন ভারতীয় কর্মচারী প্রাদেশিক শিক্ষা-বিভাগ হইতে (I.E.S.) ভারতীয় শিক্ষা বিভাগে উন্নীত হন। ১৯১৯ সালের মাঝামাঝি তঁাহাকে আবার তঁাহার স্থায়ী সরকারী কার্যে আনয়ন করা হয়। তিনি বারাণসী হিন্দু বিশ্ববিদ্যালয় ত্যাগ করিয়া কটক রাভেনশা কলেজে অধ্যাপক-রূপে যোগদান করেন। ১৯২৮ সালের অক্টোবর মাসে তিনি পুনরায় পাটনা কলেজে ফিরিয়া আসেন, অবসর গ্রহণের শেষ দিন (৭ই আগষ্ট ১৯২৬) পর্যন্ত পাটনায় অধ্যাপনা কার্যে ব্রতী ছিলেন।

শিক্ষা-সংক্রান্ত নানা প্রতিষ্ঠানের সহিত বহুদিন হইতেই যত্নাথের সংযোগ ছিল। ক্রমাগতই নয় বৎসর তিনি হিন্দু বিশ্ববিদ্যালয়ের সিনেট, সিণ্ডিকেট, বোর্ডগুলির এবং পাটনার বিশ্ববিদ্যালয়ের সিনেট,

আচার্য বুদ্ধনাথ সুরকার

সিঙিকোট ও নানা কমিটির সদস্য ছিলেন।
কলিকাতা বিশ্ববিদ্যালয়ের পোষ্ট গ্রাজুয়েট আর্টস সনমর ১৯৬৬
পাঠনা কেন্দ্রে এন্-এ ইতিহাসের শিক্ষকতা অধ্যাপকরূপে কাজ
হিন্দুরীক্যাল রেকর্ডস কমিশনের স্থাপনা (১৯৬৮)
ইহার বিশেষজ্ঞ সদস্য নিযুক্ত হইয়া রহিয়াছেন।
প্রায় প্রতি পূজার ছুটিতেই তিনি ভারতের নানা
ও নগর ভ্রমণ করিয়াছেন এবং অনেক


প্রকাশিত হইয়াছে। সেগুলি এখনও পুস্তকাকারে প্রকাশিত হয় নাই। তাঁহার বিরাট পুস্তকাগারে বহুবর্ষব্যাপী চেষ্টায় বহু কষ্টে সংগৃহীত ফার্সী, মারাঠি ও পতুগীজ প্রাচীন পুঁথি, মুদ্রিত পুস্তক ও দলিল দস্তাবেজ হইতে তথ্য আহরণ করিয়া বহু ঐতিহাসিক ছাত্র নিজেদের গবেষণার বিশেষ সুবিধা লাভ করিয়াছেন। অধ্যক্ষ সরকারের মত গুরু লাভ করিয়া যাঁহারা মৌলিক গবেষণায় নিযুক্ত আছেন, তাঁহাদের মধ্যে অধ্যাপক কালিকারঞ্জন কানুনগো ও ব্রজেন্দ্রনাথ বন্দ্যোপাধ্যায়ের নাম বিশেষভাবে উল্লেখযোগ্য।

ভারতের তথা বাঙলার মধ্যযুগের ইতিহাসের নূতন তথ্য আবিষ্কার করিয়া তাহা বঙ্গভাষা-ভাষীদিগের জ্ঞান যত্নবানু কতবার উপহার দিয়াছেন, একথা বলাই নিস্প্রয়োজন।







The background of the entire page is a vibrant yellow. It features a collage of several black and white line-art portraits of men, likely historical figures, arranged in a circular pattern. Interspersed among these portraits are small, white, four-pointed star-like symbols.

বাংলাব মেলীষা

শ্রীঅর্জুনচন্দ্র ঘোষ এম্. এ.